



BIBLIOTECA NAZIONALE

110

G

34

NAPOLI

110
G
34.

7. W. 100.

BIBLIOTEC

110

G

34

NAPOL

1. A. 110

83
9
114

JOSEPHI AURELII
D E
JANUARIO
REGII CONSILIARII
CARMINA
EDITIO NOVISSIMA
EMENDATIO;

*In qua plurima addita, quae aut sparsim
evagabantur, aut numquam edita.*



NEAPOLI MDCCLXVII

ÆRE DOMINICI TERRES

TYPIS JOSEPHI RAYMUNDI

SUPERIORUM PERMISSU AC PRIVILEGIO

ERUDITO LECTORI

JOHANNES ANTONIUS SERGIUS,

JURECONSULTUS ET ADVOCATUS
NEAPOLITANUS

S



A est nonnullorum in judicando perversitas, atque ita fero Musique inimico animo insaniant, ut nullum Jureconsultis cum poeticis mitioribusque studiis foedus esse inendum autement, indictaque causâ pronuncient. Hi quidem, quoniam meliori hominum sensu satis repellantur, suâque tristitiâ puniuntur abunde, Diis suis iratis essent relinquendi. Verum instituti a me suscepti, in hac sapientissimi Jureconsulti Carminum quantivis precii editione et curanda, postulat ratio, ut ipso in operis vestibulo, vulgarem hanc bonisque perniciosam litteris opinionem paucis saltem evellere aggrediar argumentis.

Atque illud primum statuendum, quisnam numeris omnibus absolutus Jureconsultus sit existimandus. Si enim illum accipimus, virum agresti quadam doctrina squalentem; quique, ad tanti nominis tuendum decus, satis superque ducat, Juris artem ex inquinatis barbarorum haurire lacunis, & rabulam in foro tumidum ac ferocem agendo, miseris omnia garrulitatibus permiscere; nã ego cum hisce Poetarum hostibus in unam eandemque pedibus etiam ibo sententiam.

A

tiam.

• Anno nimirum MDCCXLI

tiam. Quandoquidem vero non ita desipimus, & perfectum Jureconsultum illum animo effingimus, qui publici & privati, Romani ac patrii Juris sit peritus; quique, ut nunc plerumque mos obtinet, &, deleta Republica, sub Imperatoribus invaluit, non abhorreat ab Eloquentiæ cultu, ut possit nedum jus suum cuique tribuere, sed ab improborum etiam conatibus tueri ac defendere; dicam quod sentio, non modo non inutilis, sed perquam etiam necessaria Jurisprudentiæ cum lætioribus hisce litteris amica conspiratio merito est judicanda. Et sane, quid censores isti, vitio creati, reprehendere possint, prorsus non video, cum objiciam, Jus nostrum non ex insuavis sermonis quisquiliis, Gothorumque colluvie, sed e puris putisque latinæ linguæ fontibus defuisse. Quod cum ita sit, quam ratione poterit, non dicam imbibi, sed ne primoribus quidem labris degustari, nisi ipsamet Romanorum cogitandi forma, ac beati illorum sermonis venter & lepores, quibus præsertim affluunt carmina, hauriantur penitus, & in succum veluti ac sanguinem convertantur? Unde etiam vera & absoluta Eloquentia vires & lumina, unde copiam ubertatemque desumet, nisi e poeticis libris ac monumentis? Si qui igitur sunt sacra facturi, puris sese abluunt undis; audebit ne quis illoris, ut ajunt, pedibus in Jurisprudentiæ & Eloquentiæ adyta penetrare; atque animo non præparato neque exulto augustioribus hisce sese initiare mysteriis? Cumque nemo Poetâ impensius, arti suæ modo velit consulere, humani pectoris intimos abditosque collustrat recessus, ut affabre affectus exprimat imiteturque; quam facultas Oratori ac Jurisperito utilior, quam quæ interiores motus vestigans rimatur atque excitat, ut quo velit, ad honesti cultum perducere possit & inflammare? Adhæc, si
Jus

1 Inde *disertissimi* elogium veteribus] Cris frequenter adscriptum. Julianus *disertissimus Jurisperitus* in l. 5. C. de Bon. quæ liber. Ulpianus & Papinianus *viri*

disertissimi l. ult. C. de Insit. & *sublit.* Quod posterorum Principum, Justiniani potissimum ætate viguisse, non est cur exemplis confirmem.

Jus Naturæ, & Gentium præsertim, ex populorum consensu deducitur moribusque; penes quosnam auctores, nisi apud Poetas hæc explicantur ubèrius, elegantioribusque coloribus depinguntur? Nonne, his potissimum facibus præcunctibus, magnus Hugo Grotius palmam omnibus in hac arena præripuit; quique hanc quoque Ipartam exornarunt, Pufendorpius, & Barbeyracius? Neque id factum immerito, sed proprio jure: quem enim fugit, Poetas primos fuisse emendatores motum, societatis, religionis, & legum conditores?

*Silvestres homines sacer interpretque Deorum
Cadibus, & visu fædo deterruit Orpheus,
Dædus ab hoc lenire tigres, rabidosque leones;
Dædus & Amphion, Thebana conditor arcis,
Saxa movere sono testudinis, & prece blanda
Ducere, quo vellet. Fuit hæc sapientia quondam,
Publica privatis secernere, facta profanis;
Concubitu prohibere vago; dare jura maritis;
Oppida moliri; leges incidere ligno.
Sic honor, & nomen divinis Vatribus, atque
Carminibus venit.* 1

Neque vero hic mihi caperata fronte tristisque supercilio Plato obijciatur, aut Lacedæmones; quod ille e communitia sua Republica Poetas dimiserit; hi vero ne suas quidem aures carminibus personare paterentur: non enim Poetæcæ universam insectabatur Philosophus, non Lacedæmonii; sed eos dumtaxat, qui per fraudem atque impudentiam in Poetarum nomen invaserant; ut, suavis succi specie, longe lateque obscenum effunderent virus, bonosque mores & religionem anilium fabularum nugis inficerent. Ceteroquin Plato hujusmodi laudis in soluta etiam oratione (quod miraberis) fuit studiosissimus 2. Hinc Tha-

A 2

1 Horat. in *Arte Poet.* | unus inscribitur Iovis, alter
v. 391.

2 In duobus tantummodo Dialogis, ceterorum fortasse brevissimis, quorum | est. Immo & in soluta oratione

les, Parmenides, Pythagoras 1. alique veteres Philosophi non modo Physicam, sed morum quoque Sapientiam carminibus condidere: & Ferpander Antisthenes, Clemente Alexandrino teste 2, Lacedæmoniorum leges metris devinxit. Quin ipsimet Charondas 3, & Solon numeris complexi sunt iura 4; & XII Tabularum leges a Romanis, ut necessarium carmen, addiscebantur 5. Poësis igitur a Philosophia non discessit, nisi inclinatis deterioribusque temporibus, cum flos ille elegans nec delibatus græcæ latinæque sapientiæ jam emarcuisset. Sed non ita Oratori simul ac Jureconsulto adheret hæc facultas, ut non ad illum quoque peculiari nomine pertineat, qui jurisdictioni præest, & cui sententia in causis controversisque sit ferenda. Ac, profecto, si Poetarum animis quidam insunt sublimis spiritus, & sacer impetus, qui ingenio faciem præferant, vividoque conatu impellant, quin & futuri etiam caliginem discutiant & recludant; hujusmodi sane collustrata mens Magistratui apprimè utilis, ut rerum nexus & circumstantias celerè assequatur motu, futurosque etiam eventus possit conjicere, iisque judicandi lege præmatore occurrere.

Quod si non argumentorum rationumque pondere, sed testimoniis exemplisque sit disputandum; locupletissimos excitabo testes, Oratores cum græcos, tum latinos; ac Demosthenem præsertim, M. Tullium, & C. Plinium Cæcilium Secundum appellabo. Nonne igitur De-

tione poetico stilo usum fuisse, satis liquet. Videtis Cl. Riccium, *Dissert. Homericæ V de Platone Homerum e Republica dimittente*; & gallicas Dissertationes in Memor. Acad. Inscript. tom. III *Parallele d'Homère & de Platon*, & *Dissertation sur l'usage, que Platon fait des Poëtes*.

1 Diog. Laert.

2 Σοφιστικὴν Α, pag. 308.

3 Bentlejus in *Apologia Dissertationis de Epist. Phalaridis*, anglice edita.

4 Plutarchus in ejus vita nonnulla carmina in medium profert, quibus Atheniensium leges aggrediebatur.

5 Cic. de Legib. II, 23. Budæus ad l. 2. §. 46 de O. J.

Demoſthenes 1 ad Euripidis, & Sophoclis carmina ſeſe conſoſamavit? Et quiſnam M. Tullii, qui ſummus Orator & in Jure verſatus 2 non mediocriter, conatus ignorat, ut hanc etiam lauream aſſequeretur? Eſt enim, ut ipſe aiebat 3 finitimus Oratori Poeta, numeris adſtrictior paulo, verborum autem licentiâ liberior; multis vero ornandi generibus ſocius ac pene par. Plinii vero, qui ſollers Orator fuit & perpolitus, *Epistoſas* relegenti apparet protinus, quantos poeticos ſpiritus animo conceperit; ut non proſâ tantum eloquentiâ, ſed numeris adſtrictâ quoque, pro temporum conditione, præſtaret; & quam impenſe inculcaverit Oratori, hujusmodi exercitationem, *Volo*, Cornelio Fuſco ſcribens 4, interdum aliquem ex hiſtoria locum apprehendas: vſo. *epiſtolam* diligentius ſcribas. Nam ſæpe in orationes quoque non hiſtorica modo, ſed prope poetica deſcriptionum neceſſitas incidiſt; & preſſus ſermo puruſque ex *epiſtoſis* petitur. Fas eſt & carmine remitti, non dico, continuo & longo (id enim perfici niſi in ocio non poteſt) ſed hoc arguto & brevi, quod apte quantaslibet occupationes curasque diſtinguit. Luſus vocantur; ſed hi luſus non minorem interdum gloriam, quam ſeria, conſequuntur. Mox, paucis interjeſtis: Itaque ſummi Oratores, ſummi etiam viri ſic ſe aut exercebant, aut delectabant; immo de-

A 3

lecta-

1 Orationem Demoſthenis, non ob delectum verborum, ſed ob ſermonis *μουτικὴν*, ſive *ἀκουστικὴν*, Sirenibus fuiſſe ab Aſchine comparatam, auctor eſt Dionyſ. Halicarnaſſ. *πρὸς Σωκράτους ἀπομνημονεύματα*.
2 Quintil. *Inſtit. Orat.* XII, 3. diſerte ſcribit: M. Tullius non modo inter agendum numquam eſt deſtitutus ſcientia Juris; ſed etiam componere aliqua de eo cæperat.

Quin ipſemet Cicero de *Orat.* I, 42, ſub perſona Crassi pollicetur, ſe Jus Civile in artem redacturum; ac in libris de *Rep.* & de *Legibus* permulta aſſert ad Romanum Jus ſpectantia; quamvis Jus non fuerit profeſſus. Pro L. Murena igitur, cauſæ inſerviens, contraria diſputavit.

3 De *Orat.* I, 16.4 *Epist.* VII, 9.

lectabant exercebantque. Nam mirum est, ut his opusculis animus intendatur, remittaturque recipiunt enim amores, odia, iras, misericordiam, urbanitatem, omnia denique, quæ in vita, atque etiam in foro causisque versantur. Adversus vero Poeseos obrectatores ita se communit exemplis 1. An ego verear (neminem viventium, ne quam in speciem adulationis incidam, nominabo) sed ego verear, ne me non satis deceat, quod decuit M. Tullium, Cajum Calvum, Asinium Pollionem, Marcum Messalam, Q. Hortensium, M. Brutum, L. Syllam, Quintum Catulum, Quintum Scaevolam, Servium Sulpitium, Varronem, Torquatum, immo Torquatos, C. Memmiam, Lantulum, Gattulicum, Annaeum Senecam, & proxime Verginium Rufum: & si non sufficiunt exempla privata, Divum Julium, Divum Augustum, Divum Nervam, T. Casarem? Neronem enim transeo, quamvis sciam non corrumpi in deterius, quæ aliquando etiam a malis, sed honesta manere, quæ sæpius a bonis fiunt. Plinio subnectam M. Fabium Quintilianum 2, qui plurimum pariter, ex Theophrasti sententia, eandem Oratori conferre scribit Poetarum lectionem: Namque ab his & in rebus spirans, & in verbis sublimitas, & in affectibus motus omnis, & in personis decor petitur; præcipueque velut attrita quotidiano actu forensi ingenia, optime rerum talium blanditiâ reparantur. Ideoque in hac lætigne Cicero requiescendum putat. Idemque Quintilianus, siue quisquis est auctor Dialogi de Oratoribus 3: Exigitur enim jam ab Oratore etiam poeticus decor, non Attii, aut Pacuvii veterno inquinatus, sed ex Horatii, & Virgilii, & Lucani sacrario prolatus. Quibus elegantiarum venustus Arbiter adlupulator 4:

det primos versibus annos,
Maoniumque bibas felici pectore fontem;
Mox & Socratico pleans grege, mutet habenas
Liber, & ingentis quatiat Demosthenis arma.

Hinc

1 Epist. V, 3.

2 Instit. Orator. X, 1

3 Sive de Causis corru-

pta Eloquentiæ 24.

4 T. Petronius Arbiter

in Satyric. 5.

Hinc Romana manus circumfluat; O' modo grajo

Exonerata sono, mutet suffusa saporem;

Interdum, subducta foro, det pagina versum. 1

Inde legimus, M. Annæum Lucanum, D. Junium Juvenalem, C. Silium Italicum, & Aurel. Prudentium Clementem, non carminum modo, sed forensis etiam Eloquentiæ viribus inclaruisse. At enim objecerit quispiam, nimis grave onus imponi Jureconsulto: verendum idcirco, ne rerum multitudine obruto non vacet, Themidi atque Apollini simul litare.

Verum enim, vero aut me omnia fallunt, aut omnium stultissimæ hæc nugatorum voces sunt reputandæ. Vacavit ne, ut ceteros præteream, M. Tullio Ciceroni, agendarum causarum gravi ingentique cura districto, inter Catilinæ scas, inter Clodii tribunicios furores, cum tota Reipublicæ Romanique Orbis moles in ejus sapientiam incumberet; tantum operæ mansuetioribus studiis impendere; non vacabit Juri operam dantibus, hisce simul litteris mentem colere atque exornare? Non vacabit quidem, sed non iniquis temporis angustiis; verum, quod ocio turpique inertia reprehensores isti ut plurimum disfluentes, alea, spectaculis, nocturnisque de more cœtibus & comessationibus, voluptatum illecebris & lenociniis, florem infelicitèr conterunt juventutis. Quod si oscitantis sapientiæ (stultitiæ an nugacissimæ?) eos libido incesserit, doctrinarum nescio quibus epitomis et lexicis, Carceris veluti poculis, deliniti, triduo, si Diis placet, se fieri jactitant Philosophos et Jureconsultos. At quisnam tam sui admirator fuit, quisnam eo arrogantia processit, ut immortalitatem, quam studia pollicentur, desidia atque posse confidat? Instat Helenæ, quam in rosa cubantem,

A 4

prop-

1 Ita legunt Heinſius & Cl. Burmannus, non vero, *Det pagina cursum: Quid enim quaſo* (inquit Burmannus) *notat, Det pagina cursum?* Idem autem innuit no-

ſter infra 118: Sic forenſibus miniſteriis exercitati frequentè ad carminis tranquillitatem, tamquam ad portum ſacillorem, reſugerunt.

propter formæ elegantiam, easdem immortalium sedes, quas fortis Hercules, tot tantisque exantlatis laboribus, adscenderat, scribunt fuisse assequutam.

Quæ cum ita sint, mirum profecto hæud erit, si Joris nostri *lumina* et *numina* (utâr verbis Antonii Fabri 1) veteres scilicet Prudentes poetica etiam floruisse exercitatione, exploratum sit. Apolius Claudius Cæcus, *callidus solertesque Juris atque Eloquentiæ Consultus* 2 Censor primum, tum Romanus Consul, æqui bonique scientiam, qua maximopere viguit, numerorum cultui conciliavit; et carmina Pythagoreorum doctrinâ imbuta conscripsit 3. Hac pariter gloriâ enituisse accepimus P. Quintum Scævola 4, a Cerbidio Scævola diversum, et Q. Fabium Labeonem, cujus operâ ipsummet usum fuisse Terentium in Comædiis concinnandis, scribit Donatus 5. C. vero Trebatio Testa, singulari memoria ac legum cognitione prædito, Ciceronis, qui eidem Topica inscripsit, et Q. Horatii Flacci familiaritate 6 conspicuo, fuit etiam in hisce Musarum deliciis patuit locus amplissimus. Quid verò hic memorem Servium Sulpicium, *longe omnium non ejusdem modo ætatis; sed eorum etiam, qui fuissent, in Jure Civili principem* 7: ita ut illius magnum usum et apud Scævola, et apud alios, artem vero in uno Sulpicio fuisse demiretur Tullius? Hic certe Jurisprudentiæ *adjunxit etiam & litterarum scientiam, & loquendi elegantiam* 8, quâ ex Pœseos fonte, utcumque eâ lasciviret, hausit expressitque 9. Jurisconsultus tandem et Poeta fuit

1 In Præfatione Cod.

2 Liv. X, 22.

3 Cic. *Tuscul.* IV, 2.

4 Plin. *Epist.* V, 3. Panciroli. de *Clar. Leg. Interpr.* I, 9.

5 Æl. Donat. sive, ut aliis videtur, Suetonius Tranquillus in *Vita Pub. Terentii*.

6 *Satyr.* II, 1. ad Tre-

batium scribit; eumque v. 12. *patrem optimum*, & v. 78. *doctum* appellat.

7 Cic. in *Brut.* 41.

8 Ibid. 42.

9 P. Ovid. *Trist.* II v. 441.

Nec minus Hortensius, nec minus improba Servii Carmina. Quis dubitet nomina tanta sequi?

fuit Herennius Modestinus, quem ajunt repositæ Virgiliano operi adjectisse 1. Sed hujusmodi suaviloquentiæ studium omnibus fere nostris Prudentibus commune fuisse, ex eo pariter prooum erit colligere, quod in ipsis de Jure responsis poeticam haud raro dictionem, græcam interdum *cursatim* usurpauerint; versus effuderint 2; ad Ennii 3, Lucretii 4; & Virgilio 5 carmina adluserint; & maxima semper apud eisdem Homeri fuerit auctoritas 6. Quin-

imo

1 Joh. Bertrandus de Jurisperis. l. 1, 31. Gulielm. Grotius de Vit. JC. II, 12. Scip. Gentil. in *Parerg. ad Pand.* II, 31.

2 Adeas, si libet, Scipionem Gentilem in *Parerg. ad Pandect.* II, 31. qui productis exemplis, hæc confirmat.

3 Pomponius l. 2. §. 38. de O. J. *Sextum*; inquit, *Ælium etiam Ennius laudauit* illum Ennii versum intelligens, cujus sæpe meminit M. Tullius, *Egregie cordatus homo, catus Ælius Sextus.*

4 Ulpianus l. 23. ad L. Jul. de Adult. dum inquit: *Labeo quoque ita probat; & Pomponius scribit, in ipsis rebus Veneris deprehensum occidi; & hoc est quod Solo, & Drato dicunt in ipso* frequentem Lucretii dictionem usurpat II, v. 173.

Ut res per Veneris blanditum sæcla propagent.
& ibid. v. 922.

5 Virgilii meminit Marcianus, de *cenotaphio* respondens l. 6. §. fin. de *Rer. diuis.* Florentinus l. 65. de *Verb. Oblig.* Leo quoque & Anthemius Impp. in l. 31. C. de *Episc. & Cler.* Virgilianum illud, *Auri sacra fames*, usurparunt.

6 Homeri versus, de permutatione & emtione adducit Paullus l. 1. §. 1. de *Contrah. emt.* & Imp. Justinianus *Instit.* III, 24. §. 2. de *Emt. & vend.* de Mortis causa donatione Marcianus l. 1. eod. tit. Quin idem Justinianus *Instit.* II, 7. §. 1. ipsa Homeri carmina profert. De grege ipsemet Marcianus l. 65. §. 4. de *legat.* 3. De nominibus affinitatis Modestinus l. 4. §. 6. de *Grad.* De amore inter conjuges, & de ma-

ma-

imo ipso etiam in Canonum Syntagmate Poetarum interdum carmina occurrunt 1. Sapienter igitur Juris Interpretibus in hac pariter studia incumbere, apprime necessarium visum fuit.

Jam Bononiensis Schola legum scientiâ, ut ea temporâ, celeberrima evaserat; cum Cinus Pistoriensis enituit, Jurisprudentia non minus, quam etrusca Poesis spectatissimus; addo ut Franciscus Petrarca, etrusce fidecen lyre, non semel hoc eum potissimum nomine commendaverit 2. Cum vero mox in Italia humanitatis do-

matrimonio Ulpianus l. 13. §. 1. ad L. Jul. de Adult. De Exilio voluntario Claudius Saturninus l. 16. §. 8. de Pen. De Venenis Cajus l. 236. de V. S. Ulyssis lecti, ab Homero descripti, memor est Papinianus l. 9. §. 1. de Supell. legat. In te, pro suo more, deducit Accursius in d. l. 6. de Res. divis. Quod auctoritates Poetarum sint in causis allegande. Et Franciscus de Petr. Festiv. Lect. III, 12. Accursii loca aggerit, in quibus Poetarum versibus usus est.

1 In c. Nec mirum 13. §. Magi 26. q. 5. afferuntur versus Lucani Pharsal. VI, 457. & seq.

*Mens hausti nulla sanie
polluta veneni.*

Incantata perit.

In c. Legimus 30. dist. V. de Consecrat. Irridet Horatius appetitum ciborum, qui

consumti relinquunt pœnitentiam, c. Numquam 33. ibid. Virgilius versus Georg. I, 109. adducuntur:

Ece supercilio divosi tra-
mittis undam

Elicit: illa. cadens raurum
per levia murmur

Saxa ciet, scatebrisque aren-
tia temperat arva.

Et Gregorius IX. Decretal. V. cap. Forus 10. de V. S.

Lis autem a contentione li-
mitis primum nomen sumsit,
de qua Virgilius,

Limes erat positus. &c.

Æneid. XII, 898. versum il-
lum intelligens

Limes agro positus, litem
ut discerneret arvis.

2 In suis etruscis Poematiis, 71.

Piangete, o donne, e con
voi pianga Amore, &c.

246.

Sennuccio mio, benchè do-
glioso e solo.

doctrinæque lux refulsisset, quisnam, nisi Andreas Alciatus signum universæ Europæ sinceræ Romanarum legum interpretationis extulit, qui poeticis studiis summopere fuit subactus & enervatus? Neque vero fustus hic recensabo, quantum fuerint hisce sacris exercitati majorum gentium Juris Interpretes; Ansonius nempe Goveanus, Gulielmus Budæus, Antonius Augustinus, Petrus Pithæus, Stephanus Forcatulus, Janus Græverus, Obertus Giphanius, Conradus Rittershusius, Hugo Grotius,

Quis genus humanum ingenio superavit, & omnis

Reslinxit stellas, exortus, uti atherius Sol 1,

M. Antonius Muretus, Nicolaus Rigaltius, Fridericus Brummerus, Jacobus Augustus Thuanus, Scipio Gentilis, Herptannus Vultejus, Agidius Menagius, & egregia postremis temporibus Italiæ decora et ornamenta, Benedictus et Josephus Averanii 2, alique hac gloria florentes, quorum laudes ingenii culpâ non deteram.

Si vero argutuli isti contemptores tenebrionesque, qui ubi se in Epicuri 3 compulerint gregem, tanta in rem poeticam diffusum animum habent improbitate, velint, ut in medium conferam magna Neapolitanæ gentis nostræ Jureconsultorum nomina; producam ac recensabo perquam lubenter. Atque, ut omittam Gofredum Beneventanum 4, et Petrum de Vineis 5, sub Friderico II Imperatore, qui Neapolitanum Lyceum excitavit 6, insignes; vix, sub Alphonso I Aragonio

1 T. L. Carus III, v. 1056.

2 Horum omnium exstant opera immortalitati tradita; ubique gentium elogia leguntur.

3 Inter Poeseos vituperatores Epicurus agmen ducit. Cic. de Fin. I, 5. Epicurum sequuntur omnes, qui in ejus hortis, gregatim pa-

scentes, & irato Apolline nati ne versum quidem emiserant.

4 Franc. de Petris loc. laud. n. 16.

5 Anno MCCXXIV *Histor. Civil. Regn. Neap.* XVI, 4.

6 Petr. de Vin. *Epist.* III, 10. 11. 12. & 13.

gonio, Neapoli *Antoniana* Academia fuit ab Antonio Panormita instituta, in quam Jovianus Pontanus ipſius alumnus ſucceſſit; cum repente, vèterno quafi excuſſo, proſtigata barbarie, latior et cultior litterarum facies apparuit; ingenuæque Artes in hanc Græcorum quondam florentiſſimam pacis ſtudiis civitatem, ſplendide ac triumphantes, jure veluti poſtliminii, remigrarunt. Uberior inde atque auſpiciator Poetarum et Jureconſultorum celebritas exſtitit: quos inter ipſe Antonius Panormita 1, Jovianus Pontanus 2, Chariteus 3, Hieronymus Carbo 4, Franciſcus Alius

1 Antonius de Bononia, Panormita dictus, qui a Pontano *Amor. I* appellatur

decus elegantiarum,

Atque idem pater omnium leporum,

fuit Poeta laureatus, & R. Camerae (ſic vocant) Præſes. Toppi de *Orig. Tribunal*, IV, 10. n. 3. & 4.

2 Johannes Pontanus, Jovianus Pontanus Academi- co more dictus, egregius Poeta, Ferdinandi I Regis a ſecretis, & ab eodem R. Camerae Præſes creatus, ac poſtmodum Magni Camerarii Locumtenens anno MCCCCCLXXIX. Topp. i- bid. 13. n. 20. ex monu- mentis *Archivii* Regiæ Cameræ.

3 Charitei (nomine ne, an cognomine ita appellati, incertum) exſtant carmina. Vide Crisp. & Cl. Joh. An-

tonium Vulpium in *Vita San- naz*. Pontanus illi inſcripſit librum de *Splendore*. Regis item Ferdinandi I a ſecretis fuit. Topp. in *Biblioth. Neapolit.* pag. 314. & Nicod. in *Addit.* pag. 58. Dum vero Rex Ferdinandus II Neapoli anno MCCCCXCV a- divit, medius inter Piſca- riæ Marchionem & Chari- teum equitavit, *Tutini dell' Orig. de' Seggi di Napoli* pag. 225. Togæ honore ſe fuiſſe ornatum, ipſemet Chari- teus in ſuis Etracſcis carmi- nibus ſatis innuit 204.

De la Monica ſterpe exi- mio honore

Ferrando, di virtù vi- rile ornato,

Tu con la lanza in ma- no; ed io togato

Fummo obſequenti a i Re pien di valore.

4 Hieronymus Carbo, Poeta

Ælius Marchesius, 1. aliique, lauro non tantum, sed togæ insignibus cohonestati. Et si vero posterioribus temporibus harum litterarum decus fuerit imminutum; revixit tandem sub Carolo V, Imperatore: cujus rei, posthabitis alijs, luculentissimum testem producam Scipionem Capycium, qui Carolum, Neapolitanum Lyceum invasentem, disertissima oratione excepit, et ab eo in Senatorum numerum fuit adlectus 2. Ac, quamvis rursus inscitæ caligo, communis fati acerbitate, cunctam Europam invasisset; emicuerunt tamen inter tenebras homines non ominino inglorii neque obscuri, Juris et Poeseos decus affectantes; quos inter Petrus La-Sena, Franciscus de Petris, et Laurentius Grassus. 3

Ve-

Poeta et Jureconsultus. Borrell. in *Vind. Neap. Nobilit.* ad Æl. Marches. de Neapol. famit. pag. 53. in familia de Carbonibus. Exstat ad Carbonem Elegia Pontani Eridan. I

*Fistilibus si cœna placet
tibi, candide Carbo,*

*Cœna parata tibi est,
ruræque nostra patent.*

in cujus fine

*Tu modo lingue forum,
lingue & vadimonia,
Carbo,*

Tantisper, tibi dum rustica cœna datur.

1. Franciscus Ælius Marchesius poetico simul & legum studio excultus. Borrell. in adducti libri præfatione. Illius tumulo Pontanus epigramma inscripsit,

cujus ultima carmina

*Hoc illi meritum Musæ
post fata rependunt.*

*O Scriptor, latia nobilitate
lyra.*

2. Scipio Capycius, Juris Antecessor in gymnasio Neapolitano, & in foro Senator egregius. *Hist. Civil. Regn. Neap. XXXII, 8.*

3. Floruerunt hi scilicet, compluresque alii in Ocioforum Academiæ, quæ, ut ea ferebant tempora, sub Johanne Baptista Mansi, & Marino, Neapoli inclaruit.

Vide Latinum Poema Johannis Baptistæ de Alexandro, qui tribus hæc libris complexus est; cujus meminit antiquitatum nostrarum investigator

Verum, inclinante superiore sæculo, nova quædam apud nos est reddita vita doctrinis. Emergit tandem præca Sapientiæ dignitas, et ingens Jureconsultorum ac Boetarum ubertas, qui utramque Eloquentiam, unde fuerat a barbaris dejecta, restituerunt et amplificaverunt abunde. Atque, ut alios omittam, eosque dumtaxat recenscam, qui Jurisprudentiæ carminum quoque cultum adjunxerunt; tunc temporis Catolus Buragna, cui revocatam etruscam, latinamque Poësim Neapolis referre debet acceptam, Nicolaus Caravita, Franciscus Nicodemus, Januarius de Andreis, Cæsar Natalis, Vincentius Vidmannus, Carolus Saffina, Seraphim Biscardus, Cajetanus Argentius (cui quando ullum Jurisprudentia interioresque litteræ inveniunt parem?), sapientissimus J. Vincentius Gravina, Carolus Majellus *il più*, Dominicus Aulius, Alexander Riccardus, Basilius Jannellus, Joseph Macrinus, Xaverius Panfurus, Joseph Valletta, Nicolaus Capassus, Nicolaus Amenta, Hyacinthus Christophorus, Dominicus Gentilis, alique, nostræ aut patrum nostrorum memoriæ, severa legum studia, quibus causarum patrocinii, judicandi, aut docendi munere distinguantur, carminibus etiam insigni cum laude leniverunt. Atque hic mihi viventium Jureconsultorum latior exundansque seges suboriretur, si et eos, qui in vivis agunt, immortalisq. fama enitent, vellem nomine per censere. Verum illorum modestiæ ingenuique pudoris ratio haud patitur. Adsumt tamen togæ pacisque decora quamplurima, quæ non minus Poeticæ, quam Juris egregia cognitione & gloria sæculis canescunt innumerabilibus. 1. Jurisprudentia vero non adeo ingrati animi vitio laborat, ut poeticæ rei suas etiam opes non commodet, illamque mutuo sœdere non, fatagat exornare. Ac equidem, si per temporis angustiam

gator doctissimus Joh. Bernardinus Tafurinus, *Delle Scienze, e dell' Arti inventate, illustrate, ed accresciute nel Regno di Napoli.*

1. Plura de his dabimus in *Litteraria Historia Regni Neapolitani*, quam meditamur; si tamen per fori curas dabitur.

angustias mihi liceret, hoc collatis testimoniis facili negotio evincere studerem. i

Quod si horum omnium, quæ usque adhuc sunt disputata, præsens vivensque argumentum requiratur, en tibi, erudite Lector, Josephi Aurelii de Januario tres *Carminum* libros. Hic in Jurisconsultorum tantum promicat censu, ut, nullis laudum indigens præconiis, nativis propriæ virtutis coloribus, non fugatis neque adscitis, sit abonde illustris. Ut tamen iis, quæ confirmanda suscepi, velificet egregie; hic equidem tacitus non præteribo, summam præclarissimamque in eo Juris, Eloquentiæ, ac Poeseos enitescere coitionem. Quod ad Jurisperitiam spectat, quis in hisce studiis adeo est hospes & peregrinus, ut eum ignoret esse hujus Artis perquam consultissimum; neque extima quadam contentum aut circumforanea cognitione, in sanctiores illius felici conatu penetrasse recessus: & quicquid in Jure latitat, ab ultima scita dignum antiquitate, sollerti acrique ingenio eruisse; ut non jejunam ac sterilem, sed græcis romanisque lautitiis splendide locupletem legum cognitionem in fori aciem exercitationemque deduceret. Obstupuit pròinde Neapolitanus Senatus ipsiusmet miram in dicendo vim, copiam atque ubertatem, naturali quadam pulcritudine exsurgentem. Quam vero exprompta, ac pene sponte sua diffluens, in eo adsit scribendi facultas; argumento satis superque esse possent Orationes, Dissertationesque, quas pro graviorum causarum, Patriæ præsertim, patrocinii latino etruscoque sermone conscripsit, nisi *Jurisconsultorum* exstaret *Respublica*,

i Unus omnium instar esse posset Q. Horatius Flaccus, in cujus carminibus tanta Juris Civilis emicat cognitio, ut eum nonnulli Jurisconsultorum albo adscribere non dubitarint. Vide Cl. Hambergeri *Opuscula ad ele-*

gantidrem Jurisprudentiam pertinentia, cum Præfatione de *Jurisprudentia Q. Horatii Flacci*, quam horum sacrorum mystagogus egregius Joh. Georgius Essar adornavit, Lips. ann. MDCCXL.

ca, æternam cultioris Juris, Eloquentiæ, Poeseos, ejusque laudam monumentum. Cujus libri adeo protinus nequam in Italia, sed in eruditiori Europa universa, ingens fama percrebuit, ut Lipsiæ post paucos annos typis recusus, celeberrimi Ottonis Menckeni curâ, ab eodem totius Germaniæ lumine ipsimet Auctori singulari fuerit exemplo inscriptus ac dedicatus. Quæ vero Menckenius in Epistola sit præfatus; quod fuerit doctissimorum Virorum, qui Eruditorum Acta, Lipsiæ quoque pertexunt, candidum judicium; quid de eo judicaverit Italiæ nostræ alter Varro, Ludovicus Antonius Muratorius, pronum tibi, benevole Lector, erit dignoscere ex eorum scriptis; quæ idcirco hic tibi sisto, quod, vix illis acceptis, felici carminis cæstro rescripserit Auctor. Nec vero intrâ solos Italiæ, Germaniæque fines sese *Respublica* continuit; sed latius prætergressa, quantâ laudum copiâ a Batavis fuerit excepta, luculenter testatur eruditissimus Jacobus Philippus Dorevilius, qui in epistola ad clarissimum nostrum Franciscum Vallettam, Amstelodami data Nonis Juliis MDCCXXXVI hæc habet: *Cl. V. Jos. Aurelii de Januario Respublica Jctorum non mihi tantum, sed nostratibus omnibus egregie placuit; utpote in qua & non vulgaris eruditio ubique effulgeat; & lector semper novis doctrinæ condimentis ad finem usque libri excipiatur. Viro præstantissimo precor meo nomine de præcellenti Opere gratuleris. Quinimo in ipsomet nuperimo libro Jureconsultissimi Heinecii, cui Fundamenta Stili cultioris nomen fecit, Respublica Jurisconsultorum lectio studiosæ juventuti, ad stili cultum & nitorem, commendatur.* Nos igitur in tanto litterarum lumine illum non demiremur, tantique ingenii pignora avidissime non exosculamur? At non usque adeo caligamus; non usque adeo nunc

¹ In *Nova Præfatione* cultioris hujusmodi libelli, auro contra non cari, Lipsiæ ann. MDCCXXXVI curata hæc habes, *par. II.*

cap. 4. Commendanda Josephi Aurelii de Januario Respublica Jctorum, cujus editio secunda prodijt Lipsiæ MDCCXXXIII, 8.

nunc litteraria nostra gloria pessumdata est ac conspulta, ut eum, tamquam firmum Jurisprudentiæ, Eloquentiæ, politiorisque Litteraturæ, quin tamquam ingens Justitiæ columen, non suspiciamus. Cum enim ab acerrimo ingeniorum æstimatore, Rege nostro CAROLO BORBONIO, qui ad Regni moderationem Sapientiam sociam adscivit & administram, Neapoli Sexvir illisbus judicandis fuerit electus; incredibile est, quanto laudum, & justitiæ cultu niteat ac efflorescat. Mihi certe, de eo, quod de Aristone Plinius scripsit, potiori jure videtur esse pronunciandum: *Nihil est illo gravius, sanctius, doctius Quam peritus ille & privati Juris, & publici! quantum rerum! quantum exemplorum! quantum antiquitatis tenet! Nihil est, quod discere velis, quod ille docere non possit. Mihi certe, quoties aliquid abditum quero, ille thesaurus est.* Sed, ut ad mitiora ejusdem studia deveniam, quantos poeticos spiritus Auctor pectore & mente conceperit, quam subitâ, latinâ potissimum musâ, effuderit carmina, ipsamet Respublica, quæ iis opportune ac jucunde personat, testatur egregie. Verum cum non omnia illie exstarent, sed in variis dispartita vagarentur libris, dolebam atque angebar vehementer, quod non hæc, in unum collecta, debita luce perfunderentur. Æstuabam vero magis hoc desiderio, & sollicitabar cura, quod eum scirem, cum superiori anno, expediendi negotii causa, ad Brutios accessisset, nonnulla de Magistratus munere subsecivis horis poetice effudisse. Quid vero consilii caperem, cum huic Collectioni ipsiusmet ingenua modestia severe obstitet? Animum prorsus despondissem, nisi hujusmodi Carmina dolo bono & innocua fraude in dias luminis oras edenda dedissem.

En igitur meis ac tuis desideriis, Lector, abunde satisfactum. Opus in tres libros dispensatur. Exhibet primus nonnullos Elegos, quibus mira perspicuitate ac suavitate Magistratus officia complectitur, quem idcirco *Magistratus* nomine visum est inscribere ac nuncupare. In hoc autem argumento egregius Auctor ita versatur, ut, in ea inqui-

B

IENS,

rens, quæ ad perfectum Magistratum informandum præclare conducunt, in augustiora Philosophiæ sacraria penetret; atque in minutiora quæque ejus officia ita cum dignitate descendat, ut consilium ad ipsiusmet sublimiora munera adsurgat. Omnia vero ea ordinis ratione disponit, ea perspicuitatis luce explicat, ut si liberam orationem quispiam alius adhibuisset, aptius aut concinnius neququam certe complecti potuisset. Adhæc, ipsamet argumenti in Poesi novitas, summam operi asserens laudem, lectorem allicit & detinet jucundissime. Quibus omnibus cum accedat insuper veritas, & utilitas, egregia decora, Poematis proprio jure adhærentia 1; quæque si libros perpetuo comitarentur, eorum ingenti strue, ac insana mole, summo rei litterariæ incommodo, quotidie non obtraheremur; equidem prorsus non video, quidnam perfectius hoc in genere effici potuisset. Excipit hanc librum alter, cui *Nuptialia* nomen indiderunt, ex eo quod Carmina in Nuptiis virorum principum edita complectatur. Mos obtinuit in Italia, & in hac nostra potissimum Civitate, ut, cum majorum imaginibus insignes matrimonii scædera inessent, epithalamicos versus melioris notæ Poetæ efflagitentur, quo in unum, veluti floridum vernansque serutum innexi, litteraria luce perfruantur. Cum igitur omnibus exploratum esset, quantum Noster hac facultate polleteret; vix ulla celebrior fuit horum Collectio, in quam suam etiam ut conferret symbolam, non fuerit expostulatus. Dedit antem, dum per fori curas licuit, Carmina ita ingeniosa, ita perspicua ac propria, neque ex diversis aliorum hemistichiis aut laciniis male confuta (qui multorum ignobilis & inglorius mos est) ut cum in deliciis eorum omnium habita fuerint, qui hisce capediis delectantur; visum

1 Exstat de hoc cultioris eloquentiæ egregium & immortale specimen, Oratio nempe Cl. Jacobi Facciolati IX, qua Tulliana ubertate

contendit, Moralem institutionem magis a Poetis, quam e Philosophis esse repetendam.

sum etiam sit, uno veluti sub aspectu, tibi, candide Lector, hic exhibere. Tertius denique *Varia Carmina* continet, quæ sese eadem prorsus facilitate & nitore commendant. Ingenium quippe Cl. De Januario ad omnia natum, in quacumque ipse laudabilia velit convertere, versatur atque eminet.

Jam vero quod ad stilum spectat, non hic lasciviens atque enervis, non ineptis ac frigidis paronomasiis, & antithetis, non translationum monstris refertus, non horridus, non subagrestis; sed ingenuus, venustus, perspicuus, puroque simillimus amni, in aures animosque dilabitur; non pigmentis fucoque puerili illitus, sed nativo colore ac splendore nitidus, & dulci quadam suavitate delibutus, ansteritatem, & quasi mæstitiam sermonis, strigosæque orationis solitudinem refugit atque avertatur;

Nec pluteum cædit, nec demorsos sapit unguis 1.

Neque hic mihi, nescio, quam veterum scribendi insolentem rationem quis obrudat. Aureum quippe antiquitatis ingenium veneramur: scimus tamen, eos, qui inter Latinos scripserunt primi, aspere & incondite loquutos; hanc tamen duritiem, deterso luridæ rubiginis squalore, sequens ætas mitigavit. Lucretio lenior multo Virgilius in hexametris. In elegis cultior docto Catullo Propertius, Tibullus, Ovidius; & sub Augusto, quo ad extremam dignitatis gradum latina Poesis est erecta, teretes Romanorum aures ab hujusmodi confragosæ orationis dumetis abhorruerunt.

Non satis est pulchra esse poemata, dulcia sunt 2.

Quamvis vero, renatis auspicate fidere litteris sub Alphonso I Aragonio, Rege nostro sapientissimo, & Leonis X Pontif. Ma-

B 2

ximi

1 A. Persius Sat. I, v. 106. Mihi certe, pro ea, qua me amicitia dignatur, Cl. Auctor dicere posset, quod Pollio P. Papinius Statius in epistola præmissa

Silvar. libro III: Cum scias, multos (versus) ex illis in sinu tuo subito natos; & hanc audaciam stili nostri frequenter expaveas.

2 Horat. in Art. v. 99.

ximi tempore perpauci hanc etiam asperitatem affectaverint; respuerunt vero in elegia potissimum Pontanus, & Sannazarius, atque inter recentiores elegiographos princeps, Marius Molfa, omnesque fere illius heroici temporis Poetæ: respuit & hac ætate læta & concinna Tibulliana venustas Johannis Antonii Vulpii, quem honoris & amplitudinis causâ nomino, ceterique hac laude præclarissimi. At non hic quidquam eorum famæ detractum velim, qui horridulum scribendi genus adamarint; cum sit quisque laudandus, modo perfectus in forma operis fuit: æque ac in pictura celebrantur, qui suo stilo eminent præstantque.

Libud igitur reliquum est, ut Italix universæ, in qua, veluti in proprio solo, latina Poesis comprehendit, plaudam vehementer, quod hoc sæculo ejus cultus, oblitrepente nequicquam semidoctorum turba, non sit deminutus; quinimo fartam tectamque, hac Carminum editione, a majoribus traditam dignitatem tueatur & augeat. Quod autem ad malefactorum hominum improbitatem attinet, sinamus eos insanire cum suis. Hi scilicet e trivio, & vulgi fæce eripientes, harum rerum idonei judices nusquam erunt. Allatrent, per nos licet, quæ assequi nequeunt: suis semper bonis litteris constabit honos ac decus. Quisquis vero non operosam gloriam reputaverit hanc in scribendo facilitatem lenitatemque assequi, vereor ne, cum periculum faciet, irrita & vana spe deludatur,

ut sibi quisvis

Speret idem, sudet multum, frustra que laboret,

Ausus idem 1.

Tum profecto

bellus ille, & urbanus

Suffenus, unus caprimulgus, aut fossor

Rufus videtur; tantum abhorret, ac mutat.

.....
Idem inficeto est inficetior rure,

Simul poemata attigit 2.

Ne-

1 Horat. ibid. v. 240. | v. 19. & seq.

2 Catull. Carm. XXII, |

Neque enim, ad hanc obtinendam gloriam, fatis est in bicipiti somniasse Parnasso; sed ille quippe hoc honore dignissimus,

*Ingenium cui sit; cui mens diviniore, atque os
Magna sonaturum.* 1.

Placuit tandem, auctarii loco, subnectere nonnulla Carmina Francisci Gallippi, Jureconsulti, Advocati Neapolitani, ac Patricii urbis ad Tropæa 2. spectatissimi, græcam atque auream simplicitatem redolentia. Pigebat profecto tanti viri, græce latineque doctissimi, ab editione suorum operum (prout ejus modestia est) perpetuo refugientis, aliquod litterarium monumentum publice non exstare. Amicitia igitur jure intercessi, at hæc, in Auctoris laudem jam conscripta, typis edi pateretur; & pro ipsius in eundem benevolentia, tandem obtinui. Sic velit ipse in lucem emittere *Scholias ten Aristophanis*, latine verbum, & uberrimas in illum *Adnotationes*, atque *Animadversiones* sis ræ avixdora Danielis Heinsii, & Isaaci Casauboni in *Theocritum*; quas quotidiano veluti convicio efflagitamus, ut inde Italiae ingens decus accedat & ornamentum. Vale, erudite Lector, & Clarissimi De Januario alia ingenii pignora propediem expecta.

B 3

CAR.

1 Horat. *Sat.* I, 4. v. 43.
2 Vulgo *Tropea*. Stephanodicitur πρὸς Τρόπαια. Adeas Lucæ Holstenii in Cluverii Italiam antiquam *Adnotationes* pag. 296. edit. Rom. ann. 1666. qui ex Sexti Pompeii victoria & Tropæis

id huic urbi nomen putat superesse. Cl. Harduino est eadem, ac Ἡρακλῆος λιμὴν, cujus Strabo memor est, *lib. VI pag. 394.* edit. Batavæ, & Portus Herculis a Cajo Plinio memoratus *Natur. Hist. III pag. 158.*



CARMINUM

LIBER I.

MAGISTRATUS.

ELEGIA I.

MUNUS DIFFICILE.

DICERE Jus, & lance pari componere lites,
 Gloria non levis est, parva labore gravi.
 Plura tamen collecta juvant, quæ dissita languent:
 Integra dos prodest, dimidiata nihil:
 Scilicet omne malum defectu provenit uno:
 Perfectis constat partibus omne bonum.
 Nec satis hoc: superest majus; nam convenit uti
 Summo delectu, iudicioque pari;
 Quippe ita sunt vitium & virtus confinia, ut anceps
 Sæpe sit, an pejus pro meliore capis.
 Scire, parum est; nescire, nefas: culpabilis ille est,
 Qui sese facilem, difficilemve gerat;
 Difficiles vinci solida ratione recusant;
 Vincuntur faciles vel ratione levi.
 Ille nocet, multis dictis qui præbeat aures:
 Aures qui nusquam præbeat, ille nocet;
 Namque locum injustis dat defensoribus alter:
 Alter legitimis asperitate negat.
 Qui tacet, aut loquitur nimium, damnatur uterque;
 Turpe nimis loquiter; turpe tacere nimis:

*Sæpe loquax dictis sibiimet contrarius exstat ;
 Et miscet multis vix bona pauca malis :
 Cui manet os clausum , quamvis sapientior , aut nil ,
 Aut vulgo sapiens creditur esse parum .
 Et timor est vitium , & vitium est audacia ; namque
 Multum agit hac præceps , nil agit ille piger .
 Negligitur timidus , laceratur ab omnibus audax :
 Carpitur hic odiis , spernitur ille jocis .
 Fallitur is , quoties tantum præsentia spectat ;
 Is quoque , qui tantum nosse futura studet ;
 Præsentis hic rapitur , confunditur ille futuro ;
 Atque male alteruter tardat , & urget opus .
 Maxima quæ virtus , prudentia , plena periculi est ;
 Nec semper felix , debet ut esse , fuit :
 Non ea sæpe nocent , quæ tu nocuisse putabas :
 Quæque videbantur non nocitura , nocent .
 Ab quoties , quod jure facis , fecisse dolebit ;
 Atque placet factum , quod sine jure facis .
 Non rare evasis patientia noxia ; & insons
 Sæpe opportunis casibus ira fuit ;
 Redditur is , causam tractat qui fronte superba ,
 Lævis , te irato , te patiente , ferox .
 Non semper prodest mihi clementia vultu ;
 Atque truci semper non placet ore rigor :
 Hic animos acuit , plusquam decet , illa relaxat ;
 Parque malum oppositis provenit inde viis .
 Nec flecti lacrimis , lacrimas nec spernere tutum est :
 Hæ jussu ex oculis , hæ quoque fraude cadunt ;
 Qui vult esse pius , quandoque fit impius ; & fit
 Ille pius , nocua qui pietate caret .
 Nescius , an credas , an fama incredulus obstes ;
 An meret , an potius subripit illa fidem .
 Pro vera mendax aliquando credita fama est :
 Credita pro falsa , vera reperta fuit .
 Si facile admittis , rigide si excludis amicos ,
 Te facit obsequium , rusticitasve reum :
 His facile admissis , poteris suspectus haberi ;
 His rigide exclusis , vix sociandus eris .*

Quare

Quare in Judiciis ars ipsâ involvitur arte,
 Ni sit nescio quid majus, & arte super;
 Et felix erit is, qui forte videbitur, artem
 Quando plus adhibet, tunc adhibere minus.
 Hoc se praesidio nocuis defendet ab armis,
 Quois magnos versat gens malefana viros.
 Nemo est, vel summo meritoque excellat honore,
 Quem non os rabidum dente seroce premat:
 Hic est insipiens, hic invidus, osor & ille,
 Hic audax, hic clam perfidus, ille palam;
 Quoslibet hi, secum variis affectibus acti,
 Arbitrio mordent dilaniantque suo.
 Sed qui, virtutum dives, sanctissima legum
 Insons iussa colit, iustitiaeque praest,
 Hac fatua, effectoque carentia fulmina spernit,
 Atque hominum facem pensitat ille nihil.
 Impavidum numquam terrent, seriuntque ruina:
 Et numquam pectus grande procella quatit;
 Intrepida facie, atque animo constante resistit;
 Et magis adversâ, par sibi, sorte viget.

ELEGIA II.

MENS.

MENTE valent homines; similes qui cetera brutis,
 Mentem, qua brutis non simulantur, habent:
 Mens opus aeternum, & divinitus orta propago,
 Mens nil corporei, corpore juncta, tenet:
 Mens nescit, Mens disponit, Mens iudicat; & Mens
 Ad verum fertur percita sponte sua:
 Hec spectat praesens; haec est praesaga futuri;
 Hec est praeteriti, vidit ut ante, memor:
 Hec anima est, & norma, & Jus dicentibus ingens
 Praesidium; ut valeant reddere cuique suum.

Mens,

Mens, verum interpret; Mens, prudens arbitra recti;
Mens, aequi custos; Mens inimica doli.
Sed, quamquam Mentis natura est omnibus una;
Non agere est uno qualibet apta modo:
Altera agit melius, melior cui corporis usus;
Et cui peior hic est, altera pejus agit.
Propterea Mens est dicundo provida Jovi,
Quae magis corporea labe soluta viget;
Quae longe ac late excurrat, tenebrisque fugatis,
Splendeat, & radios spargat ubique suos;
Quam nihil obliqua perturbet imagine fictum,
Nec recti species insidiosa premat;
Noscere sit velox, sit res discernere cauta,
Pendere sit solers, sit retinere tenax;
Grandia concipiat, nugis puerilibus expers,
Quas olim ante focum flans recitavit anus.
Sed primo rerum aspectu, (qui fallere saepe
Incautos suevit) ne rapiare, cave;
Quae subito, sunt firma parum, mediteris astu:
Firma sed esse magis bis meditata solent.
Mature observa; rursus observata revolve;
Jungere postremis anteriora stude.
E re res oritur, lumen de lumine manat:
Cognitio augetur cognitione nova.
Intima sic poteris scrutari viscera rerum;
Sic nucleum, fracto corticis ore, trahes.
Non semper verum est, quod primo in limine verum
Apparet, vero proximus error adest:
Et facile errabis, cum non errare videris,
Uti ni summa sedulitate velis.
Peccarunt graviter (docet experientia) plures,
Qui sine delectu precipitanter agunt.
Saepe ea damnamus, quae forte probavimus ante;
Nosque emendatos cura secunda facit.
Sed pavidam abstineas meditando involvere mentem,
Semper & ancipites ire redire vias;
Nulla stare loco, nullis consistere metis;
Et nulla, post tot praelia, pace frui;

Hoc

Hoc pejus, mihi crede, malum; reſiſque ſerendis
 Judiciis nil eſt exitiale magis.
 Tunc animus dubiis miſere circumdatur; & quid
 Affirmet, neſcit pandere, quidve neget;
 Et pugnans ſecum, paribus rationibus actus,
 Aut has, aut illas deſeruiſſe timet;
 Semper nil operans, operi dum ſervidus inſtat,
 Semper, dum magis eſt exagitatus, iners;
 Nec ſibi, nec fidens aliis, cum fidere ſas eſt;
 Diſplicet ipſe aliis, diſplicet ipſe ſibi.
 Præterea, qui plus, quam par ſit, acumine pollet.
 Dotem, quam melius non habuiſſet, habet;
 Alterutro ingenium deſectu redditur impos,
 Sive nimis tardum, ſeu nimis acre datum eſt:
 Quod tardum nimis eſt, in plano tramite præcepſ
 Decidit, & medio in lumine lucis eget;
 Acre nimis rapido fertur per inane volatu,
 Atque umbras, corpus dum putat eſſe, capit:
 Propoſitique tenex ſpecioſa ſophiſmata gignit,
 Qua dant, ut victum ſe tueatur, opem;
 Nec cedit vero, pro falſo pugnat acerbe,
 Cum numquam fictæ ſit rationis inops.
 Quapropter cuperem, quod quæ Mens pectore voluit,
 Ut domina imperio temperet illa ſuo;
 Et quodcumque gerit, ſervili libera vinclo,
 Et præjudiciis exonerata, gerat.
 Ardua non paveat, parvis non hæreat: illa
 Vincere, magnanimum eſt; ſpernere & iſta, juvat:
 Ardua ni vincat, ſine nomine languida vivet;
 Parvaque ni ſpernat, tempus inane teret.
 Quodque aliis placitum eſt, cenſura examinet acri,
 Nec perquirendo ſit ſtudioſa parum,
 Non aliena ſtatim ſententia forte probanda eſt:
 Hæc eadem non eſt rejicienda ſtatim.
 Arbitra ſit ratio, qua ſeparet optima pravis;
 Hæc prorsus damnet, prorsus & illa legat.
 Inſuper admonéo, ne regula militet una,
 Atque ea ſit cunctis invariata modis.

Con-

*Consilium non semper idem: mutare lubenter
 Pro varia rerum condicione sinas;
 Nec pudor est, quod Mens hinc sese volvat, & illinc;
 Est quidam cauta in mobilitate decor;
 Tempore, sive loco qua res bene convenit uno,
 Convenit haud alio tempore, sive loco.
 Non unum genus est hominum, fortunaque dispar
 Non patitur fato succubuisse pari.
 O felix, semperque omni memorandus in aeo,
 Cui natura parens has cumulavit opes;
 Egregie ornabis sublimi Mente Senatam,
 Juraque tractabit splendidiore face;
 Et tanto sacrosancta Themis gaudebit Alumno,
 Propugnatorem non habitura parem.*

E L E G I A III.

I N G E N U Æ A R T E S.

A DDE bonæ Menti, quo sit doctissima, cultum;
 Scilicet hæc cultu desinit esse rudis.
 Perficit ars quicquid natura inceperat: ista
 Vivax ingenium format, & illa polit.
 Cum primum effoditur, non lumine fulgurat, aurum;
 Lumen ab artificis sedulitate capit.
 Ni terram veritas, ut sulcis semina tradas,
 Fertilis optata messe carebit humus.
 Quamvis sit fortis miles, pugnabit inepte,
 Si sit militia doctus in arte parum.
 Indole perspicua conjuncta industria prodest:
 Altera ab alterius consolidatur ope.
 Quot magna ingenia, in tenebris non digna morari.
 In commune bonum conspicienda forent,
 Si gravibus studiis generoso ardore vacarent,
 Virtutis specimen grande datura sua.

Quæ

Quapropter, si Mens rebus sublimibus apta
 Est tibi, ne tanta desine sorte frui.
 Opportuna, precor, prius instrumenta parabis,
 Quis ad doctrinam lene patebit iter.
 Et grajam, & latiam linguam callere necesse est:
 Discendi fontes utraque lingua docet:
 Quicquid in historia est, illo sermone, vel isto.
 Ad nostros servant fata benigna dies.
 Ingenuas Artes hic sermo illustrat uterque,
 Quem si spernis, in his Artibus hospès eris:
 Nec, licet in patriam sint versa hac omnia linguam,
 Profectu credas discere posse pari.
 Qui vertit, fallit quandoque, & fallitur ipse:
 Extera nativo lingua lepore caret.
 Non pura labuntur aqua, cum longius errant:
 Puras e proprio fonte bibisse juvat.
 Porro ne lente Meditandi exceperis Artem:
 Hec tibi vera dabit noscere, vera loqui;
 Definire scias, distinguere & omnia acute,
 Numquam discedens a ratione procul:
 Et quid pramissis iuste respondeat, & quid
 Hisce adveserur, dissoluisse queas.
 Præterea non ipsa tibi spernenda Matthesis,
 Unde æquum aspectu candidiore nitet:
 Quid par, quid dispar, quid constet, quidve repugnet,
 Obliquum, & rectum sic reperire potes;
 Sic bene dirigitur studia ad majora paratus,
 Et sensim instruitur, perficiturque labor.
 Ulterius pergas: patriosque relinquere fines
 Incipe, & immensum mens cito currat iter:
 Nosce Orbem in tabulis, regiones, flumina, & urbes;
 Quaque Orbis teneant hac loca parte situm.
 Nonne pudet, gesta affirmes Orientis in oris,
 Quæ forte occiduis gesta fuere plagis?
 Atque urbem geminam, communi nomine dictam,
 Unam, non duplicem turpiter esse putes?
 In Physicis etiam sistas; fallacia quamvis
 Plurima sint, quædam præteruisse pudet;

Ue

Ut saltem ipse scias, quod scitur ab omnibus; & te,
Atque alios, possis dicere, scire nihil.

Scilicet innumeros servat Natura recessus;
Es, prope cum fias, tunc procul esse, vides.
Inde etiam recolenda tibi est Sapientia morum,
Quos sceptro virtus nobiliore regit.

Volve animo monumenta virum, quos Græcia jactat,
Quos jactat fastis inclyta Roma suis:

Disces, magnanimis veniat quæ gloria factis;
Quæ veniat merito e paupere fictus honor;
Quo lato accipitur contempta injuria vultu;

Qua facili tacitus vincitur arte dolus;
Quo freno immitis moderetur dulciter ira;

Qua norma proprius contineatur amor;
Queis se blanditiis aliena ferocia flectat;

Queis pacem obtineat mens agitata modis;
Scruteris, quæ sint vitæ præstanda vicissim

Officia; utque homini sit sociandus homo;
Ut nemo tantum credat sibi vivere; ut alter

Debeat alterius consuluisse bono;
Ut rigide servanda fides contractibus; ut sit,

Seu clam, sive palam fallere quemque, nefas.
Tu quoque ad Historias sollers incumbe legendas:

Aspice quod gestum est Orbis ab initio:
Gestarum hic debes distinguere tempora rerum,

Ne rerum series obruta mole ruat;
Et ne, confusis atatibus, ultima primis,

Et media extremis sint cumulata simul;
Atque suus tantis desit successibus ordo,

Quo sine proveniet non nisi grande chaos.
Des operam graviter, Populorum noscere Mores;

Dignaque censurâ, dignaque laude notes:
Ex his qui pollent opibus, qui viribus, & qui

Aut cultu, aut studiis, ingeniove nitent;
Qui vitis, qui fraude vigent, quos urget egestas,

Queis fortuna favet, queis inimica nocet.
Hinc magna utilitas; hinc maxima fortis,

Queis propriam emendes, hinc documenta trahes:

Atque

*Atque tot exemplis animum spectabis opimum ;
Et vitam cursu prosperiore reges .
Postremo cures Regnorum evolvere fata ,
Unde tot eventus dispare sorte fluunt :
Queisnam principiis Gentes crevere potentes ,
Queis causis versâ post recidere vice ;
Tempore quo melius rigidum , quo tempore blandum ,
Quo nocuum imperium tempore utrumque fuit ;
Quando juvat , fusc , seu parce , præmia , pœnas ,
Seu cito , seu lentâ contribuisse morâ ;
Quando promissis refert impellere inertes ;
Quando rebellantes continuisse metu .
Et Belli , & Pacis noscas solennia Jura ,
Queis obfirmatur publica in Orbe quies ;
Quid justum reddat bellum , quid reddat iniquum ;
Quid vetitum est , & quid , Marte furente , licet ;
Quando jubet proprias defendere fortiter urbes ,
Et quando externas fundere , læsus honor :
Quando pax fieri , quando sine crimine frangi ,
Quando opus est summâ religione coli ,
Pacta quid attulerint pacatis fœdera rebus ,
Vel servata , boni , vel violata , mali .
His plene instructus tentes felicibus ausis
Omnia , & extollas vel super astra caput ;
Nec serpes ignotus humi , nec quoslibet inter
Hærebis de re qualibet ipse loqui .*

E L E G I A IV.

J U R I S P R U D E N T I A

POSTQUAM doctrina tibi tanta parata supellex,
 Qua mens sublimi dote superba nitet;
 Felici cursu lustra penetralia Legum:
 Nonnisi cordatis hæc adeunda viris.
 Nobilis hæc, custos æquique bonique, Facultas
 Res docet humanas, res docet ista sacras;
 Qua ratio victrix animis discordibus instat;
 Qua fas servatur, rejiciturque nefas;
 Et liber servit quisquis servare jubetur,
 Dulce ferens, quo nil ipse gravatur, onus.
 Hanc tu principiis solidis susceperis Artem,
 Tu, cui Judiciis fata præesse dabunt:
 Atque avide primum Romana volumina volvas,
 Digna immortalis posteritate frui:
 Condendo par nulla fuit Respublica Juri;
 Nullaque par peperit tam sapienter opus.
 Hic Personarum, & Rerum discrimina discas;
 Hic Acquirendi, Lege jubente, modos;
 Quos parit effectus hominum Testata Voluntas;
 Quo ritu existat robore firma suo;
 Quive Intestato succedant sanguine juncti
 Defuncto, exstantes in propiore gradu;
 Qui Re, qui Verbis contractus firmiter hærent;
 Nomine qui gaudent, nomine quique carent;
 Quas meritas privata luant, quas publica pœnas
 Crimina, queis populi sit violata quies.
 Sed percurrendis istis ex ordine rebus
 Non adhibenda quidem cura laborque levis.
 Querere nunc præstat, quæ sit concordia legum;
 Quam bene connexa est posteriore prior;

Siquod

Siquod dissidium, nosceas, superare necesse,
 Non suco ac nugis, sed gravitate decet:
 Ex aliis inferre alias; conjungere sparsas;
 Difficiles nodis dissoluisse suis;
 Inque affirmantes convertere saepe negantes;
 Scripturae ingenua deficiente fide;
 Jurisprudentum varias attingere Sectas,
 Quorum dissensus conciliandus erit;
 Et quadam, arcano verborum cortice tecta,
 Detegere, historia te praeviente facit.
 Sape etiam sensus legum cohibebis apertos,
 Plus scriptum, veritum cum minus esse, putes:
 Aut contra extendes, cum plus voluisse videntur,
 Quam scripto leges explicuere palam.
 Inde toti ampla patent tibi Commentaria Juris,
 Fortia quae terrent pectora mole sua.
 Debet in his ingens a te delectus haberi;
 Ut mala praeceas, utiliora legas.
 Scripserunt multi; sed non par omnibus una
 Gloria scribendi; par manet unus honor.
 Sunt qui non cultu florent, non ordine rerum;
 Resque bonas multa rusticitate docent:
 Siquod in his vitium est, tulit hoc obscurior aetas;
 Non tulit ingenium, quo valere nimis.
 Hos caute volvas: quod convenit, excipe: quodque
 Imbutum est maculis barbarieque, fuge.
 Sunt qui, sorte bona, nati melioribus annis,
 Judicio huic arti, splendidiore vacant:
 Quos inter frontem extollit Cujacius; unus,
 De quo: quae dices, sunt ea dicta parum.
 Hi, procul expulsa veterum rubigine, scribunt;
 Atque emendato scripta lepore replent:
 Hi nil deficiens, quo plus sortasse requiras,
 Hi nil excedens, unde graveris, habent;
 Hi faciles, & quod raro concurrit, acuti;
 Hi lati in dubiis, perspicuisque breves:
 Quosque diu misere vulgaris opinio fovit,
 Errores summa pellere laude student.

His operam cultis Auctoribus ipse locabis ;
 Atque opera precium non nisi grande feres ,
 Omnia spectabis multo stipata nitore ;
 Nec mens nugarum pondere pressa cadet .
 Sed qui Jus dicit , quicquid sit Curia , noscat ,
 Et qua Scriptorum turba Forensis habet .
 Difficile hoc pelagus : syrtes vitabis & undas ;
 Et portum multa , si sapias , arte tene ;
 Hic sordes multae , nullus quam sapius ordo ,
 Et variis ratio dilaniata modis ;
 Hi , quo itur vulgo a reliquis , non quo sit eundum ,
 Ut pecudum mos est , precipitanter eunt ;
 Claraque confundunt obscuris , satiaque veris ,
 Certaque cum dubiis , & meliora malis .
 Sed tamen his opus est ; longevo protinus usu
 Et sanam & vires obtinere foro .
 Collige tu purum tantis & sacibus aurum ;
 Et fructus nocua ex arbore quere bonos ;
 Nullus enim liber est , quamquam sine nomine currat ,
 Qui non ex aliqua parte iurare queat .
 Post hæc te referas ad Sacra volumina Juris :
 Late materies non minus ista patet ;
 Quae vetus , atque recens sanctis lex dogmata libris
 Servat , in hoc sparsim dissita Iure , legas ;
 Et quae Conciliis sint edita iussa , notabis ;
 Atque simul discas quae docuere Patres :
 Quae sint suprema vulgata Oracula Sedis ,
 Quois dubias lites dissoluisse solet .
 Hic plene discas , gaudent quae sorte Ministri ,
 Qui templo addicti , se tribuere Deo ;
 Quot sacer in classes varias distinguitur Ordo ;
 Quae mandata sibi munia quisque subit ;
 Et quae posthabitis nova Sacramenta vetustis
 Solenni ritu conficiantur , habes ;
 Quas res in proprios Ecclesia vindicat usus ;
 Hisque alienandis quae data frana , scies ;
 Formaque Iudicii quoniam consistat agendis ;
 Ut sese ipse Actor , se gerat ipse Reus .

*Crimina quamquam sint, sanctis quæ legibus obstant;
 Quenam patrato pœna sit æqua malo;
 Quod Jus Imperiò, quod sacris Clavibus esse,
 Distincta, jussit sub ditione Deus;
 Uique hæc conveniant & vinclo & fœdere in uno,
 Si se contineant limite quæque suo.
 Cum sit primævis Jus omne revolveris annis,
 Prosequere hoc studium, sis licet ipse senex;
 Nam quo plus discas, plus discere posse videbis:
 Tam vastos fines utraque Jura tenent.
 Si tu te talem præstes, præstantior alter,
 Jus bene qui possit reddere, nullus erit.*

E L E G I A V.

M O R E S.

INTERNUM nuper cultum præcepimus; at nunc
 Exterior cultus præcipiendus erit.
 Utraque dos prodest; intus nos altera doctos,
 Altera prudentes indicat esse foris.
 Abdita si gemma est, nec divite luce superbit,
 Nullius in pretio est, sit pretiosa licet.
 Gravior est blandos socians Sapientia mores:
 Tristior est, quæ sub rusticitate latet.
 Venimus in lucem, cunctos ut amemus amati,
 Doctrinæ ut cunctis proficiamus ope:
 Nec, quia Jus reddit suavi moderamine Judex,
 Detrimenta capit pernicioſa Themis.
 Condiri rigor ipse potest; nec respuit unquam,
 Cum danda est, mites aspera pœna modos.
 Quare te acceptis ornatum moribus opto,
 Ut nulli prorsus displicuisse queas:
 Inque aliis spectata, quid desit, vel quid abundet;
 Quid gens objurget, quid probeſt illa, nota:
 Tu, quod abundet in his, remove; quod desit, adimple:
 Linque, quod objurget; quare, quod illa probeſt:

Teque illis reddas similem, qua parte iuvabunt:
 Reddas dissimilem, qua tibi parte nocent.
 Et moneo in primis, fugiat ne gratia vultum,
 Seu sit causa domi, seu sit agenda foro:
 Si bene Patronus sese gerat, excipe multa
 Laude patrocinium, quam meruisse vides:
 Nam, seu sint juvenes, animatur laude juvenus;
 Sive senes, senibus laude sovetur honos.
 Siquis non recte causam tutabitur, illum
 Humanis fas est admonuisse modis:
 Et praesta patienter opem, tenebrasque repelle,
 Quis forsitan polens obrutus ille jacet:
 Incolumes ostende vias, quas ire licebit,
 Ut caute obliquum vertere possit iter.
 Si tamen indocili quidam conamine pugnent,
 Allata flecti nec ratione sinant;
 Dulciter objurges primum: dulcedine vincas,
 Vincti qui nequeunt asperitate truci.
 Ni cedant, taceas; te namque tacente, pudebit
 Hos frustra dictis obstrepuisse diu,
 Sic odium vites; nec, quod decreveris, olis
 (Quamvis displiceat) dilaniare queunt.
 Cunctos, qui veniunt coram te, noscere cures,
 Quinam perfidia, qui probitate valent.
 Interdum, qui voce humili, qui supplice vultu
 Accedunt, fraudes insidiasque sistent;
 Atque coloratis fingunt mendacia verbis,
 Fucataque dolum simplicitate tegunt.
 Hos paribus vincas armis; et suaviter artem,
 Qua pollent, superes, ut decet, arte pari.
 Excludas quodcunque petunt, si forsitan iniquum est;
 Quod, vultu risum dissimulante, geras.
 Atque ita, qui veniunt deludere forte parati,
 Delusos damno cernis abire suo.
 Est tibi praeterea gravitas servanda decenter;
 Sed procul a suco, quo nihil illa placet:
 Ingenuo pateat conjuncta modestia fastu;
 Excurret numquam nubilus ore color.

Et

Et blande accipias, & blande redde salutem :
 Mutuus officiis conciliatur amor ;
 Et quocunque loco, quocunque & tempore, cunctas,
 Ut cupiunt, sensus exposuisse, sinas.
 Nil pigre differ ; vel si differre necesse est,
 Fac ; iustas, noscat qui petit, esse moras.
 Cautè promittas, sed quod promiseris, exple :
 Posse a te fieri non faciendâ, nega :
 Atque nega placide ; nam grata est sæpe repulsa ;
 Cum quis non tristi fronte repulsus abit.
 Si pleno fuerint tibi vota ferenda Senatu,
 Omni decernas ambitione procul.
 Dic bene ; dic breviter : dic omnia : suaviter obsta ;
 Ut, quibus obstabis, non videare serox :
 Utere & exemplis, tatio nî forte repugnet :
 Utere & arbitrio, nî quis abusus erit.
 Non semper calcata aliis vestigia calca :
 Multum etenim novitas provida laudis habet.
 Interdum tua deponas, aliena sequaris,
 Si tua tuta minus, tuta aliena magis ?
 Et quando errabis, debes, te errasse, sateri :
 Parcendum errori, quem fatearis, erit.
 Nonne errore novo prius descenditur error ?
 Atque ea, quæ levis est, culpa fit inde gravis ?
 Non doleas, non infleris, contraria seu quis
 Firmet, seu plaudens quis tua dicta probet.
 Quod tibi, quodque aliis visum est, ne pandere tentes ;
 Sed prudens tacito pectore conde tuo.
 Iudicii fit vilis honor, si arcana patebunt
 Consilia, & parvi sint ea pensa palam :
 Pascitur invidia atque odiis ignobile vulgus ;
 Cuncta venenato carperè dente cupit.
 O vere ad Patria communia commoda natus,
 Qui, sese vrnatum moribus hisce gerit :
 Prasertim leges rigide cum servet Honesti,
 Et scelere & vitiis immaculatus abit :
 Qui prece, vel precio non vincitur, atque Potentum
 Non amat obsequium, non timet usque minas.

*Ordinibus cunctis pleno laudabitur ore ;
Atque aque carus , quam metuendus erit .*

E L E G I A VI.

NEC PAUPERFAS, NEC DIVITIÆ.

NEC pauper , nec dives erit , qui Judicis implet
Munus : Paupertas , Divitiæque nocent .
Pendet ab extremis vitium : corrumpitur omne ,
Siquid parte nimis distat utraq ; Bonum .
Si cavet , aut multo si sanguine corpus abundat ,
Vitam non poterit sublimuisse diu .
Consistunt florentque aequali pondere rives ;
Hoc aucto , hoc pariter deficiente , cadunt :
Uique vetus dictum est , Nimum natura repellit :
Hæc eadem , parvo debilitata , jacet .
Is , cui res angusta domi est , qui paupere censu
Stringitur , officio par nequit esse suo .
Sorte gravi afficitur , nusquam mens libera curis ,
Semper vicinis exagitata malis :
Erigilat noctes , adverso exercita fato ;
Nec sibi tranquillos scit numerare dies :
Et timet , & dubitat , pariter diffidit , & optat :
Nunc spes , nunc pallor , nunc stat in ore pudor .
Hi varii affectus , veluti tot in aquore venti ,
Conflictu assiduo saucia corda premunt .
Tunc torpent leges ; languet tunc mentis acumen ;
Tunc vultu & labiis spiritus omnis abest :
Non faciles dubiis præstantur litibus aures ;
Nec lata arripitur sedulitate labor .
Dî faxint , ne sit , qui pacto sordeat are ;
Dignaque mercatu jura verenda velit .
Integritas raro cum paupertate coheret :
Illa animum ditat , corpus at ista premit :

Quod

Quodque juvat, non quod melius; quod & utile, non quod

Est mage conveniens, querit & optat egens:

Et, nisi sit summis pollens virtutibus heros,

Difficile hos scopulos, naufragiumque fugit.

Contra, què florens opibus, qui divite pompa

Luxuriat, partes Judicis explet iners.

Otia, quæis gaudet, quisnam in fastidia vertet?

Et quisnam vacuus sponte subibit onus?

Pugnant deliciis curæ, solatia pænis.

Et pugnat bellum pace, labore, quies.

Cuique dolet noctu cubitum quam tardius ire;

Surgere dein cubitu, vix oriente die:

Atque ad clamorū citius se ferre Tribunal,

Ardeat aut æstas, sive rigeat hiems;

Postque diem medium proprio decernere lecto.

Iurgia, vix sumto parcius ante cibo;

Invigilare libris, & judicialibus actis;

Noscere, num bene jus, num bene facta patent.

Non hac dura sibi faciles incommoda querunt,

Qui vita poterunt commodiore fuit.

Scilicet hos plenis oblectat scena theatris,

Et mulcens aures vox modulata sonis;

Et luxu aurato lustrantes compita currus;

Et, quos commendat spiritus acer, equi.

Cætus amicorum colitur, qui tempora fallat,

Narrans quid sparsus rumor in urbe ferat;

Quique sales, mollesque jocos, jucundaque fundat

Colloquia, ut mala sint tristitiaque procul:

Alea diligitur, noctis qua temperet horas,

Praesertim pluvias, cum juvat esse domi;

Atque, animis nunc huc, & nunc trepidantibus illuc,

Fortune arbitrio diripiuntur opes.

Quid speret multos lassus, qui litigat annos,

Atque gravi redimit tristius ære moras?

Orabit frustra, lacrimas miscebit inanes;

Et misera ventis irrita verba dabit.

Qui satur est, nihil alterius jejunia curat;

Qui valet, alterius nil dolet ipse malo.

*Accipiet, nec enim dubito, promissa libenter;
 Eheu! securam non habitura fidem.
 Quod si sors patitur, finire denique litem;
 Seu victus, seu sit victor, abibit inops.
 Optandum est igitur, quod te nec turbet egestas,
 Nec tibi prægrandes insidientur opes:
 Et, quantum sat erit, non quod superabit, habebis,
 Non nimium dives, non nimis ipse miser.
 Sic neque deliciis captus fastidia spernes;
 Nec pressus dura sorte jacebis humi:
 Magnanimum calcabis iter, quod gloria signat,
 Paupertate carens, divitiisque carens.*

** **G** *Rande a Secretis munus qui sustinet, omnes
 Ni dotes cumulet, munus obire nequit.
 Ipse vigil, tacitus, sapiens, probus, impiger, ardens
 In rebus debet vel nimis esse suis.
 Nescio, num talis fuerim; voluisse fatebor:
 Sed potuisse meo non datur arbitrio.
 Ut se res habeat; veniam peto; querere laudem
 Non euro: hæc aliis convenit, illa mihi.*

CAR-

** Clar. Auctor amplissimi
 Quinquevirum Senatus, quem
 Regalis Camera Sanctæ Cla-
 ræ nomine, Neapoli nun-
 cupant, anno MDCCXLV,
 summo omnium plausu, eli-
 gitur a Secretis. Quid igitur
 hoc requireret munus, paucis
 hisce carminibus comple-
 xus est; quæ hic addere, abs-
 re non videtur.

CARMINUM

LIBER II.

N U P T I A L I A.

E L E G I A I.*

AD JOHANNEM BAPTISTAM VICUM.

ACCEPI tua jussa lubens; sed, Vice, dolebam,
 Grandia me musa paupere jussa sequi.
 At tu subridens animabas laude dolentem,
 Qua, pro more tuo, me cumulare soles.
 Quam dederat vir laudatus, laus ista placebat;
 Tanta licet meritis non foret aqua meis.
 Inde domum veni; curisque parumper ademptus,
 Totus in explendis jussibus ipse fui.
 Sumta lyra est, suspensa diu. Quæ carmina primum
 Erumpunt, delet ducta litura stylo.
 Et surgo, & cæpi post lento incedere gressu;
 Sapius incessu mens meliora parit:
 Nec bene successit; cogor desistere captis;
 Inque aliam statuo sumere pleetra diem.
 Interea me conveniens, promissa petebas.
 Carmina: respondi, quod polienda forent.

Fin-

* In Nuptiis Johannis Ba-	Caracciolo, & Marchionibus
ptistæ Filomarino, Principis	Sancti Erasmi.
Rocæ, & Mariæ Victoriz	

Finivimus hæc (fidelis venias ne parcere verbis)
 Nescio, quis fuerat dicere vera pudor;
 Nec caruit ratione pudor, ne forte putares
 His excusatam me tibi velle moram.
 Quare iterum curo nostram tentare Camœnam;
 Nil tentata iterum nostra Camœna tulit.
 Canatum suspensus eo; meditabar edendo:
 Sic soleo, infectum cum mihi pendet opus.
 Cum neque sperarem, par quidquam effingere votis,
 Patuit studiis, Pimpla, vacasse tuis,
 Excipior lectio dubius; somnumque petenti
 Ante oculos visus Phœbus adesse, mihi.
 Nescio signa Dei: citharam gestabat, & arcum;
 Ornabant flavas laurea setta comas:
 Ecquid, ait, mentem trahis in diversa? diuque
 Anceps condendis versibus ipse manes?
 Nunc mittas, moneo, sublimia quærere cantu;
 Quæ celebraꝝ, tenero sunt celebranda sono.
 Nonne tenes, quod dulcis Amor sibi dulcia poscat
 Carmina? quod pompa sint in Amore graves?
 Hanc sumas manibus citharam; Sponsamque, Virumque
 Alloquere; & placido profer ab ore melos:
 O quos jungit Amor viridi sub flore juventa,
 Felix ad senium plurimus annus eat.
 Incipiant primis, tardis claudantur in annis
 Gaudia, quæ dulcis spondet utrique Venus:
 Et citius votis donent vos sidera prole,
 Ne longa careat posteritate Domus.
 Hæc vestra, cum tempus adest, ab imagine discat
 Ad plausum gressus instituisse suos;
 Immo etiam audebit famam superate Parentum;
 Quorum fama baud est sic superata minor.
 Finierat Phœbus; subitasque evasit in auras,
 Ut levis, extincto lumine, fumus abit.
 Excitus e somno, Phœbi transcribere versus,
 Transcriptos statui mittere, Vice, tibi:
 Tu, precor, excipias; aliis per rebus agendis
 Si siero, præbe mox nova iussa. Vale.

ELE.

E L E G I A II.*

RAPTA sit, e gremio dulcissima Nata Parentis,
 Dum patiens ætas est modo sultis viri.
 Jam de more sacer consultus nundat Auspex,
 Omnia quæsitos fausta dedisse Deos.
 Incedat rubicunda gebas, ornata capillos,
 Incedat Charitum consociata choro.
 Cum tamen incedet, nubant, huic flammen vultum:
 Sic est visa minus frons pudibunda pati.
 Illud & in causa est, deceant cût flammeæ Sponsam,
 Ut bona perpetui sint eâ signa tori;
 Namque hæc Flaminiis velando fluxit origo,
 Quis est conjugii solvere vincla mesas.
 Dein viras attingat aquas, attingat & ignem:
 Omen speratæ proles, utrumque sovet.
 Et calor, & mistus soctum signat educat humor;
 Hinc aqua virginibus, tactus & ignis erat.
 Tum triplices veniant, pretexta veste, Puelli;
 Et studeat fungi, munare quisque suo:
 Substineant gemini properant brachia Nuptæ;
 Qui superest, dextra præferat ante facem.
 Adsit Amicrum cætus, dulcesque Propinqui;
 Dentque operam, risus conciliare jocis;
 Ut timidum Sponse aspectum, gressusque morantes
 Ipsi animent dictis, sollicitentque prece.
 Turbæ Puellarum, roseis præcincta coronis,
 Clamet ovans, Hymen, o Hymenæe veni.
 Post hæc, infuso pestes ungantur olivo;
 Uxor ab ungendo dicta sit unde, ferunt:

Et

* In Nuptiis Andræ Cop-
 pola, Ducis Canfani, & Lau-
 ræ Caracciolo, e Marchioni-
 bus Atorufii.

Ad veterum Romanorum
 Nuptiales Ritus & Formu-
 las adluditur.

Et, quas Religio prohibet calcare Puellis,
 Exornet primas lanea vitta fores;
 Ne Virgo ingrediens, mox depositura pudorem,
 Te ledat gressu, Vesta pudica, suo.
 Tandem Sponsa Viro, sistens prope limina, dicat:
 Caja tibi fuero, si mihi Cajus eris;
 Communis rerum his verhis inducitur usus;
 Ut se communis corporis usus habet.
 Interea, Famula, genialem sternite lectum:
 Lectus enim Genio dicitur esse sacer.
 Et vos, o Pueri, dimittite brachia Nuptæ;
 Et sinite, ut lecto Pronuba docta locet.
 Donet vos nucibus Sponsus, queis inter eundum
 Ludite; de facili saltitis inde viam.
 Sacra Jovi nux est, ideo spargenda Puellis:
 Cedit in obsequium nux ita sparsa Jovis.
 Quod restat, Sponsi, ad stratum concedite lectum;
 Et zonam Uxori solve, Marite, tuæ.
 Atque maritalis teneant vos gaudia pacis;
 Gaudia non ulla dissoluenda die.
 Nos tamen interea lætis speramus ab astris,
 Ne frustrare diu vos ea prole volint.
 Ut teneros blande Genitorum lactet amores,
 Horum inter ludens brachia cara puer;
 Qui crescens annis, spectare per atria, vultus
 Majorum cupiet, queis nitet ampla Domus;
 Et laudum stimulis primo percussus in ævo,
 Monstret virtutis dulcia signa sua:
 Ut, gestis ornans longe sublimibus Orbem,
 Belli dicatur gloria, pacis honor.

ELEGIA III.

AD AMICOS.

ADSUMUS, & vestrum numerum complemus, Amici;
 Quo nil dulce mihi creditur esse magis;
 Atque Elegos, quoscumque meum mihi suggerit æstrum,
 Non semel allatos, rursus & ipse sero.
 Forte quis objiciat, cur non Epigrammata scribam;
 Cur non & Lyricis applicuisse velim.
 Responsum accipiat: Non hæc, non illa juvabunt,
 Cum mihi materies carminis exstet Amor:
 Hæc facta est vario gaudens Elegia versu;
 Induit huic mites mitior ipsa sonos:
 Et salis hic posito, dempto pede decedit illic;
 Alternasque subit dispare legē vices;
 Atque ita luxuriat nativo picta lepore,
 Et movet, & motas concitat arte faces.
 His ergo numeris castos referamus amores,
 Quos Vir, & huic sentit juncta Puella Viro;
 Et vos, o belle Charites, Geniique benigni,
 Quois data felici cura præesse toro,
 Dicite; sic vobis vident per tempora flores,
 Perque humeros vestis candida semper eat;
 Dicite, qui geminum teneat cor mutuis ignis,
 Mutua qui gemino vulnera corde facit:
 Quaque in utroque vigent animoque & corpore dotes,
 Quois alternatim captus uterque capit.
 Blanditiis venereſque omnes in Virgine ludunt;
 Formaque non alia est pulchra nitensque magis.

Flo-

* In Nuptiis Antonii Pinelli, e Ducibus Agnatelli, Marchionis Sancti Vincentii, & Annæ Fran-
 ciscæ Pinelli, e Ducibus Acherontiz.

Floret & in Sponso sua gratia, mixta decori;
 Gloriaque in roseis spendet avita genis.
 Hinc numquam alterius divellitur alter ab ore.
 Lumina non alio, quam sibi versa tenent.
 Sepe etiam tendunt tenero sibi brachia gestu;
 Hic Sponsa e collo pendet, & illa Viri:
 Osculaque accipiunt, redduntque accepta vicissim;
 Quæ sacra Conjugii datque petitque fides.
 Atque ita felices ducunt feliciter horas;
 Et sat sorte sua nescit atque frui.
 O crescens tam suavis Amor, crescentibus annis,
 Corda maritali nutriat usque face;
 Atque expectanti non ultra differat Orbi
 Pignora, tam multa sepe petita præce.
 Fama manebis in his non interitura Parentum,
 Sudorum precio divite parta diu:
 Factaque Majorum, sacris producta Nepotum,
 Laulibus extollent sæcla futura suis.
 Quo rapior? Nobis non est hæc digna referri,
 Quæ sese ante oculos obtulit, ampla seges.
 Sistimus hic; nec enim teneras mihi præter amores
 A Phæbo majus quid cecinisse datum.
 A vobis meliora quidem speramus, Amici,
 Quos meritis prima sede locavit honor.
 Et mala, seu bona sint, subito quæ effecimus æstro,
 Apposita his vestri nominis umbra favet.

E L E G I A IV.*

MOS est, qui nimium paucis hinc crevit ab annis,
 Colligere a variis carmina multa viris:

Quad-

* In Nuptiis Cajetani Bon- | Arcis, & Lauræ Chisæ, e
 compagno Ludovisi, Ducis | Principibus Farnesius.

Quodque olim raro fieri consueverat usu,
Plus æquo in nostra redditur urbe frequens.
Quare semper ego nunc his, nunc poscor ab illis,
Odas, aut Elegos, aut Epigramma dare.
Sæpe dedi, quandoque lubens, quandoque rogatus;
Quamvis res curo nilve parumve meas.
Nunc curvis rigide statui quidcumque negandum;
Et merito; nam sum factus in arte piger.
Nescio qua causa; seu sit, quod creverit ætas;
Et modo non placeant, quæ placuere prius;
Sive quod hoc studium nostro sit inutile sæclo;
Partem Castalii nec juvet esse chori.
Es sane hæc visa est mihi causa potentior una,
Quæ, mentem increpitans, ad meliora trahit.
Angustam rem finge domi, dic te esse Poetam;
Ah! nihil auxilii nomen inane dabit.
Finge, quod esurias; fructus Parnassia rupes
Non habet, unde famem tu reparare velis.
Solum gignit aquas; sed aquæ nascuntur ubique,
Cum quæras avido pellere ab ore sisim.
Sunt ideo innuptæ Musa, quia deficit illis
Credita dos, multo sed numerata magis;
Et quas non equidem servaret cura pudoris,
Servat paupertas virginitatis opes.
Phæbus amat nudus per candida membra videri:
Dî faxint, ne se vix operire queat.
Laurus, quæ reliquis certe est minus utilis arbor,
Una fuit Vatum cingere nata comas.
Non igitur, non est animi sententia fallax,
Si patior tacito plectra jacere situ,
Nec male sentis in hoc vulgus, cui rectius ille,
Plusque sapit, qui scit consuluisse sibi:
Et misera est merces nomen sperare superstes:
Spes hæc præsentis tarda medela malo est.
At quia consilii plerumque invertitur ordo;
Et nova res aliam suadet inire viam;
Nec retinetur idem, quod erat semel ante statutum;
Quandoquidem nihil est semper in Orbe ratum:

Hinc

Hinc ego, qui nullos decrevi condere versus,
 Propositum cogor destituisse meum.
 Cogor ab incipio desistere; cogor & hostes
 Pierides humili conciliare prece:
 Parcite, clamando, varia est si nostra voluntas;
 Et vos inconstans nunc fugit, inde vocat.
 Nam sese ante oculos occasio faustior offert,
 In qua quesitum me tacuisse, pudet.
 Egregia nubunt Anima, vincloque jugali
 Sese Vir magnus, magna Puella ligant.
 Vir magnus: nequeo plus dicere: magna Puella:
 Et qui plus dicit, dicit & ille minus.
 Ergo quid referam? Virtutum mole labascit
 Vena, nec est pondus sustinuisse capax.
 Aspera conditio! cum vellem adsurgere cantu,
 Impedior, cæptis nec superesse queo.
 Sed magis hinc vobis subcreseit gloria, Sponsi;
 Dum modo nos inopes copia tanta facit.
 Est vulgare decus, laudari posse; sapitquo
 Communem laudem, laudibus esse parem.
 Quam paucis superare datum est gratissima laudum
 Munera; vos solum hoc præstat honore frui.
 Quisnam regales in vestro pectore mores
 Depingat, queis nos sensimus usque rapi?
 Quis titulos Atavâm, quis tot fulgentia fastis
 Nomina percurrat, vel sit Apollo, lyra?
 Vani conatus, similesque volentibus undas
 Æquoris exiguo composuisse cado.
 Qua de re tacuisse libet; studiumque tacendi
 Cedet in obsequii, non sine laude, vicem.

E L E G I A V.*

A D A M I C O S.

QUO morbo afficiar, vestrum quis nescit, Amici,
 Cum quibus est series saepe relata mali.
 Vos dulci lenire meas sermone querelas;
 Vos dubia menti ferre soletis opem.
 Quid tamen haec profunt? Ea vis est insita morbo,
 Perfidus ut vinci vix ratione sinat.
 E stomachi vitio tristissima manat origo,
 Qui sibi mandatum non bene munus obit.
 Vespere, seu media sumum sub parte diei,
 Aut raro, aut lente concoquit iste cibum.
 Inde, reluctando tumidus per viscera flatus
 Fluctuat, ut ventis unda agitata maris:
 Hic sursum saliens, cerebrum vertigine torquet:
 Et pallent, visu deficiente, genae.
 Quam refero, minor est nostra pars aspera labis:
 Praeter id, affectus sum gravioere malo.
 Funeslo rerum aspectu mens agra fatiscit,
 Innumera hinc illinc septa pericla timens.
 Ordiri insidias ipso vel ab aere maestas
 Suspitor, & quovis occubuisse gradu.
 Hinc macer est vultus, fuerat qui pinguis; & ipse
 Languens, qui nituit floridus ante, color.
 Nescius incedo, quo vadam, aut unde revertar;
 Quos manibus presem, cum quibus ipse loquar.

D

Officiis

* In Nuptiis Jacobi Fran-
 tisci Milano-Franchi de Ara-
 goniam, Principis Ardoris, &
 Henricæ Caracciolo, e Prin-
 cipibus Sauctiboni.
 Cum hæc scriberet Au-
 ctor, hypocondriaco morbo
 afficiebatur.

*Officiis carco : per iter plerumque salutem
 Non solem imprudens restituisse datam.
 Seu pes, siue caput doleat, non signa doloris
 Innocui, ast reputo proxima signa necis.
 Admoveo ad pulsus digitos, trepidansque requiro,
 Num sese aequatis motibus ille ferat.
 Adstantes vident, facturi pejus & ipsi,
 Si gemerent victi conditione pari.
 Quam facile est sanis, vivendi edicere leges,
 Cernere & in tuto damna aliena loco.
 Hec, durante dia, cruciant incommoda; multo
 Sed peiora manent, cum tegit umbra polui.
 Discordes agitant per noctem insomnia sensus;
 Et mille ante oculos spectra timenda parant.
 Palpitat insolite circum praeordia pulmo;
 Spiritus in clauso gutture torpet iners.
 Sepe parum absuerat, tacita quin aures Sacerdos
 Exciperet culpas, corde dolente, meas.
 Nec solum cogor sine somno ducere noctes;
 Strata sed & nequeo membra locare toro.
 Erigor in cubitum, quo spirem laxior auras:
 Hunc posse exuperior sustinuisse situm.
 Atque ita pulsantes numero nimis anxius horas;
 Et quoror invisas longius ire moras.
 Mitto, qui teneat me scrupulus inter edendum:
 Nescio pene, tibi quod genus ipse legam.
 Hoc leviter gulto, non tango mordicus illud:
 Omne mihi nocuum, nilque salubre reor.
 Libertas ablata, meo pro more, bibendi;
 Parcus ad potum lance probatur aqua.
 Sed potum nimis exiguum supplere necesse est
 Potu alio, praebet quem mihi mane scyphus:
 Hic calidis lymphis herba miscentur amara;
 Nam vim, quae stomacho prodest, amaror habet.
 Et doleo, tali cum sim lassatus ab usu,
 Concoctam calida sorbitione gulam.
 Consilium a Medicis petimus, quot in urbe morantur;
 Illis ante licet sit data nulla fides.*

Mon.

Monstratae sunt mille viæ: tentavimus omnes:
Qualibet arumæis vana reperta meis.
Vos unum affertis, cari, solamen, Amici,
Quo nostra est reddi visa repente salus.
Dicitis, egregiam Sponso nupsisse Puellam,
Qui nostra princeps urbis habetur honos.
Felix Conjugium, cui præsidet inextingua Virtus,
Incorrupta Fides, & generosus Amor:
Felices Anima, quas in consortia vite
Tam suavis sancto fœdere jungit Hymen.
Vos genus invictum, vos fama, & splendor Avorum,
Vos morum ad Superos gloria raro venit.
Patria, quam nimum tenere vobis diligit, & jura
Dulciter impatiens pignora vestra petit.
Gratulor; & tali gessit mens ebria plausu,
Ut mentorem morbi non finat esse mei.
Vos animum interea, Socii, laxate Camænis;
Et leti variis luxuriate malis:
Pars tuscæ Vates, & pars æquæ latinæ,
Græcorum incipiat pars renovare melos:
Et quia lætitiæ in partem hæc poscitis, esse
Piscantium lasus concinuisse paro.

E C L O G A *

CORTON, LYCIDAS,

Piscatores.

Co. **N**OX est, o Lycida, jam desine, parce labori,
 Cui vigil hac tota, quis credat? luce vacasti.
 Hæc vidi, hæc certe te vidi, albescere calum,

D 2

Et

* Idem argumentum.

- Et matutina crispari fluctus ab aura
 Cum cœpit; te nunc, occaso sole, jacentem
 Hoc etiam scopulo, sociis in tecta receptis,
 Aspicio, & miror. Ne tantas suscipe curas.
 Hisce datum satis est: capias suadentis Amici
 Consilium: hanc escam, hos calamos, & retia, & hamos,
 Haud mora, lingue: domum repetas, atque otia quaras:
 Hi pisces, nec enim pauci, quos cistula servat,
 Et nitidi, & vivi, & quales optantur, odori
 Ornabunt mensam. Phyllis, tua scitula conjux,
 Dexteritate sua lepide de more parabit.
 Condimenta suis manibus suavissima callet,
 Apia famem revocare; fame licet ipse per omnem,
 Quam vixi, ætatem, numquam caruisse recorder;
 Et numquam, plerumque licet tentaverit ante,
 Assuesci potuit meus ad jejunia venter.
 Sed tu, quod caput est, cœna ne sorte recuses
 Me comitem: nec erit sine dono gratia: dicam.
 Oh quid ego dicam! quod tu suspensus ab ore
 Accipies nostrum; & grates mihi latus habebis.
 Ly. O Corydon, huc summa redit, quod nostra subire
 Tecta cupis, vescique his mecum piscibus optas.
 Nil renuo; sed mitte, precor, dare verba: lubenter
 Te cœnæ comitem excipio; nec talia certe
 Me promissa morvent: nosco hac fallacia, nosco.
 Co. O Lycida, Lycida, cur hæc tibi nostra videtur
 Immerito suspecta fides? Nec fallere nostrum est;
 Nec falli tu dignus eris: gravis ista tot annos
 Lædit amicitia contractum injuria sædus.
 Non studeo ventri tam perditus ipse repledo,
 Ut fraudum auxilio cœnam subducere tentem:
 Non emere hoc vili precio tua prandia curo.
 Ly. Parce tuo Lycida, teque hoc dixisse putabam
 Consutis sine fraude dolis; ut sæpe sodales
 Inter se luisse solent: nec crimine mendax,
 Innocue cum sint mendacia ficta, notatur.
 Sædus amicitie non his violatur ab umbris,
 Quas pariunt false dicti, & sipe scelle leprores.

Pone

Pone iram, & quoniam nunc est incensa Cupido
Scire, quod ipse tenes, nihil ultra cunctor, eamus;
Tuque via relevas latis fastidia dictis.

Co. E tristi mihi me reddis: tam bene nosti
Te mihi mellisâ lepide excusare loquelâ.
Da faciles aures: mox non implere recuso,
Quod tibi promisi; remque ipsam ex ordine pandam.

Nuper ego rediens nostra Sirenis ab urbe,
Quo me contuleram, ut precio nonnulla pararem,
Precipiti cursu, quo sæpius utor, anhelans,
Confedi ad fontem, vitrea qui limpidus unda
Erumpit nitida e concha, quam candida fingunt
Marmora, Olympiacus qua belle excurrere tractus
Incipit: hic placide prope murmur lene jacentem,
Et flantes calo captantem segniter auras,
Resque meas volventem animo, me convenit Alcon;
Et dixit: Corydon, Corydon, quæ vidimus! O te.
Quam mala fors versat, quæ dulce videre negavit
Hoc tibi spectaculum. Vultu lectissima Virgo,
Egregio conjuncta Viro, de Tibridis ora
Huc huc adveniens, famulatu cinctâ superbo,
Ibat ovans, populo circum accurrente per urbem.

Ly. Siste hic, ne pergas ultra: quam detegis, ipsam
Dudum rem teneo; nec enim tam splendida fama
Conjugii, nostris sese celaverat oris.
Non ideo, Corydon, reddam tibi sorte minores,
Quas valeo, grates: bis terque audita placebunt,
Quæ nostræ non accipiunt ingratus dures.
Nunc per iter, quoniam haud aliud pauperrima viro
Suppeditat, cantemus; ut hæc incondita nostrum
Carmina in illustres Animas testentur amorem.

Co. Ah, Lycida, ab timeo, ne nostrum ignabile carmen,
Et rude, & hæc solitum per patria litora fundi,
Despiciant: nostræ non est ea gloria Muse,
Ut tantis, cum sit neglecta, superbiat ausis.

Ly. Parce metu, Corydon, humiles in honore Camæna
Sunt & apud Superos. Heroo nata cothurno
Carmina, non talem sapiunt plerumque nitorem;

Qualem sub cultu formati simplice cantus.

Eje age, conceptos jam nunc depone timores.

Incipe tu: sequar ipse. Sed o cessate parumper.

Ostrepere, & posito tantisper murmure, donec

Tam placidum nostro mulcebimus aera cantu,

O scopuli, o fontes, o unda, o aura, tacete.

Co. *Quam bella, & nitida est, & amabilis ista Puella:*

Diligite hanc Charites, gremioque fovete tenello.

Lv. *O quam suave micans, quam floridus iste Maritus:*

Excipite, & Genii, & tractate, benignius illum.

Co. *Felix Vir, plusquam felix, semperque beatus,*

Cui datur hac formâ nimis emendata Puella.

Lv. *Fortunata quidem, tam sausto nata sub affro*

Nupta nocens, talem a Superis sortita Maritum.

Co. *Oena sortis tua, hac uti dignissime Conjux:*

Dulcia dulciculis da dulciter oscula labris.

Lv. *Hac etiam est tua fors; hanc sortem amplectere, Sponsa:*

Excipe dulciculis data dulciter oscula labris.

Co. *Longius hanc vitam fiesic producite uterque;*

Acque alii ex aliis veniant felicius anni.

Lv. *Sint procaelo, talem qua vitam incommoda turbent;*

Letitiaeque, potique adsint, dulcesque lepores.

Co. *Candidula Nymphæ, custodes litoris hujus,*

Vota fecundate, & vultu ridete sereno.

Lv. *Dî pelagi, quorum sub numine vivimus ipsi,*

Nos in spem tantam erectos firmate, precamur.

Co. *Exerere. Mihi festivis votibus echo*

Adultrat, totumque in plausus vertitur equor.

Lv. *Exerere. Novo vestitur lumine calum;*

Atque percussis trepidant fulgoribus unda.

Co. *Plura darem, ni tella modo propiora paterent.*

En domes, en Phyllis recubans prope timen apertum,

Quæ tota est aride texendis adita nassis:

Illam importune, manibus, pedibusque frementes,

Circumstant nati; & fictis tentacula possunt

Lacrimulis; negat illa, & torvo irascitur ore;

Forse dolens, operis paulum intercludere cursum:

Instantes arceat longe; rigideque minatur,

*Accusaturam patri, cum venerit, illos.
Nec nos vidit adhuc, nam certe occurveret. Eja
Pergamus taciti: dabimusque repente salutem,
Quam timide accipiet subito contrivita voce
Illa; nec huic nostra deerit sua gratia fraudi.*

LUSUS PISCATORIUS.*

DUM procul a curis, quorum sub mole laborat
Mens addicta foro, studiisque assueta clientum,
Sole sub astivo, me non ignava sequentem
Ocia, Pausilypi colles & saxa tenerent;
Ludit ubi facilis, quæ spirat leniter, aura;
Umbrosæque virent platani; ac depicta jocosas
Ripa coronat aquas, ridetque salubrior aer:
Hic populi undantis clamorem oblitus, amica
Pace fruor, molli in sumulo, quem fecerat alga;
Grataque piscandi subeuntem munera pubem
Proximus intueor: cujus pars aquora lustrat
Exiguo in lembo; immittit pars retia ponto;
Retia pars immissa trahit; pars propter arenas
Aut legit, aut lectos componit in orbe rudentes,
Et fallit duros cantuque jocisque labores:
Nec minus a pueris duco mea gaudia, saltu
Qui sese librant nudato corpore in undas;
Et modo subter aquas se condunt; & modo supra
Emergunt; agitantque hac, illac motibus aquor.
Cum subito, ecce tibi, plausu sonuere profundi
Concava saxa; novo visum fulgescere calum
Sidere, & insolito vestiri lumine colles;
Pausilypique jugum, Mergellinaque recessus,
Et Megara turres, & Olympica litora, & almus

D 4

Se-

* In Nuptiis Hadriani Ca- | resis, Borghesiz, e Principibus
saris, Trajectu Ducis, & The- | Sulmonis.

Sebethus pater, & gemina cervice Vesuvus,
 (Quæ loca tam belle nitidum Cratera coronant)
 Festivos referunt festiva in imagine vultus.
 Portenti quæ causa, latet. Miramur: & unde
 Orta mari extemplo miracula, quæsimus omnes.
 R. m Triton aperit (Tritoni pandere cura est
 Æquoreo in regno patria Sivenis honores)
 Hic concham lateri appositam prius inflat, & inde
 Litoris hospitibus Nymphis, Gentisque locorum,
 Neptunoque patri; Latis Connubia pompis
 Excipite, o, inquit, vitrei sacra Numina ponti.
 Jam jam gaudet exans Hadriano conjuge Virgo;
 Qui Patria splendor, nostri qui gloria seeli est,
 Quæque Caratæ superat præconia gentis;
 Exurgitque inter titulos sublimis avitos,
 Qualis Apollineo laurus gratissima ferto,
 Aut Pimpleæ ad fontem, aut Peneia litora circum,
 Ulmorum in medio, sese fert alta sub auras.
 Ergo juvat plausus cumulare, ac fausta precari
 Omnia, festivisque implere his vocibus undas:
 Vivite felicem, Vir, Sponsaque, vivite vitam.
 Nec mora. Convenere simul, quæ parte marinos
 Concha dabat sonitus, Nympharum exercitus omnis,
 Lutea Cymodoce, Thetis ævea, candida Doris,
 Atque aliæ, formæ egregiæ, nitidaque papillis,
 Nuda humeros, agilesque pedes, & crine soluto,
 (Uæ decet, ac pelagi mos obtinet) Inde, moventes
 Ad numerum gressus, exercentesque choreas,
 Tritonis roseo geminabant carmina ab ore:
 Vivite felicem, Vir, Sponsaque, vivite vitam.
 Venit & ipse etiam magnus Regnator aquarum;
 Muscosas inter senior se extollere cautes
 Visus, arundineo frontem velatus amictu,
 Æquoreisque invectus equis; quem millia Divum,
 Tyrrhenum quos niarmor habet, comitantur euntem;
 Atque choros Nympharum inter, sua cæruleus Rex
 Subnectit, socio Divorum murmure, vota:
 Vivite felicem, Vir, Sponsaque, vivite vitam.

Tum

Tum Piscatores tacito spectacula vultu
 Aspiciunt, gressum retrahunt, ac cæpta morantur ;
 Suspenduntque operi dextram, nutuque loquaci
 Hunc ille, hic illum spectat ; dein ora resolvunt
 In cantus ; & nos sic sic cantabimus, ajunt :
 Vivite felicem, Vir, Sponsaque, vivite vitam.
 Interea, dum tantus habet salsa æquora plausus,
 Ipse solo recubans mecum una gratulor ; & , si
 Forte licet, votis vota hæc communibus addo ;
 Ut tanto surgat generoso e germine Proles,
 Par Sponsæ, atque Viro, & Majorum nominis heres,
 Nobiliumque decus ; ejus virtutibus amplam
 Fata viam sternant, & honorum culmina monstrent
 Ardua, semper io augustis calcanda tropæis ;
 Quo longum valeat protendere gesta parentum,
 Flerumque augere chorum, & felicibus ausis
 Venturum Patria fastos ditare per ævum.
 Hæc spero. Ne spem, Superi, frustrate secundis
 Hanc precor auspiciis, vultuque fovete sereno.

LUSUS AGRESTIS.*

Mollis ubi patria deflectit clivus ab urbe,
 Vestitus foliis, & amœnis obstitit umbris,
 Ruricolæ inter positus viret hortulus ades ;
 Dulcis conatus Naturæ, optantis in unum
 Delicias conferre omnes. Hic, ocia querens,
 Sepositis animus poscit requiescere curis,
 Sive sub æstivis ab sole ardentibus horis,
 Seu quando blande placidissima frigora spirant
 Hiberni sine nube dies, dum purior æther
 Invitat lento campestris visere gressu ;

Sæpe

* In Nuptiis Leonardi | cis, & Camillæ Cantelmæ, e
 Tocchi, Montis-militum Du- | Populorum Ducibus.

*Sæpe etiam sub vere novo ; sæpe inter amicos
 Autumni menses , arbuſtis poma ferentes .
 Hic viridi circum diſtinguitur area buxo ,
 Mille ornata viis , quas flexo induſtria gyro
 Finxerat , & vario donaverat ordine florum .
 In medio vitrea ſerpendo it rivulus unda ,
 Qui teneras lambens herbas , ferit æra dulci
 Murmure , jucundo lactans ſata pingua curſu :
 Hunc prope , & huic ſerme ſimiles imitata ſuſurros ,
 Ad tremulas frondes pacatis obſtrepit alis ,
 Sub matutinis ludens algoribus aura .
 Et , per vos etiam conſtat ſua gratia ruti ,
 O cane , & timide luſtrantes prata volucres ,
 Quæ , pictæ pompa belle variante colorum ,
 Et datis , & cantu accipitis reſponſa viciffim ;
 Quæ percuſſa imis reperit convallibus echo .
 Huc me præteritis , nullo comitante , diebus
 Contuleram tardo paſſu , exſpectantis ad inſtar
 Inceſſu graviore famem . Vix fluxerat hora ,
 Ac rus perveni ; quo tandem ingreſſus , ab ipſo
 Recreor aſpectu ; captatque hic laxius auras
 Spiritus ; & paulum ſeſſas ab itinere vires .
 Frondosa reparo , quam fecerat ornus , in umbra .
 Nonnulla hic forma egregia , ac ætate puella ,
 Hoc tantum ornata , quem dat natura , lepore ;
 Veſtibus his , quales fert mos agreſtis , operæ ,
 Molle ſuper gramen , qua præterit unda , jacentes
 Neglecto teneroque ſitu , faſtigue venuſto ,
 Os decorant riſu , & nutu verbisque jocantur .
 Hæc violam lepide pallentem carpit : & illa
 Te , tulipa , aſpectu quæ verſicolore ſuperba es .
 Iſta roſam , cui virgineo veſtita timore
 Auget nativam rubicunda modeſtia formam .
 Et vos , candidulo qui fidere pingitis arva ,
 Gelfimini , reſecant alia accuratius ungue .
 Atque alia e viridi decerpunt lilia trunco ;
 Lilia vel puro dotem ſurantia lacti :
 Et ſimul his Flora donis ſe molliter ornant ,*

Et

Et specie cupiant hac splendidiore videri.

Dein laetis omnes iterant contentibus: Hymen,

O Hymenae veni, spes o dulcissima amantium;

Rumpe moras, fer laetitia, fer gaudia tecum:

Tecum fer dulcesque jocos, mollesque lepores.

Tu carum, tu mellinum, tu suave levamen

In teneros Sponsis tenere, languentibus ignes.

O Hymen, Hymenae veni: te pulchra Puella,

Tu juvenis pulcher pulchrum vocat. Exere frontem

Festivam: placidum, qui te decet, indue vultum.

Per te junguntur fausto Vir Nuptaque nexu:

Per te nutritur cara spes virgida proles.

Tum percussus ego rerum novitate, Quid, inquam,

Quidne velis florum ornatus? quid risus in ore?

Atque maritalem reddentia nomina pompam?

Has rogo, cuncta brevi doceant. Humilis illa,

Quam quod par fuerat, referunt mihi talia: Ramae

Huc modo pervenit, Toccoram e stipite German

Connubio stabili lecta cum Virgine jungi.

Nos ducta fama Heroum, tantique superbo

Conjuncti strepitu; quamvis sub paupere tecto,

Fortunaque humili, nostris hic vivimus agris;

Hoc, quodcumque sibi est, pigrus praestamus amoris,

Cantantes tenerum sparsa per gramina carmen;

Et praeterea letitia, qua pectora nostra tenentur,

Nostri coronantes festivo tempora flore.

Ipsae sub hae: Nil vestra moror dulcissima expta,

O nimum mihi cara, tenellula turba, Puella.

Sic faveat vobis Venus, Et quicumque parentem

Circumstant pueri, sibi dantes oscula, Amores.

Ergo alacres renovate melos; lasciviat astringum

Molliter, Et revocet faciles ad gaudia Musas.

Nec, quia fors tenuis vobis hac suppetit, hoc sumus

Grata minus monumenta, animi testantia plausum.

Ipsae etiam cantus non dedignantur agrestes

Numina; constructaque novis e frugibus ara

Saepe his placuere magis, quam arcite cultu

Ornata, in parvo referentes marmore fastum.

Nam

*Non deerunt, per quos Patria sua gloria constet,
 Illustres animæ, Phæbi quos alius ardor
 Tollit, & illarum veneratur nomina Pindus,
 Quæ Sponsæ, atque Viri, Majorumque inclita gesta,
 Quæ nunc totus habet summis in honoribus Orbis,
 Exornent plectro; ut traducta nepotibus olim
 Fama patrum, mox magnanimos impellat ad ausus;
 Expositæque oculis Virtutis imagine, discat
 Posteritas, meritis quondam calcata tropæis,
 Ipsa etiam calcare novis vestigia avorum.
 Hic sistunt mea dicta: data, acceptæque salute,
 Discedo. Ipse iterant læta festiva Puellæ
 Carmina: nec minus hæc sapiunt iterata leporem.*

EPITHALAMIUM *

VATES, divini Vates, quos Græcia, felix
 Ingeniorumatrix, & nominis æmula Græci,
 Roma tulit, meritoque omnis venerabitur ætas,
 Et famam & laudes sublimibus inseret astris;
 Siquid adhuc vestri cineres umbræque sepulta,
 Victrices avi, & rumpentes aspera fata,
 Servant Castalii, Phæbo inspirante, furoris,
 Hunc mihi paulisper concedite. Carminis amplam
 Offerri segetem video. Procul hinc rade vulgus,
 Hinc animæ procul ignara. Me insania dulcis
 Occupet; insolitoque serar correptus ab æstro
 Per Pindi juga, Parnassique biverticis hortos,
 Fundens grande melos. Pudet, ah pudet, inter ovantes
 Italiæ plausus, humiles ad plectra Camænas
 Poscere, & e facili myrto mihi texere sertum.

Eccò

* In Nuptiis Serenissimi &c. ac Serenissimæ Henri-
 Antonii Farnesii, Ducis Par- | cæ Estensis.
 mæ, Placentiæ, Castri, |

Ecce novas augusta Domus Farnesia pompas
 Explicat, & numero prolis generosa futura
 Consulit: en faustis Connubia laeta parantur
 Auspiciis; flammisque exsultans ventilat Hymen,
 Indutus croceos soccos, & marcidus ebrio
 Lassatoque gradu; cui vincla e floribus una
 Belle contextis, & suavis amaranthus umbrat
 Festido nitidam frontem sudore madentem.
 Proh Superi, qui Vir qua Virgine jungitur! An vos
 Huic par Conjugium innumeris vidistis ab annis,
 O Charites? Quot enim votis ardentibus ante
 Fata laborarunt, ut suspirata rediret
 Hæc auro signanda dies, qua maximus Heros
 Egregiam legeret viro in consortia Sponsam.
 Felix, o nimium felix, si immensa cupido,
 Qua blande crucior, celebrandi divite vena
 Et Sponsam, atque Virum, posset pro viribus aquis
 Expleri, & chartis inseribi nobile carmen!
 Nam quem te memorem, Antoni, fors unica secti,
 Praesidium Latii, dulcisque & cara tuorum
 Invidia, optataque futura superbia prolis?
 Non tu, non inter lusus, & inertia tellus
 Commoda, non inter nugas ignobilis otii,
 Pulchre ducebas exordia prima juventa.
 Credebas te deesse tuis natalibus, istud
 Sectando vitæ genus, oblitumque superna
 Indolis, abs te ipso timide desciscere. Quare,
 Qui tibi sarvebat sub pectore, viridus ardor,
 Impatiensque Orbis tantum has cognoscere fines,
 In quos & nutu, & sceptro dominaris avito,
 Ultra pergere amans, tractus lustraverat omnes
 Europæ, & mores populorum, & maxima Regum
 Ingenia, & quod erat spectari a Principe dignum,
 Passim observabat; quo mox assuesceret ausis
 Grandibus, atque annis fieret prudentia major.
 Te vidit plaudens, te summo excepit honore.
 Imperii sedes, Germania. Te quoque vidit
 Anglia, & obsequio non defuit illa dicando,

Ipsa

Ipsa etiam, ipso inquam, caput Orbis, Roma, testis
 Credidit in te uno rediuvos noscere cives,
 Insignes pæce, ac bello, quorum inclita facta
 Annalès onerant, atque immortalia fulgent.
 Te cernens propius lætata est Gallia; & ipse,
 Exemplar Regum, Ludovicus, ad intima tecum
 Colloquia accedens, haud raro ostendit, amico
 Ore tuo pendere; tuæque in imagine vidit
 Nescio quid simile & genio, & virtutibus acris
 Consilii mentisque suæ; & conceperat aliam
 De te spem supra etatem: nam nuncia fama
 Mox acquirenda fuerat presentia, frontis
 In qua majestas & gratia mixta nitebat,
 Incessus gravis, & dulcissima ospiæ fandi,
 Atque gerendarum preludens gloria rerum:
 Non secus ac, qui gramineis conspexerit arvis
 Formæ insignis equum, resedes cui spiritus annos
 Prædenit, elataque animus cervice superbit
 Fervidus, & densas fumat sub naribus ignis;
 Ac standi indocilis crebro ferit ungula terram,
 Indicium ac bona spes generosi pectoris: illum
 Credit, cum patris primam, e præsepibus actus,
 Accipiens frænum, in meliores venerit usus
 Magnanimis, eoque similem, fore cursibus optum,
 Spondeo tibi meritis victoribus aræ palmas;
 Aut si sanguineos, oneratus milite, campos
 Lustrabit, mediosque atacer volitabit in hostes,
 Pugnatarum avide, & terrorem in castra daturum.
 Ista tuæ fuerant tenera decora ampla juventa,
 Prima rudimenta, grandis encurrentia passu;
 Inténtata aliis, opera ac sublimia cæsum.
 Nam, nisi te dignum, quid non responderat istis
 Præceptis, cum jam paulatim adoleverat ætas?
 Delicia, & communis amor, fortunæque Regni
 Diceris; & quos sunt tituli, quos nepperit audax
 Ambitio, merito soli tibi jure sacranur.
 Quem pulchre Pietas animi, & Constantia recti,
 Et referata manus donis, & ubique parentum,

Illiæ

Hinc fontes premere, hinc miseris succurrere pectus,
Efficiunt, ut tu, simul ac metuaris, ameris,
Nullaque subiectas discordia concitet irbes.

Te quoque non sileam, tanto conjuncta Marito,
Henrica, Elitanti magnum de Stripite Germen,
Et major sexu, majorque aetate Virago.
Nosco equidem, quam tu belle formata paterno
Sub studio fueris. Vel adhuc te insaute, tenellos
Ille tibi instruxit mores; docuitque, videri
Ipso te natam patre dignam, ipsumque futurum,
Te nata clarum fortunatumque parentem.

Quid mirum, si in te fulgent, crescentibus annis,
Tam rara dotes animi, quibus omnium ubique
Corda trahis, cunctosque adigis te extollere calo?

Tractando facilis vis a quocumque rogari;
In quacumque cupis descendere vota rogantis.

Hoc regnare putas, Regno clementius uti?

Nec tibi, sed vixisse aliis, hoc vivere censet.

His tamen, his opibus, dederat quas mascula Virtus,

Junxit opes Natura suas; speciemque decoram,

Et pulchram, qua nil magis, addidit. Illa ruborem

Est surata rosis, lac est surata ligustris,

Ut multos placido tibi spargeret ore lepores:

Fingendis oculis, quicquid formosius usquam est,

Concessit, fecitque duas, tua lumina, stellas,

Mixta tamen suavi, quo crescit gratia, risu:

Qualis saepe dies, aurora oriente, videtur

Fulgere, cum caelum, discussis protinus umbris,

Purius apparet, matutineque pruina

Luce percussae, solis quae nunciat ortum,

Scintillant teneris diffusa molliter herbis;

Et zephyrus leni discurrens prata susurro

Crispat aquas rivi, cursu resoventis aprico

Mille coloratos diverso sanguine flores.

Hae, o Nupta, tamen dos forma augetur ab illis

Ingenuis vita studiis, quibus ipsa colendis

Saepe vacas, gaudesque omnes adjungere curas:

Præcipue, quæ te saltando vincat, & artus

Compo-

Componat meliore situ, spatiumque recurrent,
 Gestum distinguat docte magis, Itala tellus
 Non aspexit adhuc, non aspectura subinde est.
 Fortè minus saltu insignis, minus apta movendis
 In numerum pedibus poterat Diana videri;
 Cum Dea per Cynthi saltus, ripasque virentes
 Eurotæ, nodo crines religata fluentes,
 Et nitidas rubicunda genas, risuque colorans
 Aspectum, Nymphis, vicina colentibus arva,
 Spectaculum sublime sui pulcherrima præbet,
 Exercetque choros, spectantium lumina pascens:
 Non quatit aut quercus frondes, aut sibilat aura:
 Pigra movet sese unda: pecus non ruminat herbas;
 Nec solitis timidum solvit belatibus ora;
 Sed velut attonitum in rerum miracula, tanti,
 Gressu suspensum, veneratur Numinis artem.
 Sed quò progredior male cautus? Quis calor amens
 Me tenet? infirmasque impellit ad ardua vires?
 Ah! semper non est felix audacia. Tutum
 Non semper, fragili Oceanum tentare phaselo.
 Vos Sponsi, vosmet vobis laus amplior estis.
 Alterius frustra laudem expectatis ab ore.
 Orbis vestra satis, qui sitis, nomina monstrant,
 Et gravida imperio, & rebus majoribus apta,
 Et famam Italiæ merito factura superbam.
 Vestra etiam Soboles, & qui nascentur ab illa,
 Tantorum victi gestorum lumine, noscent
 Intactum a vobis sibi jam nihil esse relictum,
 Præter quam stimulos imitandi exempla parentum.

E P I G R A M M A I. *

DULCIS Hymen, quid agis? Teneris cur molliter herbis
 Lauguidus ipse super ponis utrumque latus?
 Ignoras, qui Vir Sponsa, quæ Sponsa Marito
 Jungitur? Unde tua est hæc mora tanta, rogo?
 Fax extincta manu est; laurus de fronte revulsa;
 Nullaque lætitiæ signa jugalis habes.
 Nil mirum, inquit Hymen. Quæ sunt mea munia, Virtus
 Explicat: huic uni cedere debueram.

E P I G R A M M A II. **

REGE sub invictio, cujus præsentia letos
 Nos reddit, quætiâs, o Hymenæe, facies;
 Nobiliumque animos urge ad connubia, magnis
 Ut nova perpetuo floreat Aula Viris..
 Hæc tu nostra imple, Sangri, communia vota,
 Dum Sponsa illustri te sociare paras.
 Dulce tibi solamen erit, te cernere patrem,
 Et natos Regi sistere posse tuo.
 Nec poteris donum Regi dare carius isto;
 Et Rex non poterit carius accipere.

E

EPI.

* In Nuptiis Thomæ Ca- | Sangrii, Principis Sancti Se-
 racciolo, Marchionis Casæ Ar- | veri, & Carolottæ Cajetanæ,
 boris, & Hippolitæ de Dura. | e Ducibus Laurentiani.

** In Nuptiis Raymundi

E P I G R A M M A III. *

LONGA *Ætas, firmata Salus, Pax, Gaudia, Proles,*
Vos, oro, semper, Nuptaque Virque, beent.
Ista parum: majora precor sint præmia utrique,
Mentis opes, Virtus, Gloria, Plausus, Honor.

E P I G R A M M A IV. **

HAC *Virtus & Amor coeunt in imagine. Mirum!*
Cum pugnent Virtus mascula, mollis Amor.

E P I G R A M M A V. ***

EN *Pallas rediviva, cupis si noscere mores:*
Si formam spectas, en rediviva Venus,

N U -

* In Nuptiis Antonii Ca-
 pycii-Minutuli, e Principibus
 Canusii, & Theresæ Filinge-
 riz, e Principibus Arianelli,
 ** Ad Viri Iconem.
 *** Ad Iconem Sponsæ.

L I B E R I I
NUPTIALIA CARMINA ADDITA.

E P I G R A M M A VI.*

CUR cæcus fingendus Amor ; quasi lumine cassus,
 Quidquid agi debet , præcipitanter agat ?
 Immerito infertur tanta hæc injuria Amori :
 Sæpe sua sapiens visus in arte fuit .
 Res patet exemplo . Venetum celebratur in urbe
 Conjugium , instruxit quod sapienter Amor .
 Qui sapit , hoc spectat , ne quidquam in conjuge utroque
 Sit dispar , quo fit turgidus alteruter .
 Hoc vitavit Amor ; nam splendent Sponsa , Maritus
 Ingenio , forma , nobilitate pares .

E P I G R A M M A VII.**

UNicus es , Princeps , Medicei flosculus horti :
 Non tamen hoc uno flore superbit humus .
 Adde novos pratis generoso semine flores ,
 Ut florum pompa divite vernet ager .
 Nec timor est , quin aura levis , quin mitior imber
 Fœcundo læset germina culta sinu :
 Nec cito languebunt , certentque voracibus annis ,
 Semper O³ aspectu , semper odore pari .

E 2

HEN-

* In Nuptiis Marci Antonii Grimani , & Mariæ Pisani .

** In Nuptiis Principis Octaviani , e Familia Medicea .

H E N D E C A S Y L L A B I . *

IN te blanditis , jocique molles
 Ludunt suaviter , elegans Puella :
 Os splendet nitidum venustulumque ;
 Ridentesque superbiunt ocelli :
 Et flexi ingenio suo capilli
 Perbelle niveos cadunt per armos :
 Dulce frons decus explicat ; tuusque
 Sermo suaviloquo fluens ab ore
 Grati nescio quid sapit leporis ;
 Rebus ut retrahas negociosis
 Efficiam cupidum tui Maritum .
 Tu , solatiolum , levabis olis
 Affectus animi severiores :
 Et mox oscula tot dabis , quot ille
 Pasces ; reddet & ille , quot reposcet :
 Duceis que dies amœniores
 Inter delicias voluptuosas .

CAR-

* In Nuptiis Andreæ Cop- | ræ Caracciolo , & Marchioni-
 pola , Ducis Canfani , & Lau- | bus Amorusii .

CARMINUM

LIBER III.

V A R I A.

E L E G I A I.*

PAX animi, qua suave mori, qua vivere dulce est,
 Cur inimica mihi, non reditura fugis?
 Aut loquor, aut scribo, aut incedo, aut forte quiesco;
 Turbant me incessus, scripta, loquela, quies.
 Infelix, lacrimans, exsanguis, pallidus, ager
 Et vivo, & vite tadet ubique mea.
 Hac merito eveniunt: Argentum amisimus: æquis
 Tanta jactura par queat esse dolor?
 Interea, ut nimis relevarem pectora curis,
 Sebethi ad ripas incomitatus eo:
 Atque ferens mecum suspiria, laxius illa
 Effundo ad rivum pratereuntis aque.
 Hic inter viridis jucunda silentia prati,
 Dum piger est ventus, dum piger amnis abit;
 Ipse sedens humili frondosa vitis in umbra,
 Lumina subtaudo, victa sopore gravi.
 In somnis rerum mihi grata occurrit imago;
 Et patrio videor jam procul ire solo.

E 3

In

* In Funere Cajetani Ar- | politani Præsidis.
 genti, Sac. Reg. Consilii Nea-

Incertus, timidusque vagor; seror hospes in Orbem
 Ignotum; atque oculis sunt nova cuncta meis:
 Cælum aliud, non sol idem, diversaque tellus
 Apparet; solito mitior aura strepit.
 Lata hic planities, herbis vestita minutis;
 Cuncta hinc lauretis, mollibus inde jugis.
 In medio Templum erigitur: par cognita nusquam
 Majestas; tanta mole superbit opus.
 Cujus sit Templum, ignoro. Si quærere vellem,
 Ante fores nullus, qui docuisset, erat.
 Attonito similis volvo mea lumina; qualis,
 Qui non visa prius viderat, esse solet.
 Hæc inter non nota meas vox fertur ad aures:
 Templum quod spectas, hoc sibi fecit Honor.
 Pronus humi veneror sanctissima limina: nosco,
 Quanta sit plenus religione locus.
 Surgo, atque ingredior: terret reverentia tanti
 Numinis, & calco corde pavente solum.
 Singula contemplor. Fumant altaria thure:
 Uritur accenso cedrus odora foco:
 Flore novo sparsa est tellus: laquearia fulgent
 Ex auro; est pretium grande labore minus.
 Stant circum Heroum vultus, qui Palladis artes
 Egregie studiis excoluere suis.
 Multos prætereo; sed in his, Sapientia Legum
 Quos ornat, nimia sedulitate moror.
 Ecce Coruncanus, qui primus in Urbe Quiritum
 Ante alios fertur Jus docuisse palam.
 Ælius hic, fraterque suus, qui paupere censu,
 Insignes fuerant a probitate viri.
 Tu quoque, Semproni, cui summa peritia, dici
 Ut mereas, nulli quod meruere, docet.
 Dein Cato subsequitur: vitiis non pigra notandis
 Libertas, tacito non tepet ore rigor.
 Scævola Pontificis vitta redimitus; & ipse
 Præture fulgens munere Brutus adest.
 Manlius his comes est, renuit qui parcere Nato;
 Plus civis partes, quam patris esse, ratus.

Et Druso locus est : Quid non industria vincit ?

Cecus enim Juri non sine laude vacat.

Proximus huic Rufus, qui firmo pectore, sortis

Aut dura, aut facilis, spreuit utramque vicem.

Atque alii, quorum ingenio, ac sudore parata est

Maxima fortune gloria, Roma, tue.

Hos inter calata basis, praeincta columnis,

Surgebat, Statuam mox habitura super :

Hanc Statuam multa faber exornaverat arte :

Pars perfecta nitet, pars rudis exstat adhuc.

Nil fronti, nil luminibus, nil naribus, & nil

Temporibus geminis deficit, atque genis.

Vestis erat pro parte rudis; sed veste sub illa

Forma magistratus cæperat esse togæ.

Attente intueor, velut is, qui noscere credit,

Quem videt, & qui sit, voce referre nequit.

Forte duplex cerno signatum in marmore carmen;

Idque reponendum sub base carmen erat.

HIC. EST. ARGENTVS. QVID. PLVRA? VEL. OMNIA. PRAESTAT

DICERE. VEL. NOMEN. COMMEMORASSE. SAT. EST

Obstupui, aspectuque novo gavisus, amica

Sorte fruor, quæ me sic inopina beat :

Et, præ latitia lacrimis mihi dulce subertis,

Ter capî tales fundere ab ore senos;

O major te ipso, cujus sub pondere laudum

Lassa diu, vero Fama minora canit :

O dulcem invidium facture nepotibus; o qui

Grande ornamentum posteritatis eris :

Jure quidem generosus Honor te sede sub ista,

Pronus in obsequium, nobiliore locat.

Cingeris hîc circum tantis Heroibus; & tu,

Ut sol, hos humiles te sociare vides.

Hæc tua, muta licet, monumenta exosculor; istas,

Quas fundo lacrimas, pignus amoris, habe :

Pignus amoris habe suspiria, queis mea pasco

Pectora, queis alitur nocte dieque dolor;

Ille dolor, quo confectus mox languit Orbis,

Cum sua, te extincto, commoda lapsa gemat.

E 4

Talia

Talia dum refero, mira dulcedine capis,
 Excitor a somno; reddor & ipse mihi.
 Non sunt, exclamo, non sunt hac somnia vana:
 Nescio quid somno faustius omen inest.
 Tu me, Phœbe, regis: duce te, spectacula novi,
 Venturis seclis non caritura fide.
 Quo non pervenient tantarum nuncia rerum?
 Quis portenti expertus angulus, Orbis erit?
 Immo ubicumque mihi gens conclamare videtur:
 Numquam Virtuti prœmia fraudat Honor.

E L E G I A II.*

AD ALEXIUM NICOLAUM ROSSI.

NE renova Iuſtus: durum eſt, quod poſcis, Alexi:
 Ah tibi me facilem non ſinit eſſe dolor.
 Quis culpe id tribuat? Sorti tribuatur acerba
 Iſte recuſandi, quo premor ipſe, pudor.
 Me celebrare jubes Argenti ſunera cantu.
 Deſine: ne jubeas hoc mihi: flere jube.
 Flere decet; nec flere mei indignantur ocellis:
 Flent noctu, flendo continuantque diem.
 Dum ſcribo hos elegos ſietu ſcriptura rigatur;
 Nec ſatis agnoſci, ſic maculata, poteſt.
 Abſtergo lacrimas: ſuſpiro: poſtea ruruſum
 Scribo; ſed ruruſum ſietus ab ore cadit.
 Tot lacrimis curſum ſcribendi ſiſtere cogunt;
 Cogunt e manibus depoſuiſſe ſtilum:
 Pagina nam ſpiſſis vitata eſt tota lituris;
 Nec bene formata eſt littera quaque notis.

Immo

* Idem argumentum.

Immo aliud scriptum, quam quod scripsisse volebam,
 Aspicio; & dubito, si modo scriptor ego:
 Non secus ac, alio pergens, quam pergere tentat,
 Nescit, num tulerit, quo tulit ipse, pedes.
 Si poscam auxilium a Musis; labor irritus: illa
 Non minus auxilii, cuius egemus, egent:
 Quisnam, qui doleat, poterit lenire dolentem?
 Vel quis opem flenti, cum fleat ipse, ferat?
 Tunc una mecum, jam spe defectus ab omni,
 Hos trepida incipio mittere voce sonos:
 Ah nimis est iactura gravis! Venientia quamnam
 Secula virum, Superi quem rapuere, dabunt?
 Ah nimis est iactura gravis! Sperare licebit;
 Sed tantum haud facile est, obtinuisse virum.
 Jam video, nostra quae lux erepta sit urbi;
 Quive malis terror, praesidiumque bonis.
 Illam quis dabit erectam ad sublimia mentem,
 In qua nescio quis spiritus intus erat?
 Spiritus arduus fundens per lumina flammam,
 Quis alitur Virtus, nec pigra serpit humi:
 Quem merito vidit sublimi sede locatum
 Curia, Ius sancte reddere cuique suum;
 Et regere afflictos, & ubique levare jacentes;
 Et praesto cunctis ferre libenter opem.
 Haec dico, haec semper turbata mente revolve:
 Haec flendi causam dant, iterantque mihi.
 I, fletum exhibe? potius nec flamma feratur
 Sursum, nec iactus tendat ad ima lapis:
 Luce sua potius careat sol, aequora motu;
 Et retro fontes, unde oriuntur, eant:
 Ergo privato, lacrima, me pascite luctu;
 Mestitia comites sitis ubique meae.
 Dilecta lacrima, puro de sanguine nata,
 Docta, cum sos est, largius ire genis,
 Tum, sino, cesseris, cesset cum causa dolendi;
 Duretis, duret si tamen illa, volo:
 Vos tenere amplector; vestros exoscutor imbres:
 Pama sit, aut ea pax, quam datis, una placet.

Hoc

*Hoc habeo, quod Alexi, tibi referare, necessum est.
 Parcas, implevi si tua jussa minus.
 Qua causa impediar, noscis. Damnaveris illum,
 Proclivis qui vult esse, sed esse nequit?*

ELEGIA III. ADDITA.*

Quos mittis, tristes elegos, MATTHÆE, recepi;
 Miratus, niteat quantus in hisce lepos.
 Et grates reddo, nostræ quod dixite vena,
 Plus a quo, famæ consuluisse studes.
 Non equidem merui: laudas, quod deficit in me:
 Arte, nec ingenio dos mihi nulla redit.
 Quique legat laudes, nimium commendet amorem:
 Judicium, certe non probet ille tuum.
 Sed satis hoc. Vidi, quanto tu percitus æstro,
 Quæ nuper luctus sint data signa, canas.
 Nam Laurum, magni qua cingitur umbra Maronis,
 Ipse refers, virides deposuisse comas.
 Ut, quem perdidimus, LUDOVICI morte, doceret,
 Impatiens pompam substinuisse suam.
 Dum tamen hæc memoras, iterum ad suspiria pectus,
 Ad lacrimas iterum lumina nostra vocas;
 Atque aperis vulnus, cæpit quod tempore claudi;
 Et gravius, tentas dum renovare, facis.
 Scimus, qui fuerit LODOIX: non noscere vellem,
 Quam noto posthac me caruisse viro.
 Quid juvat, immensa primum dulcedine mergi,
 Cum post gustandus tristis amator erit?

Quid.

* Ad V. Cl. Paschalem | Poetæ disertissimi; cujus
 de Matthæis, e Soc. Jesu, | Carmina Neapol. edita ann.
 qui Auctori Elegiam scripse- | MDCCXLV. omnium plau-
 rat de Obitu Dominici Lu- | su excepta fueret.

Quidve juvat, breviter spatiosa luce beari;
 Dein oculos tenebris, & sine fine premi?
 Eheu! qui mores, qui visus amabilis olli!
 Qui gratus placido risus in ore fuit!
 Heu! quantum ingenium, & felix, & ad omnia natum!
 Quantaque doctrina mente reposita penus!
 Tres didici tanto sub Praeceptore per annos,
 E cathedra Sophie cum documenta daret.
 Qui scriptis candor! Viva quæ voce venustas!
 Copia quæ rerum, quæ meditantis opes!
 Discipulos sollers omni pro parte juvabat;
 Præstans, quam sibimet quisque petebat, opem:
 Visus enim tardis patiens, subtilis acutis;
 Exsuecis uber, firmus & ambiguus.
 Atque Stagirita quavis monumenta Magistri,
 Ritu majorum, debuit ille sequi;
 Ardua quæ fuerant, cultu explanavit amæno;
 Abdita perspicuis explicuitque modis:
 Et sale perfricuit, fuerant quæ orbata lepore,
 Ut saperent, paucis quæ sapere prius.
 Nec, quæ Scriptores commenta recentia tradunt,
 Nos voluit sicco transiluisse pede.
 Illorum valide monstravit somnia; falsum
 Qui verisimili sub novitate tegunt,
 Præstare ingenio hos, dixit, ratione carere:
 Laude quidem dignos, non tamen esse fide.
 Sed non his tantum studiis excelluit. Illi
 Pierides Vatem non habuere parem.
 Prasertim versus, quorum brevis alter, & alter
 Productus, nitide texuit ille stilo.
 Nil addas melius, nil demas forte redundans:
 Omnia nativi plena leporis erant.
 Et veneres, quot habet purè in sermone Tibullus,
 Invenisse illum, non rapuisse putas.
 Testes appello pulcherrima CARMINA, nuper
 Cusa typis, quovis non peritura die:
 Quæ licet, Auctoris genio neglecta jacerent,
 Quo magis cara aliis, hoc sibi cara minus;

Vila

*Victa est post vitæ tam rara modestia cursum ,
 Vincere quam dudum non potuere preces .
 Irrita debebant illius vota relinqui ;
 Irrita ne Patria vota relicta forent .
 Consilium unius communis opinio fregit :
 Privata potior publica causa fuit .
 Nemo suis rebus posset , si vellet , abuti :
 Hoc fatuum imperium provida jura vetant .
 Hæc scripsi mæore animi confectus , Amice :
 Parceas , incultus si tibi scriptor era .
 Qui dolet , ipse sui compos non esse videtur :
 Informes factus mens agitata parit .
 Ingeniî culpa , dedimus mediocria semper :
 Nunc , luctus causa , deteriora damus .*

E L E G I A IV. *

AD JOHANNEM BAPTISTAM CAPASSUM.

QUID jussu , Capasse , tuo me cogis amico ,
 Rursus nostra rudi sumere plectra manu ?
 Non ea , non equidem est neglectæ gloria Musæ ,
 Quo valeat jussus illa subire tuos .
 Jamque diu annosa pendet mea fistula quercu :
 Fistula vulgari nonnisi facta sono .
 Jamque diu stultiis animum gravioribus orno :
 Seria post lusus jam tenuera locum ;
 Nostraque non ultro facili mens fertur ab æstro ;
 Et nec sponte sua carmen ab ore fluit .
 Immo etiam numeros , quos aure probavimus olim ,
 Conor nunc digitis sæpe probare meis :

Ab

* Dom Johannes Baptista | sacra Purpura insignitur .
 Salernus , e Societate Jesu , |

*Ah! metuens, ne forte mihi contractior alter;
 Neu versus justo longior alter eat.
 Phœbus ob id procul a Pimpla me detinet unda;
 Clamosique iubet limen adire Fori;
 Cultus ubi sermonis abest; ubi gratia Musis
 Nulla patet; Vasi nullus habetur honos;
 Aique ubi fas, posito libros evolvere plectro,
 Sive, o Balde, tuos, Bartole, sive tuos.
 Ergo quid tantis comitem me Vatribus optas?
 Turpe est tot claros inter adesse Viros.
 Quem canis, ac cecinisse jubes, sublimia poscit:
 Materies non est viribus æqua meis.
 Quare alios fama insignes, curisque solutos;
 Quique inter ducunt ocia docta dies;
 Majoresque ævo Phœbea tempora lauro
 Impediunt, patrios nobilitantque lares.
 Hos tecum socios suscepto adijunge labori:
 Horum ope ne pigeat grandia cœpta sequi.
 Altius assurgat felici Egyptius æstro;
 Cantet & betrusca carmina comita lyra:
 Vicus, noster amor, dicendi excultus in arte,
 Exsuperet versus, blande Catulle, tuos:
 Carus & in primis revocet Galitia Musam;
 Et breve, more suo, sed grave, gignat opus.
 Scribat & egregius, lepidam Mazochius Oden,
 In qua sint veteres, queis scatet ille, sales:
 Spagnolus, dulces Vates dulcissimus inter,
 Italæ suscipiat plectra movere manu:
 Tuque etiam, Fraterque tuus, sociusque Cyrillus,
 Non semel auditum fundite ab ore melos;
 Quale decet famam, quæ vos super æthera tollit;
 Et quæ vos dignos posteritate facit:
 Ac plausu unanimi percurrere gesta Salerni;
 Gesta triumphali concelebranda tuba:
 Cui modo, quæ meritis longe sublimibus emta est,
 Ornatura humeros Purpura sacra venit:
 Cui non quasitos Virtus largitur honores;
 Spretaque sed capiti debita festa parat.*

Disce

*Dicite, max Orbi quantum decus afferet Heros,
 Magnus consilio, nec pietate minor.
 Dicite, quale sibi tutamen habebit in illo
 Relligio, adscribat quem sibi Roma Patrem.
 Atque hac, atque alia subnectite laude coronas:
 Quas lege, quas lectas, huic age siste Viro:
 Meque sinas iterum sedes lustrare Forenses;
 Et terere arreptas, aspice sorte, vias.*

E L E G I A V. *

NON semper nostras possunt Connubia Musas:
 Verimus Aonias ad sacra Clausura fides:
 Non habitu egreditur molli vestita Poesis,
 Qualis visa eadem sapius ante fuit:
 Non, Hymen, Hymenæe veni, modo verberat aures;
 Et neque per Vatum plectra triumphat Amor.
 Alius adsurgit carmen; meritoque superbit
 Noster materia splendidiore stilus.
 Ipsa suo tandem splendori reddita Virtus,
 Jam datur in summo concelebranda Viro.
 De te, qui clavos gestis sublimibus ortus,
 Brancati, superas, conscius ipse loquor:
 Natus ad ornandum, quod nos modo vivimus, ævum,
 Laude quidem fulges, invidiaque super.
 Hinc bene transactos studio, ac pietate labores
 In primo annorum flore coronat honos.
 Jam meritas ultro veniens tegit Insula crines;
 Jam Pastoralis virga gerenda datur.
 Hæc primæva satri collata insignia fastus
 In te quam belle, Vir generose, nitent.

Te

* Dum Archangelus Bran- | Abbas Monasterii Montis
 catius, Ordinis D. Benedicti, | Casini eligitur.

Te spectaturi per totam accurrimus urbem:
Et tu spectantes visus ubique beas:
Majestas & Amor, raro simul ire reperti,
Concordes in te sœdus inire student.
Discimus hinc, quam vara tuam Prudentia mentem
Occupat, & morum quis tibi Candor inest:
Sed non hic, mihi crede, morabitur impigra Virtus:
Jam mox ulterius progredietur honos;
Dulce rudimentum meditantis grandia fama
Sunt hæc, quæ nuper præmia sponte dedit.
Nunc quasi secreta tibi gloria ludat in umbra;
Post toto pompas explicet orbe suas:
Jam properant primas tua maxima gesta Tiaras;
Teque sacrum expectant plurima regna ducem.
Nec, nisi me fallit sententia, longius ibit,
Cum dabit & plausus inclita Roma suos.
Acceptura magis, quam collatura decorem,
Purpura circum humeros ambiat ire tuos.
Quin liceat sperare, tuam labentibus annis
Virtutem excelsa sede videre sitam.
Tunc a te totus votis ardentibus Orbis
Accipiet leges cernuus ante pedes:
Incipient iterum tunc aurea currere sæcla;
Sæcla sub auspiciis aurea facta tuis.
Hæc vacuis, plerumque domi, quibus ocior, horis
Exciderant plebæ carmina pauca meo.
Ibam excusatum Sociis repetentibus illa,
Quod sint tam celebri non ea digna Viro;
Et simul erubui, clarissima lumina Vatum
Ipsorum numero me residere, pati:
Dum me pene fugit Latii sermonis imago,
Quæ, pro more, loqui turba Forensis amat:
Atque laborando, versus vix integer exit,
Deficiente aliquo, vel superante pede.
Sed tandem officiis cari vicere Sodales;
Quorum, non levis est gloria, jussa sequi.

B E N E D I C T O X I V P. O. M

J O S E P H U S A U R E L I U S D E J A N U A R I O

E L E G I A V I A D D I T A.

O Qui communis Pater es, qui sede resulges
 Suprema, Christi qui geris Orbe vices;
 Qui dotes animi divinis moribus oras,
 Et tibi commissas tam bene pascis oves;
 Quique tot in lucem preciosa volumina donas,
 Interitum quovis non habitura die;
 Qui cunctis prae sto es, praesertim intentior illis,
 Qui studium ingenuis Artibus omne locant;
 Excipe (nec dubito quin tu mea vota secundes)
 Excipe quas fundo, pronus in ora, preces.
 En rerum summam. Plures e conjunge Natos
 Suscepi. His recte consuluisse meum est.
 Hos inter, Clero adscitus Templisque Philippus,
 Servitio & studiis jam vacat ille sacris.
 De se profectus multo cum sanore spondet,
 Moribus, ingenio, sedulitate, fide.
 Ipse licet primos sim semper adeptus honores:
 Hisce tamen sumptu non levio re gravor.
 Hinc res est angusta mihi. Quo cepta teneri
 A Nato possit semita, quaerit opem.
 Adde, quod hic Roma sedem firmabit; & amplis,
 Ut decet, expensis par nequit esse domus.
 Ergo quaerit opem. Certe dabis. Ista benignis
 Gratia pollicitis est reperenda tuis.
 Ut primum petii, scripto responsa dedisti,
 Quae desiderii sunt nimis aqua meis.
 Sed tunc, ut posses, occasio nulla patebat:
 Nunc patet, ut monstres te potuisse, locus.

Hi-

Hilarii, Eustachiique Abbas vacat. Utere dextra
Munifica, facilis quam referare soles.
 Hoc munus Nato confer; quo, muneris usu,
Quod semel arripuit, progrediatur iter.
 Id cupio: id spero; quis enim, de Principe tanto
Qui bene non cupiat, non bene speret, erit?
 Sic longos faustosque Deus tibi protrahat annos;
Inque dies meritis vita sit aucta novis.

ELEGIA VII, ADDITA.

QUO procul a vulgo rapior? Quae flammea pectus
 Vis agitat? Rerum quæ nova forma patet?
 Quid loquar ignoro: qui sim, vix dicere tento:
Laetitia afficior: nec metus omnis abest.
 Lator, lata mihi cum sese objectet imago:
Inde metu, objecti pro novitate, premor.
 Jam cæli faciem quacumque e parte serenam
Intueor; placida sub regione moror.
 Hic leviter motis zephyrus circumvolat alis;
Hic tepidi currunt, & sine nube dies.
 Non tonat hic æther, non fulmen ab igne coruscat;
Non nive, non densa grandine terra riget.
 Sed ver perpetuum florum vestitur amictu;
Versicolor ridet fertilis herba solo.
 Quis locus hic? dixi; quisnam feliciter oras
Hæc tenet, & tantis deliciis fruitur?
 Vox subito nostras incognita fertur ad aures:
 VIRTUTUM hæc statio est. Eja age, flecte caput.
 Obstupui; & tacitus circum mea lumina volvo,
Noscendi cupidus, quis dedit ore sonos.
 F Non

Cum Argentina Caro- | mentis XIII. P. M. neptis,
 lina Turris Rezzonicæ, Cle- | sacra Clausura subiret.

Non ullum invenio; sed longe adflare Puellas
 Aspicio, atque operi consuluisse suo.
 Accedo. Oh! quantus sese mihi splendidus offert
 Adspectus, quo non gravior aliter erit!
 His supra humanam effigiem dulcissima vultus
 Gratia, caelestis sparsus ubique color;
 Vivaces oculi, laetæ duo sidera frontis;
 Atque gravis sermo, qui placet, atque monet.
 Has inter Divas operosa, intentius adsunt
 Tres numero; vigiles sedulitate pari.
 Una est VIRGINITAS, quæ lilia colligit, & quæ
 In calatibus belle disposuisse studet.
 Altera, quæ dici vult OBSERVANTIA, necit
 Vincula, purpureis vincula mixta rosis.
 Demum PAUPERTAS, gemmas quæ spernis & aurum,
 Innocua exornat simplicitate dapes.
 Hæc spectans quæro, cui nam dona ista parentur?
 Accipe respondent, cui places illa dari.
 Nota Urbi est præclara DOMUS REZZONICA, tantis
 Undique quæ titulis candecorata nitet;
 Quæ pace ac belli insignes tot jactat alumnos,
 Quorum fama Italiam spargitur historiis.
 Hæc inter spes ingentes, sub flore juvenæ,
 Non homini, sed amat se sociare Deo:
 Illecebras Mundi, pompas contemnit inanes;
 Æternas tantum præmeditatur opes.
 Jam Claustrum ingreditur: jamque implent atria voces
 Aligerum: jam pax in grænio residet.
 Nos hæc, parva licet, sed dona optata Puellæ
 Sistimus. Illa fugit grandia, parva cupit.
 Parvo perficitur mortalis vita; sed inde
 Mercedem ingentem vita futura capit.
 His dictis, abeunt oculis spectacula: quovis
 Tempore, dilabi non ea mente sinam.
 Nunc tecum ex animo, GENITOR clarissime, lator,
 Quod tanta liceat te modo sorte frui.
 Magna geris: spondes gestis majora; sed ista
 Præ reliquis fors est, TE PATRE, digna magis.

Quod

*Quod geris, externo repetis præconia plausu;
Gaudia fors isthæc interiora parit.
Gaude ter felix, gaude, quod, munere Divum,
Egregiam luci protuleris Sobolem;
Qua vitat dubias, & septas mille periclis,
Ac tutas avide curat adire vias.
Illa preces Cælo fundet, quo longius annos
Pro Patria atque tui prosperitate trahas.
Atque novos, merito acceptis tot honoribus addas,
Quæis supra invidiam floreat aucta DOMUS.*

ELEGIA VIII.*

NOSTRA hæc, Menkeni, tibi reddit Epistola grates,
Reddere quas præsens fufius ipse velim;
Inclute Menkeni, noſtri lux splendida ſæcli,
Nate inſtaurandis Artibus ingenuis.
Sed parcas, ſi ſim reddendis gratibus impar:
Qui multum debet, ſolvit & ille parum:
Maxima ſunt odio benefacta obnoxia, quando
Victus quis nequeat par tribuiſſe pari.
Hæc eſt conditio noſtri miſeranda pudoris,
Quod ſæpe ingrati ſubſtinet ille notam.
Hoc tamen, hoc ipſum vultu merente fateri,
Efficit, ut videar demeruiſſe minus.
Culpatur nolens; non eſt culpabilis impor:
Hic veniâ dignus; criminis ille reus.
Et ſane, quo non teneor tibi nomine! Quantum
Conaris fama conſuluiſſe mea!
Vix Jurifconſultorum Reſpublica noſtra
Prodiit, & patrios illa reliquit agros;
Italiam egreſſa eſt; medias perirantiſſit Alpes;
Venit & ad ſedeſ, Lipſiæ docta, tuas:

F 2

Ibat

* Cl. V. Friderico Ottoni Menkenio Auſtor reſcribit.

Ibat inops meriti, timida ac pudibunda; patronos
 Querebat, fato non bene tuta suo:
 Deficere hos metuit, qui sint laudare parati;
 Non defecturos, qui laniare student:
 Conscia, quo vitio plures, de more, labarent;
 Qui, spreis aliis, se superesse putant.
 Sed tales inter dum pergeret acta timores
 Pene inspiranti dulce levamen adest.
 Te felix reperit: tu humanius excipis illam;
 Illam nec tristem, plus latitare sinis.
 Et, quod non meruit, curas, ut splendeat inter
 Germanos, vestris illa recusa typis.
 Multum ibi praefaris mecum; & sermone decoro
 Praconem ostendis nominis esse mei.
 Ingenium extollis: caperis novitate; poesi
 Alliceris: gaudes iudicioque gravi.
 Nostraque diligitur nimium Respublica; & illud
 Qui veniunt, sacrum credis adire locum;
 Inque hortos Venerum, atque ipsa in consortia Divum
 Admitti, censes, deliciisque frui.
 Atque horum, per quos Legum Sapientia culta est,
 Colloquiis aures dulce beare suas.
 Dein dulces aperis non ficto pectore sensus;
 Quos mea nescio quo nectare corda trahis.
 Me dicis (dictum quam suave!) tenerrime amare:
 O utinam hoc verè dignus amore forem!
 Meque videre cupis, propiusque agnoscere, vultus;
 Et laudes nostro fundere in ore tuas.
 Cumque novos libros potius percurrier a te,
 Affirmes, quam cum sedatitate legi;
 Seu quia multoties sit lectio inutilis horum;
 Sen. quia sistere in his te graviora vetent;
 Non ita de nostro. Cum vix acceperis illum,
 Inquis, mirifice te rapuisse statim:
 Harens fixus in hoc, non tam legisse, sateris,
 Quam desiderio cuncta vorasse tuo.
 Non es diffusus, te continuare legendo
 Perpetuas noctes, perpetuosque dies.

Quod.

Quodque semel lectum est, relegis sic terque lubenter ;
 Nec fugit ulla dies, quo nihil ipse legas.
 Ah! nimium-abruperis quodam ferventius æstro :
 Debitus haud certe est hio mihi tantus honos.
 In me quæ spectas, ea te feliciter ornant :
 Quæ tua sunt mentis lumina, nostrâ facis.
 Atque tuis radiis videor clarescere : dives
 Credor, divitiis non tamen ipse meis :
 Non secus ac nubes adverso sole coruscans,
 Luce carens, solis luce superba, micat.
 Tu colere, ac valide defendere Palladis artes,
 Et contra ignaros, & rude vulgus amas :
 Totque Opera egregia, & sati victura furorem,
 Longa posse frui posteritate dabunt :
 Quæque tibi faciles veniunt ad plectra Camænæ,
 Intexunt sacris laurea ferta comis :
 Nostraque præsertim Jurisprudencia debet
 Virtuti, quod sit splendida facta, tuæ.
 Tu sordes aufers, quibus obscurata jacebat,
 Contendens decori restituisse suo :
 Et quicquid scriptum est, purgato examine librans,
 Docte, quæ bona sunt, quæ vitiosa, vides :
 Atque ipsos (Patriæ neglecto prorsus amore)
 Germanos, siqui non valere, notas ;
 Deposito livore, Italos tot honoribus auges,
 Quos commendandos Juris in Arte putas.
 In te judicium nulla re flectitur : in te
 Est veri potior, quam regionis amor.
 Quam rarum exemplum, sola ratione moveri ;
 Dumtaxat meritum pendere lance pari !
 Hinc non solus ego, verum gens nostra superbit,
 Quas late cumulas, laudibus innumeris.
 Nec grates a me tantum, sed rectius omni
 Præstat ab Italia, quæ celebratur, agi.
 Atque tibi fas est monumentum extollere : nostris
 Mænckenium fastis inseruisse juvat.
 Ut, quæ nunc per te quasita est gloria nobis,
 Integra in auctorem sit reditura suum.

*Hæc scripsi ; & doleo , quod non , ut scribere vellem ,
 Proxus te digno sint ea scripta stilo .
 Nec modo scripisssem , nisi te lasisse viderer ;
 Et saltem hæc , quamvis sint minus apta , darem .
 Passus sum , nec enim mea forsân opinio fallit ,
 Desficere ingenio , non tamen officio .
 Perge ergo , ut bene capisti : tua gloria crescat
 In majus , meritis semper adaucta novis :
 Quod gestum est , aliis est conjectura gerendis ;
 Par tibi , quod gestum est , quodve geretur , erit .
 At quia laudari dignis laus ipsa molesta est ,
 In te laudando non moror ipse diu .
 Vive tibi , ac potius votis communibus , & sis ,
 Ut memor ipse tui , sic memor ipse mei :
 Et quia nos tanto celo disjungimur , ambo
 Saltem conjuncti simus amore . Vale .*

E L E G I A IX. *

EGREGH doctique Viri , qui scribitis Acta
 Horum , qui studiis ingenioque valent ;
 Et famam Auctorum mensura penditis aqua ,
 Censores meriti , quod sibi quisque parat .
 Nosteo , quod fusc nobis tumuletis honores ,
 Et quanti nostrum vos faciatis Opus ;
 Quo plausu exiurrat Respublica nostra per Orbem ,
 Judicio vestro nobilitata nimis ;
 Ut quasita avide , ut laudata superbiat ; utque
 Latetur fato se superesse suo .
 Haud erat hæc merces speranda laboribus : haud hæc
 Debita futilibus , gloria rebus erat .
 Sat fuerat , misere si non jaruisset in umbra ,
 Nec stare tacito pulverulenta situ .

Sat

* Ad Clarissimos Viros , | conscribunt , Auctoris Episto-
 qui Acta Eruditorum Lipsiæ | la .

*Sat fuerat, si quis nostris ignosceret ausis,
 Et facile mendis parceret ille meis.
 Nunc desiderio major fortuna paratur;
 Sub vestra quovis tempore tuta fide.
 Nostrum venturo nomen memorabitur aeo;
 Atque ultra patrios pervolabit agros.
 Hæc vestris cerne referenda est gratia Scriptis,
 Quorum ope, post mortem non moriturus ero;
 Nec nostros cineres invisere negliget hospes;
 Nec maneam Elysia vilior umbra domo.
 O mihi sufficerent tales in pectore virgæ,
 Ut possem grates reddere laude pari:
 Quam sese ingenium diffunderet ubere vena,
 Ne foret obsequii, quale meretis, inops.
 Sed spectate animum, si vox me deficit: ille
 Quos condit sensus, hæc aperire nequit.
 Velle & posse simul raro conjungitur. Ergo
 Si non posse datur, sit voluisse satis.*

ELEGIA X.*

QUOD legis, & laudas nostrum, LUDOVICE, libellum,
 Summus amor tuus hic, fors quoque summa mea est:
 Alter nil minuit decoris tibi; sed mihi multum
 Altera, quo possim latuisse, parit:
 Et secum placide pugnant, & suaviter obstant
 Plausus cum nostra debilitate tui.
 Hoc ego non merui, cui dos pauperrima mentis,
 Et cui doctrina suppetit arcta penus:
 Hoc tu non debes, studiis qui grandibus addis
 Ingenium, & fama splendidior nites:
 Quodque magis miror; solida, non laude fugaci,
 Hasce leves nugas tollis ad astra meas,

F 4

Cum

* Cl. V. Ludovico Antonio Muratorio Auctor respondet.

Cam tibi nos non sis, quem laudas fallere, dicam,
 Quod tuus erga me, te modo fallat amor;
 Purus amor, non ore tenus, sed pectore ab imo
 Natus, adulandi suspicione carens.
 Nosco, quod hac facili Sapientes indole gaudent:
 Quippe opera alterius, quam sua, pluris habent.
 Tu mihi doctrine fontes, tu mentis acumen,
 Rerum delectum, judiciumque probas;
 Amplos Græcorum ritus, ritusque Latinos,
 Scriptorumque, inquis, me meliora sequi:
 Ob lingua cultum veneresque, Terentius alter,
 Judicæ te, videor, Plautus & alter ego:
 Et videor, te teste, Propertius, atque Catullus,
 Dum metro adstrictos dat mea Musa sonos:
 Tantaque complecti primis juvenilibus annis,
 Dum reliqui incipiunt, me potuisse stupet:
 Tum spondes, de me dicturum plurima, quando
 Perficies Juris, quod meditaris, opus;
 Hic ubi defectus tanta monstraveris Artis,
 Vitet ut incolumis dira pericla Themis.
 His tu me velles sociare laboribus; & me
 Consulere, ac mecum fundere colloquia.
 Ah! præter meritum nostra in præconia serves;
 Et fama nostra satque superque faves.
 Nunc ego non reddam grates, quas ipse repellis;
 Quæis ego reddendis non satis esse queam.
 Hortor dumtaxat, summis & viribus hortor,
 Hoc ne Juris Opus deferuisse velis.
 Prosequere, atque unus par es, nulloque sodalis
 Auxilio, quo sis magna daturus, eges;
 Atque meo certe multo minus; omnibus expers
 Cum sim luminibus, jam tibi sorte datis..
 Sic plenis fiet testatum plausibus Orbi,
 Hanc quoque materiem non latuisse tibi:
 Totque argumentis, quæis tu celebraris ubique,
 Hoc addes reliquis nobilitate pari;
 Ut faustis avibus videaris ad omnia natus;
 Nec pro communi dignus obire bono.

Ergo

Ergo vive diu, ne quæ, te sospite, florent
 Artes ingenuæ, te, moriente, cadant.
 Non erit Italia venturo gloria seculo
 Egregie scriptis interitura tuis;
 Quin decus huic ingens, quod barbara sustulit ætas,
 Fenore tu posthac uberiore dabis;
 Ut nequeant feri damnum lugere nepotes,
 Quod nostri, adversa sorte, tulere patres.

G E N E T H L I A C O N . *

Fama tubas, Fortuna rotam, Victoria palmas,
 Casariam Livor, Mars lauros, ægida Pallas
 INFANTI Austriaco submitte. Scilicet ingens
 Imperio, Populis, Fidei, Regnantibus, Orbi
 Exoritur Column, Spes surgit, nascitur Heros.
 Gratulor, innumerosque animo, immensosque triumphos
 Concipere aggredior. Novus o, novus ecce redibit
 Alcides, Thracum qui barbara signa fugabit,
 Bistonique ferox infriget cornua Luna.
 Pax, Itali. Pax, Hispani. Pax, Teutones. Ille,
 Quem prece, quem lacrimis, quem votis quisque tot annos
 Exoptabat, adest; geminus cui sceptra resignet
 Orbis, & angustos cui sistat Gloria fasces,
 Pieridum nunc plectra juvant: nunc laurea fronti
 Serta placent: nunc Aonios lustrare recessus,
 Atque Aganippæos haurire licentius amnes.
 Fert animus. Vos este duces, sacra Numina Pindi,
 Fatidicumque æstrum Vati inspirete canenti;
 Atque pares oneri vires concedite. Fas est

Tot

* LÉOPOLDI, Imper. CA. | nunc addita, prima juventute
 ROLI VI filii. | protulit clarissimus Auctor.
 Genethliaca hæc Carmina,

Tot pompis pompas, tot plausibus addere plausus,
 Atque triumphalem capiti petere inde coronam.
 Huc Anima Austriadum, Divum genus, addita calo
 Sidera, tantisper, precor o, properate. Nepotem
 Inspicite, & Pueri nascentem addiscite famam.
 Credite (nec vano referam presagia cantu)
 Regnando felix, pugnando fortis, amando
 Unicus in populos Infans erit. Inclyta vultum
 Majestas, Pietas animum, Clementia pectus
 Ornabit, grandesque heroum aquabit honores.
 Fallimur o! aquare, parum est: superabit; & unus,
 Quod nullus potuit, fieri potuisse, docebit.
 Tot quoque Virtutis dabit hic insignia, ut Orbis
 Mirari sciat hec, imitari nesciat; & se
 Pene laborantem tantis putes ille tropæis.
 Quin plures referet LEOPOLDUS ab hoste triumphos,
 Quam desiderio quisquam numeraverit. Aulam
 Spernet, & ad palmas, ad bella, ad grandia cursum,
 Auspice Vi, duce Spe, Fortuna teste, parabit.
 Arguet atatem Virtus, que crescet inertes
 Indignata moras, pinus velut, alia; nec illam
 Pro se, pro Populis, pro Religione pudebit
 Saxa triumphali sudore inscribere, quem nec
 Cæsar in Æthiopia, nec in Alpibus Annibal, ingens
 Quam nec in Hispanis Pompejus sparserat oris.
 Et cum tempus erit, cunas pertusus, in hostes
 Irruet, angustis calcando passibus urbes:
 Ut solet in campis Aquila imperterrita, qua dum
 Pendentes collo plumas videt, evolat; aure
 Expandens alas, nidique oblita, retorto
 Ungue, animo impavido, rostroque armata rapaci,
 Regina aligeram, Jovis armiger, amula solis
 Bella insert, movet arma, ciet per inane tumultus.
 Huic etiam Belgique iuges, fortesque Sicambri,
 Thraces huic etiam, huic etiam submittere Mauri
 Gaudébunt fasces; huic conspirabitis uni
 Auspiciis Calvon, centenis Gloria linguis,
 Obsequiis Populi, repentiis laudibus Hostes.

Hæc

Hæc ego vaticinor ; nec me mea fallit imago .
 Frons elata , oculi vigiles , mens ardua , vultus
 Bellicus , excelsum caput , insuperabile pectus
 Hæc quoque testantur : qualis dum planta recentis
 Stipite prosiluit , si condecorata virefeit
 Frondibus , arbor erit , nimis imperiosa ; furentes
 Contemniunt notos , & duratura procellis .
 Altera , sed longe major , stat gloria Nato ,
 Quod talem Calo Patrem sortitus ab alto est ,
 Qui nunc mendaci Sortis non indiget aura ,
 Major at emineat , nam maximus eminet ; & quæ
 Victor hyperboreas madefecit sanguine cautes ;
 Quique brevi vitæ cursu sub fræna redegit
 Parthosque , Thracesque , immanesque Gelonos ,
 Et quos exoriens , & quos videt occidens sol ,
 Quos præceps boreas , sævus quos continet austro .
 Quo duce , barbarica devicta superbia gentis
 Fleuit , Sarmaticæque fugam arripuere phalanges .
 Nunc totus spirat Puer hic in imagine ; utrique
 Par virtus , par frontis honos , par gratia vultus ;
 Quod nisi sit dispar atas Natoque , Patrique ;
 Quisque Patrem in Nato , vel Natum in Patre videret .
 Sic est . Degenerem nequeunt educere fatum
 Regales Aquilæ . Fortes e fortibus ortum
 Jure trahunt , talem semper fulgescere natum
 Posteritas vidit , qualem mirata parentem est .
 Cresce , Infans , cresce ad plausus . Meditare triumphos
 In cunis imbellis adhuc ; accingere dextram
 Ad Fidei palmas , & Romæ intexere coronas .
 Nasceris , Europa tantis dum Regna querelis
 Hoc præsens sæculum flent desolata , ruinis
 Oppressa innumeris , & toto squalida vultu .
 Nasceris , insolito dum Thrax furialia ductu
 In nos bella movet , flatuque animata superbo
 Cornua perstringunt nostras clangoribus aures .
 Tu tamen haud timeas , sed contra surge : feroces
 Sterne hostes , firma pacem , submitte rebelles ;
 Splendidæque ullorem spirent tua lumina Martem ,

Ejice

Ejice fasciolas, qua nectunt brachia, seruos
 Sublatura enses, & bellica munera, lauros:
 I, peie palmiferos Aquilis victivibus agros,
 Inclyta sublimi qua vertice surgit Idume.
 Hanc debellabis; tua te nam suta reservant
 Everforem Asia, defensoremque potentis
 Imberii. Spero Syriam labentibus annis,
 His oculis, his, inquam, oculis, spectare subactam,
 Vindice te, spero Odrysias nostro ense cohortes
 Exanimis cadere, & te, te celebrare cadendo.
 Sed quid non sperem tanto sub Principe? Quis te
 Non hostem timeat, vel non exoptet amicum?
 Namque animi dotes, & inexpugnabile robur,
 Et mentem, & dextram Tagus audiet; audiet Ister,
 Ister aquis tumidus, madidisque superbus arenis;
 Audiet Euphrates, adductis audiet undis
 Sequana; & insueto venientia secula plausu
 Undique certatim cali ad fastigia tollent.
 Sed quid plura? Tuis vis subdere fascibus Orbem?
 Non secus ac aliter CAROLUS, Vade, Vince, Triumphas.
 Interea, o Venerum Urbs fortunatissima, tantis
 Usque adeo laudum, titulis celebrata per Orbem,
 Eja age, prateritas tandem dedisce querelas
 Latio, & victrix ad pompas instrue vultum.
 Que mora? que requies? Voti jam compos, ovantes
 Exfere, quos animus dudum fovet, exfere fastus..
 En novus Austriaca LEOPOLDUS ludit in aula
 Parvulus. Hic erit o decus, & insula tuorum.
 Auspice quo pugnare, quid est, nisi vincere? Felix
 Pugna ergo, & vinctes. Tuus imperterritus ensis
 Hostiles turmas, inimicaque castra repellet,
 Plurimaque Adriaco subjunget sceptras Leoni.
 Sed dum fausta dies, nitidis invecita quadrigis
 Fulgurat, & referunt aureos secla aurea cursus,
 Ne sua letitiæ desint spectacula, surgat,
 Haud mora, surgat ovans, excelsior Appennino,
 Pulcra, angusta, ingens moles, quæ dividat auras,
 Et tractus ultra aethereos, ultra alitis euri

Assur-

*Adfurgat sedes, fastuque elata tumentis,
 Alta coronatum caput inter nubila condat;
 Necnon marmoreis sit circumducta figuris,
 Mygdoniaque basim centum de more columnæ
 Condecorent. Vertex contradistinctus opimo
 Fulgeat ornatu, simul interjecta smaragdus
 Omnia sublimis niteant latera inclita molis.
 Insuper illustres posita spectentur ubique
 Heroum effigies; grandi quos Austria partu
 Pro cultu & Fidei pro libertate creavit.
 Atque hinc, atque illinc picti videantur in unum
 Capti hostes, attriti enses, fracta arma, rebelles
 Devicti, & multo rorantes sanguine fascēs,
 Austriadum insignis monumenta insignia famæ.
 Parte alia lauri, diademata, sceptrā, coronæ,
 Sudoris merces, & debita dona laborum.
 In medio CAROLUS, vultu gravis, undique gemmis,
 Undique Idumæis præcinctus tempora palmis,
 Sistat equo: cæsu Aligerum comitata, superne
 Splendeat alma Fides, viridi circumdata palla.
 Sub pedibus, discissa genas fleat Hæresis, altos
 E corde erumpens quæstus, cui Fama minetur
 Excidium, strages, incendia, damna, ruinas.
 Præterea amplexu soveat, sua pignora, Natum
 CAROLUS Austriades: subter dehinc Gloria, vultum,
 Atque oculos demissa, notis hoc exaret aureis:
 PROLE PATER, PROLES PATRE GAUDEAT, ORBIS UTROQUE.*

EGLO.

E C L O G A I. *

Thyrsis, Daphnis, & Thyrsus.

THYRSIS amor Dryadum, silvarum gratia Daphnis;
 Ille ovium custos, uvarum vinitor ille;
 Ambo florentes annis, & Teutones ambo
 Convenere, hylares vultu, qua saepe susurrant.
 Muscosi fontes, & mollior eminet umbra,
 Pampineique virent colles, & plurima ciseum
 Myrtus odoratas pandit per gramina frondes.
 Alter in alterius facie centum oscula figit;
 Atque alternatim sua gaudia promit uterque.

THYRS. Lædimur, an vigilo? Non ludimur, undique cerno
 Antra, lacus, silvas, arbuscula, cacumina, montes.
 Ergo suas Natura vices mutavit. In hortis
 Lætitique, jocique, & pompæ, & gaudia regnant.
 Limpida subsultat saxi aqua, limpida serpit
 Unda per herbosas festivo murmure ripas.
 Ficedula, passer, turdi, meruleque, palumbesque,
 Ipse etiam suttur, sturnus, philomela, coturnix
 Percurrunt celeri ridentia prata volatu;
 Et loca, quæ circum spectas, concentibus implent.
 Narcissi gaudent, viola, salices, hyacinthi,
 Liliaque, tulipaque, & odoro germine calthe.
 Miror; sed, mentis ni me sententia fallit,
 Natalem Austriaci celebrant hæc arva PUELLI.

DAPH. Hoc equidem est, nullus dubio locus. Adde, quod omnes
 Exercent choreas labenti Najaides unda;
 Fluminaque insueto spumant pulsata natatu.
 Cornipedes Satyri sonitum per compita reddunt,
 Et per inaccesse declivia culmina rupis
 Cum damis agni saltant, agnisque capella.

THYRS.

* Idem argumentum.

THYRS. O felix ager, o felix cum Daphnide Thyrsis.

DAPH. Ite coronati, circummemus, ite iuveni:

Linguite oves, pueri, date plausus, fundite cantus.

THYRS. Nunc Cereri flores, nunc Baccho cacuba, Phæbo
Nunc fas accensis altaria sistere tadis.

DAPH. Currite, vos omnes nuptia innuptaque puella,
Currite: terra gradu nunc nunc pulsanda solato est.

THYRS. Quis tamen huc properat? Ni fallor, Tityrus hic est:

DAPH. Tityrus est: facies, habitus, color indicat. At nunc
Flectit ner, sua tecta petens: mora nulla: vocemur.

THYRS. Ipse vocem; mea vox melior. Quo, Tityre, pergis?
Tityre, ne fugias, ad nos accede, precamur.

TITYR. Haud fugiam, o iuvenes, ad vos accedo; quid ultra
Queritis? Hoc forsas vas lactis? Sumite; vestrum est.

DAPH. Vana putas: tibi habe vas lactis, amice. Rogamus,
Ut paullo nobis narres ex ordine cuncta,
Que tu cum sociis vidisti nuper in urbe.

TIT. Hoc tantum? Sedeatis: agam quod poscitis. Ut nos
Pulsantes dextra cytharam pervenimus urbem,
Obstupui; video non umquam visa. Superbe
Hinc statua surgunt, illinc descehitur arcus;
Hæc via sparsa vosis, illæ via splendida flammis;
Passim pyramides, et marmorei obelisci;
Passim magnifici fontes, atque atria multis
Interjecta jocis. Redivivo prædita fastu
Regia tota micat: mihi credite: certat Olympo.

THYR. O Daphni, haud ultra teneat nos campus. Ad urbem
Ibimus, obstabit quamvis pater, ibimus ambo.

TIT. Sed nihil ista, scivete animis, majora supersunt.
Templum augustum, ingens, magna comitante caterva,
Ingredior. Jacet hic pura cum veste Sacerdos,
Qui Pueri regale caput lustralibus undis
Abluit. O quantus splendet Puer! Undique gentes
Suspense mirantur: eunt, redeuntque: videndo
Atque bis, atque iterum, numquam saturata manet mens.
Namque olli candor per pectora fulgurat, olli
Forma nitens, os suave, hilaris gena, lactea cervix
Ridet io: Pietas, Majestas, Gratia, Virtus

Regnat

Regnat in ore; micant veluti, duo lumina, soles;
 Non sic in pratis vernat rosa, lilia non sic
 Picta colorato ferta inter florea luxu.
 Oslendunt virides candenti vertice pompas;
 Ut Puer hic populos inter fulgebit, avitos
 Tam bene magnanima referens in imagine vultus.

DAPH. Lator io, nimium lator, plausuque salit cor:

THYR. Gratulor o, tristes abeunt de pectore cura.

TIT. Sed medium Phœbus jam nunc pervenit ad axem.

Daphni vale, vale Thyrsi. Domum peto: vultis & illam.
 Incolere, o juvenes? Hac mecum incedite: molles
 Adspirant aura, calo fulgentie: venite.

E C L O G A II.*

Corydon, & Mycon, Piscatores.

COR. CARE Mycon, dilecto puer, pulcherrime rerum,
 Ah! quid agam sine te? Cur semper in urbe moraris?
 Cur dulces hamos, & retia dulcia linqvis?
 Dum mane hinc propèras, ipsi te pascere colles,
 Ipsi te fontes, ipsa hæc vada falsa vocare.

MYC. O Corydon, Corydon, mea spes, mea cura, meum cor,
 Me cives tenuere jocis, tenuere canoro
 Murmure: me plausus, me gaudia, me quoque risus
 (Crede mihi, nam vera loquor) rapuere: nec unquam
 Hunc scopulum peterem, nisi te liquisse putarem.

CORYD. Nunc age latitæ causam mihi pande; doceri
 Hanc cupio, ut pompas pompis communibus addam.

MYC. Mi Corydon, disces ab origine cuncta; sed ante
 Ad pelagi litus, viridi sedeamus in alga,
 Dum lenes regnant cauri, zephyrique salubres;

Atque

* Idem argumentum.

Atque susurrando placidum mare lambit arenas.

COR. Tu sedeas, quia lassus: ego bene: dicito, jam nox
Advenit, ecce cadunt nostris de rupibus umbra.

MYC. Postquam ego discessi, per Olympica litora gressus
Dirigo; dehinc Megaren lustro; prope Regia tectâ
Sisto libens, animo vendendi avulsa recente
Ostrea, tellinas, lepadas, coeleas, & echinos.

Hic ego turmatim video increbrescere vulgus;
Nobiliumque etiam chorus additur; aera plausu,
Atque triumphali complens spatia ampla boatu.

Aspicio sparsos flores per compita; fontes
Atque hinc, atque illinc erumpere; lumina passim;
Pessim assurgentes augustis molibus arcus:

Templorum ante fores, perque ipsa palatia, magni
Cæsaris effigies, necnon uxoris Elisa

Ingenti luxu picta spectantur ubique.

Interea repetita dabant tormenta fragorem,
Implebantque urbem crebris rumoribus arces.

Hujus ego ignarus, quemdam voco: Nunc age, dixi,
Cur hylares vultu promant tot gaudia cives,
Edoceas. Tunc ille, puer stultissime, nescis?

Dicitur, Austriaco Puerum de sanguine natum.

COR. Natum? Dic melius: dic rursus: dic cito: natum?

MYC. O Corydon, num surdus? At hac repetita juvabunt;

Dicitur Austriaco Puerum de sanguine natum.

COR. O quam lata refers, o quam gratissima. Felix

Piscator, calo posthac videbis aprico,

Et stabis placidas cantando tutus ad undas:

Non ultra-tristes hyades, non saevus orion,

Atque procellosi turbabunt otia nimbi.

Navita securum securior ipse per aquor

Vela dabit, letusque petet sine renige portum.

Sponte sua venient pisces ad retia: sponte

Prædonum numquam cursabunt aquora lembi.

Sed quid multa, puer? Viden ut loca proxima propter

Nesidos scopulum, Prochyta latus, Ænariamque

Personet insolitis per litora plausibus echo.

Glauci, Tritones, Phorci, Nereides omnes

G

Ni-

Nisæ, Tethis, Melite, Panopæaque Virgo,
 Et saltant, & plectra movent, & carmina dicunt.
 Mergellina vires, subsiliat Pausilypi mons,
 Crispantur fluctus, aer micat, omnia vident,
 Mullique, cuculique, atque ipsi extollere sauri
 Festivam gaudent sinuoso e gurgite fromem.
 Cras ego; litoribus sol postquam surget cois,
 Virginis accedam templo, quod monte sub isto,
 Hoc nostrum propter litus consurgit: ibi alias
 Effundam grates, & nigra corallia sistam,
 Plurimaque adducam pleno canchilia succo.
 Austriacum interea celebremus arundine Natum,
 Ut nostri pateat monumentum, & pignus amoris.

MYC. Lucipe tu major Corydon, sequar ipse canentem.
 COR. O honor Italia, Regum genus, inclytus Infans;
 MYC. O amor Hesperia, belli decus, inclytus Heros;
 COR. Tu Rex, tu Caesar, tu rector maximus Orbis;
 MYC. Tu Mars, tu fulmen, tu terror maximus hostis;
 COR. Stopta manus decorent, sceperis dominaberis Orbis;
 MYC. Arma manus ornent, armis submiseris Orbem;
 COR. Regna, regnando attolles trans æthera nomen.
 MYC. Pugna, pugnando attolles trans sidera famam.
 COR. O Piscatores nunc nunc celerate sonando;
 MYC. O fortunati jam jam properate canendo;
 COR. Ære placet, juvat ære sonare: sonabitis omnes.
 MYC. Voce decet cantare: io cantabitis omnes;
 COR. Vos unda sonitu, sonitu vos marmora discant;
 MYC. Vos fluctus cantu; cantu vos æquora noscant;
 COR. Nunc vacat o, cythara modulabor letus in umbra;
 MYC. Nunc licet o, cymba percurram sæstus in unda.
 COR. Sat cecini: cum tempus erit, majora canemus.
 Nox properat; tua clamar anus, ni fallor: eamus.

E C L O G A III.*

MYLCON, ET MOPSUS.

AD Melita vitreas Mylcon confederat undas
 Piscator; zephyrosque leves, & amabilis ocs
 Captabat vacuus placido solatia cantu;
 Muscus ubi vivo de pumice spirat odorem,
 Et mites venti strepitum per mane loquaci
 Inter se belle ludunt; atque ipsa jocose
 Lympha furens, lambit virides nitidissima ripas:
 Ac vicinus ubi mons luxuriantibus uvis
 Vestitur, platanusque apricas commodat umbras,
 Queis tremula aspectu vario depingitur unda.
 Ille suos auris hic commendabat amores;
 Et qua servet amans, dulci languebat ab ira:
 Olli prarupta rupes, scopulique sonantes
 Acceptas socio reddebant murmure voces.

Interea celeri sulcabat remige pontum
 Mopsus, perque fretum nudus sudabat agendo
 Magna vi cymbam; qui vix, Mylcone reviso,
 O Mylcon, Mylcon, iterumque iterumque vocabat:
 Postea cum litus tenuit; te quarimus, inquit,
 O Mylcon, anima Mylcon pars altera nostra.

MYL. Quid poscis, quis esse parem me rebus agendis,
 Mopse, putas? adsum, jubeas, ubicumque necesse est
 Omnem suscipiam tecum comitante laborem.
 At modo quid cause est, cur has perducas ad undas,
 Insolitum læto risum portendis in ore?
 Pande, quid hoc sibi vult: cerre, ni fallimur, offers
 Huc aliquid tu forte novi, quod gratius aures
 Accipient: an rem propius tetigisse videbor?

MOPS. O si tu; mancant que nos modo gaudia, scires;

G 2

O in-

* Dum Princeps Antonius | Sacre Religionis Hierosoly-
 Emanuel de Vilhena, Magnus | mitane Magister eligitur.

O inquam, si tu scires, mille oscula, mille
 Amplexus sine fine dares; similesque furentis
 Nunc hac, nunc illac sine lege, sine ordine, Mylcon,
 Saltares, caneres, impleres omnia plausu.

MYL. Dic mihi, Mopsæ, oro, totis conatibus oro,
 Haud mora, lætitiæ cunctas ab origine causas.

MOPS. Ille Heros (hunc nonne tenes?) ille inclytus Heros
 Cui nomen . . . Sed non sat nominis ipse recorder;
 Et labiis habui nuper primoribus illud:

Quantum non meminisse dolet! sed siste parumper,
 Fac, dextra fronti apposita, meditantis ad instar,
 In mentem hoc revocetur . . . at at jam suppetit: Ille
 Emanuel, fama insignis, rebusque petactis,
 Quem sæpe audieras referentem ex hostie triumphos,
 Et morosa ornantem victricia tempora lauro;
 Ille est, ille inquam (sic tota accepimus Urbe)
 Tot tantosque Viros inter, qui temperet unus
 Hanc Urbem lectus, nostrum tueatur & aquor:
 Hic bene nos sperare jubet; felicia spondet
 Tempora, non umquam tristi turbanda dolore.

MYL. O piscatores socii, seponite curas;
 Huc, properate: O quam latus desertur ab Urbe
 Nuncius: ad Calum geminas extollite palmas:
 Reddite Calicibus grates: cursabimus undas
 Non ultra timidi; quique has crudelius oras
 Insidet, jam nullus erit. Pax lata vigebit
 Litoribus nostris: Solus vim sentiat hostis,
 Qui colit Odyssias injustis vitibus aras.
 Ploret & infidum devicta superbia Thracum:
 Et Crux, spreta prius, Soliis exalta sub aliis
 Fulgeat; atque Ducum nitido decus augeat ostro;
 Rursus & a toto victrix, Oriente subatto,
 Excipiat cultum, & prisco se reddat honori;
 Ac libertati sese sacra Numinis Urna
 Restituat, Syrias parique nec lustret arenas
 Tristis ab extrema veniens regione viator,
 Cava Dei visurus ibi vestigia mortis:
 Sed nos quid cessamus adhuc? Cur promere cantus

Non

*Non liceat, laudesque Viri percurrere? ut aquor
Emanuel discat tractus resonare per omnes;
Nomine & a tanto percussa superbiat aura.*

MOPS. *O utinam, Myleon, non impar viribus esset
Hoc opus. Anne decet tenui cecinisse camæna,
Quem non ipse quidem posset crinitus Apollo?
At nos vix miseri sarcire hæc retia docti,
Moribus imbuti piscantum, atque arte natandi,
Queis cultus nativus abest, ac gratia dictis,
Verbaque ab ore fluunt nullo condita lepore,
In medium, dic, quos cantus proferre valeamus?*

MYL. *Mopse, metu parcas: non is sibi grandia poscit.
Exiguus in rebus inest sua sepe voluptas:
Et quo simplicius, tanto est optatius illi
Carmen; & hos nostros non dedignatur honores.*

MOPS. *Vera putas, Myleon; sed cras meditata canemus,
Et meliora. Domum, sole inclinante, vocamur:
Hic ubi me cari cara cum conjuge Nati,
Apposita parvis dapibus jam paupere mensa,
Jejuni expectant foribus, vacuæque morantem
Frustrant ventrem famem; patrio proin ductus amore,
Consulere his studeo. Verum cum cinger ab illis,
Ad mensam de more sedens, hæc inter edendum
Narrabo: tum quisque meo pendebit ab ore.
Prandia majori gustans aspersa sapore.*

MYL. *Hic cras te expecto: quovis, non immeror, ito.*

EPIGRAMMA I.*

INGREDERE hoc Templum, Deus cui præsidet Ales,
CAROLE, festiva nunc redeunte die.

Ille

* Rex noster Carolus | Spiritus Sancti, ejus die fe-
Borbonius adit Templum | so.

*Ille tuus dux est, medio quem pectore gestas:
 Hoc duce, bella geres; hoc duce, victor eris.
 Nec Siren tantum, te Rege, superbiat; ultra
 Grandis extendes Nomen & Imperium.*

FESTIVORUM APPARATUUM, ET NUNDINA-
 RUM, QUÆ NEAPOLI DIVERSIS TEMPO-
 RIBUS SUNT ACTÆ, INSCRIPTIONES

• EPIGRAMMA II. *

HÆC nova prateritis addit spectacula Siren;
 Quo fauste celebret Regia vincla thori.
*Quævis materia, quævis nitet arte supellex;
 Sparsa alibi, hoc uno tota coacta loco est.
 Inclyte Rex, & par Regi, lectissima Conjux,
 Pascite in hoc rerum lumina vestra situ.
 Nunc damus hæc: dabimus majora, faventibus astris:
 Altera cum genitrix, cum pater alter erit.*

EPIGRAMMA III. **

HOC varia expositum vendenda merce Theatrum;
 Lætitie, & Pacis premia cara notat.
*Arma jacent: Tormenta silent: dominantur Amores;
 Jam Sponsus Rex est: Belliger ante fuit.
 Nunc transacta placent sub Marte pericla, labores;
 Dum festivus Hymen patria tellus beat.
 Hæc duo firmandis conducunt Numina Regnis:
 Regna parat Mavors; Regnate servat Hymen.*

EPI-

<p>* In Arcu dextero Fori, ubi institutæ sunt Nundinae Neapoli, apud Castrum no- vum, ob Nuptias ejusdem</p>	<p>Regis nostri Caroli Borbonii cum Maria Amalia Wal- burga. ** In Arcu opposito.</p>
---	--

EPIGRAMMA IV. *

NON frustrata diu communia vota suere :
 Conjugii donis incipit Aula frui.
 Jure igitur santo surgunt Spectacula fastu,
 Duratura parum, sed renovanda brevi.

EPIGRAMMA V. **

CAROLE, jam pater es : jam mater AMALIA. Dici
 Nil mage jucundum, nil mage dulco potest.
 Gloria regnandi felices reddidit ambos ;
 Sed non regnandi gloria sola juvat.
 Hec fato tandem cedit, ni vita parentum
 Perpetuo in natis sit rediviva suis.

EPIGRAMMA VI. ***

PLAUDITE. Luce nova solium regale coruscat :
 Matre sua Proles, & Patre digna venit.
 Post hanc Natorum longus numerabitur ordo ;
 Quis olim Deus hac, & nova Regna dabit :
 Ut toto super Orbe potentibus imperes armis
 Nullo Progenies interitura die.

G 4

EPI-

* In Fœtibus Regii Pa-
 latii, ob natam Primogeni-
 tam Regis Caroli Borbonii.

** Latere ex uno.

*** Altero ex latere.

E P I G R A M M A VII. *

TURRIS, quam telli Rex imperat, indicat Orbi,
 Fortiter a tanto Principe cuncta geri.
 At quia nascuntur fortes e fortibus, ibunt
 Invidi ad Natos hac documenta Patris.

E P I G R A M M A VIII. **

NON oculis tantum subjecta cibaria, merces:
 Hac manibus, Cives, integra prada data est.
 Dicite, dum rapitis: Vivat Rex, Sponsaque, Proles;
 Atque cito hac redeant gaudia Prole nova.

E P I G R A M M A IX. ***

BINA venena juvant, dictum vetus: Ergo bibamus;
 Nam duplex recreat languida membra calor.
 Si calor astivus minuit de corpore vires;
 Vires lata suo Vina calore fovent.

EPI-

* In elata Turri.

** Ubi Congiarium populo datum.

*** In Cella Vinaria Nundinarum, quæ æstivis temporibus actæ ad Sebethum.

EPIGRAMMA X.*

NATURE victrix, ratione egestia bruta,
 Ars facit, ut dislent a ratione parum.
 Sapius hæc narrata solent portenta refelli:
 Hic testes oculi, si dubitabis, erunt.

EPIGRAMMA XI.**

AULA patet. Quod pascis, habes. Decumbere fas est:
 Stare licet: datur hic, ludere, sive loqui:
 Dulce est arbitrium, quo fert sua quemque voluptas,
 Hoc vario aspectu, deliciisque frui.

EPIGRAMMA XII.***

ARTOCREAS gusta: calidum sartagine sumat;
 Et multo eximius certat odore sapor.
 Non semel, aut iterum, sed terque quaterque placebit
 Gustare; & saturo ventre redire domum.

In

* In loco, qui apud
 easdem Nundinas extractus
 est; ubi equus mira præbe-
 bat spectacula.

** In harum Nundinarum
 Pinacotheca.

*** Ibidem, ad Crustula-
 riam tabernam.

In Nandinis ann. MDCCXLVI.

E P I G R A M M A XIII.

Super Ingr. su.

Ingredere. *Aspectu ne defrauderis amaro:
 Namque hic delicias, quas mag. poscis, habes.
 Publica letitia est, quam REX parat. Utile Dulcis
 Miscet; & hoc duplici munere Regna beat.*

E P I G R A M M A XIV.

Ubi prostant Edulia.

*Gratior ecce locus, qui praealat Edulia; & horum
 Non unum genus est, ut variare queas.
 Integra non veniunt festis solatia ludis,
 Si tantum gaudent lumina, venter eget.*

E P I G R A M M A XV.

Ubi venduntur Vasa fictilia, Neapoli affabre confecta.

*Nobile de nostro prodit Vas fictile Regno.
 Quod Sina jactant, jam superamus opus.
 Ingenium nostrum quid non feliciter auct,
 CAROLE, dum nostris ausibus ipse favet*

EPI.

E P I G R A M M A XVI.

Ubi Judex adest pro criminibus coercendis.

*Hic pax, hic requies, hic otia dulcia: Longe
Hinc audax, semper pronus in omne nefas.
Præsidet hic Judex, armato milite cinctus,
Quo juvet ille bonos, puniat ille malos.*

E P I G R A M M A XVII.

Ubi adsunt Consules ad Commercii lites dirimendas.

*Consul adest, ut lance pari Commercia conslent.
Venditor hinc tutus, tutus & emptor erit:
Absque mora precium, quod convenit, accipit alter,
Absque ullis merces fraudibus alter habet.*



C A R M I N U M

In Nundinis ann. MDCCXLVII.

O B N A T U M

C A R O L O

NEAP. SIC. AC HIER. REGI

PRIMOGENITUM FILIUM

D. O. M.

DIVO JANUARIO

VT. NATUM REGI. PVERVM

DIV. SOSPITET

INSTITVTAS. QVOTANNIS. NVNDINAS

AVSPICATO. TVEATUR

VOTA. PUBLICA

EPIGRAMMA XVIII.

*Spes frustrata diu pœna est: sed, rebus adeptis,
 Hoc mage pœna placet, quo mage longa fuit.
 Displicuit non ante dari; nunc REGIUS INFANS
 Lætitia Populis uberiore datur.*

EPIGRAMMA XIX.

*Excipit amplexus Matris, Patris oscula carpit,
 Prænoscent, quam sit casus utriusque, PUER.*

Cor

*Cor nostrum accipiat. Quod si Matrique Patrique
Hoc dedimas; Nato gaudet uterque dari.*

EPIGRAMMA XX.

*BORBONÆ Stirpis, qua prima est Mascula Proles,
Nostra, non alia sub regione venit.
Nos tanta sortis dites, clamabimus: Hic est,
Hic Orbis gemini qui Moderator erit.*

EPIGRAMMA XXI.

*Grande fuit donum, Regalem hic figere sedem,
CAROLE; perpetuum non tamen illud erat.
Hoc dare non poterat; sed qui te diligit, & nos
Præsens tutatur, jam dedit ecce Deus.*

I N S C R I P T I O

Super Divi Januarii Simulacro

In Nundinis

Ann. MDCCXLVIII

EPIGRAMMA XXII.

*Annua jam redeunt sancto Spectacula cursu,
DIVE, sub auspiciis splendida tuis.*

Per

*Per te nos, quatumque super Regione superbi,
Invidia digni, non pietate sumus.
En, quo Rege, & qua rerum ubertate potimur!
Fac, isthac crescat, regnet & ille diu.*

E P I G R A M M A XXIII. *

O BELLE, & cara, cultum qua pingitis agrum,
Seu nivea sitis, purpureave rosa;
*Ah! finite, ut manibus possim vos carpere: vestra
Non sur, sed custos virginittis ero.
Vester erit melior, quam qui fuit hatlenus, usus;
Et magis vester erit nobilitatus honor:
Amplius haud molles lasciviet inter amores
Gratia, qua in foliis, quaque in odore viget:
E vobis serium intexam; capitique Puella
Imponam, qua nunc tota sacrata Deo est.
Id lucro cedit; nam vestra fugacior, uno
Duratura die, vita perennis eris.*

E P I G R A M M A XXIV. **

SCIPIO hic est; non is, quo victa est Africa; at ille,
Aeternum pariet cui Cleopatra decus.

EPI-

* Ob Puellam, quæ sa- | Cigalæ, e Principibus Ti-
cris in Claustris se Deo de- | rioli, quæ est appicta ejus
vovet. | Tragediæ, typis editæ, cui
** In Iconem Scipionis | titulus, Cleopatra.

EPIGRAMMA XXV. *

HOSPES, quare locum, qui sit formosior isto;
Tum dic, si qua Domus pulchrior esse potest.
Ingredere, & specta colles, mare, litus, & urbem:
Quid, quod delicias addere possit, habes?

EPIGRAMMA XXVI. **

ORATOR primus cantu appellaris ab omni:
Postremus (cum non sis imitandus) eris.

EPIGRAMMA XXVII. ***

HÆC aqua pura, salit quæ puro e marmore, puras
Nos Cæli Sponso posse placere, docet.

EPIGRAMMA XXVIII. ****

OH! quanto meliora dabit solatia Cælum,
Si Fons deliciis tanta dat iste suis.

EPI.

<p>* Apponenda ante fores Domus, familiæ INVICTI Nea- poli in litore Olympiaco posita. ** Ad R. P. Bernardum Mariam Giacchi e Capucci</p>	<p>norum familia. *** Ad fontem, in sacris Virginum Claustris salien- tem. **** Idem argumentum.</p>
---	--

EPIGRAMMA XXIX. *

IGNIS sub forma Dius sese exhibet Ales,
 Cujus in Æde sacra, doctæ Philippe, sonas.
 Ut Terra, Cæli sic ignis, lucet, & ardet.
 Nostro in corde ardet; lucet in ore tuo.

EPIGRAMMA XXX. **

CUR modo dicendi languescere cernimus Artem?
 En tibi causa: Quod ars nesciat arte tegi.
 Dic, quis doctus in hoc? Dubio procul, Angelus hic est.
 Quis par huic? Famam consule: Nullus, ait.

EPIGRAMMA XXXI. ***

Siquis scire cupit, quid bello, aut pace gerendum est,
 Ut sibi grande decus mente manique paret;
 Hic, oculos paulum Montalti in Stirpe moratus,
 Gesta imitanda magis, quam superanda notet.

EPI.

* Ad R. P. M. Philip-
 pam Gatti, Ordin. Divi Au-
 gustini, sacrum Oratorem in
 Templo Spiritus Sancti, Nea-
 poli.

** Ad R. P. Michaellem-An-
 gelum e Rhegio, e Capucci-

norum famil. sacrum Ora-
 torem, in Majori Neapolita-
 na Ecclesia.

*** In vestibulo Historiz
 Familiz de Montalto, ab Au-
 tore conscriptz.

E P I G R A M M A XXXII. *

HÆC ingens Arbos ubi confita? Monte sub alto.
Cum crescit, quo se profect? Astra super.

E P I G R A M M A XXXIII. **

FAC, finis sine labe, PARENS dulcissima. Quis det
Hoc, nisi tu, fecit quam sine labe Deus?

E P I G R A M M A XXXIV. ***

NON quod, VIRGO, meres, quod possumus, accipe Sertum:
Cor dantis munus, non leve munus ama.

E P I G R A M M A XXXV. ****

SI privata hominum, si publica vota valerent,
Non foret,heu! lacrimis tristitieque locus.
Viveret egregius, nuper quem amissimus, Heros
BERV I K I U S, bello maximus, atque domi.

H

Sed

* In Arborem Familæ
Montalto.

** DEIPARÆ SINE LA-
BECONCEPTÆ.

*** Aureo Serto DEIPA-
RA præcingitur.

**** Tumulo Ducis BER-
VIKH.

*Sed si forte parum nobis sit vivere visus;
 Et fama & meritis vixerat ille diu.
 Sic praeſtat vixiſſe, ut non, quos viximus, anni,
 Sed longam vitam vivere, geſta probent.*

E P I G R A M M A XXXVI. *

AUGUSTI Cineres, magni pars una superſtes
 BERVIKII, brevis hac quos regit urna ſinu,
 Ne procul hinc migrate; licet ſuprema voluntas
 Deſuncti Herois non ita precipiat.
 Sic noſtrum vulnus minus inſanabile; tanti
 Sic jaſtura Viri fiet acerba minus;
 Atque Italas quicumque plagas luſtraverit hoſpes,
 Dicit: In hoc Virtus marmore clauſa latet.

* * Ibidem. Adluditur ad cineres Neapoli ad Hiſpanias
 teſtamentum, quo juffit, ſuos traducendos.

CARMINA ET INSCRIPTIONES
ADDITÆ.

Pro elegantissima Bibliotheca,

A FRANCISCO SPINELLI,

TARSINÆ PRINCIPE,

Recens instructa.

EPIGRAMMA XXXVII.

A Djuvet, an noceat librorum copia, lis est:
 Lis, qua defendi strenue utrimque potest.
 Sunt, qui contendunt, ingenti mole gravari
 Ingenium; parva, cui vigor insit, ali.
 Contendunt alii, mentem non noscere frenum;
 Nec claudi angusto limite mentis opes.
 Ex his qua melior sententia? Judicet ille,
 Qui velit. Alterutram si probe, ipse proba.
 Hoc unum statuo: Plures conquirere libros,
 Atque hos ornato disposuisse loco;
 Et sinere, ut cunctis pateat pretiosa supellex,
 Hac est excelsi gloria summa Viri.
 Nam quoties unus libros non devoret omnes;
 Multi divisim, quo satientur, habent.
 Hoc tu, SPINELLÆ Gentis pars maxima, PRINCEPS,
 Et cura & sumtu splendidiore paras.
 Sic bene respondes genio, quo CAROLUS ardet,
 Ut perdiscendi promoveatur amor;
 Atque suo Pallas sub numine lata triumphet,
 Sive armata foris, sive togata domi.
 O Patria columen, Romanæque indolis Heros,
 Tamque hujus seculi, quam venientis honor,

H 2

Vive

*Vive diu, & tot, quos cupimus, feliciter annos,
Quotquot in Orbe tuum nobile vivet Opus.*

In Obitu pientissimæ Mulieris.

R O S Æ G I A N N I N I,

Cujus in corde inventa sunt tria vulnera.

E P I G R A M M A XXXVIII.

HÆc Mulier sacrata Deo dum flagrat amore,
Dius Amor triplici vulnere corda ferit.
*Sic vivit, dum fit patitur. Miraris? Amant
Semper idem fuerat vivere, sive pati.*

In Icone

P. P H I L I P P I G A T T I,

E divi Augustini Familia.

E P I G R A M M A XXXIX.

Hoc moriente, mori visa est sacunda Poësis:
Ars facit, hac saltem vivat in effigie.

In Icone Regii Consiliarii

ANTONII MAGGIOCCO.

EPIGRAMMA XL.

*I*ustitia hic potius pingi debebat Imago:
 MAGGIOCCHI melior sic foret effigies.

EPIGRAMMA XLI. *

*Hic est MAGGIOCCUS, Iusti moderator & Æqui.
 Invenies, tanta qui valet arte, parem?*

EPIGRAMMA XLII. **

*MAGGIOCCHI est eadem, ac æquæ Rationis Imago:
 Alterutra, ut possis noscere utramque, sat est.*

H 3

P. LEO.

* Idem argumentum.

** Id ipsum argumentum.

P. LEONARDUS ROSINUS,

Societatis Jesu,* Orator eloquentissimus, commendatur.

E P I G R A M M A XLIII.

UT nos heredes Celi reddamur, ab Illo,
 Qui supra mortem est, mors subeunda fuit.
 Non satis hoc, nisi nos operemur, & ubere fructu
 Uti conemur, quem Deus ipse tulit.
 Et tamen hoc fructu (quis credat?) spernimus uti:
 Tendimus in preceps, dum via tuta patet.
 Tu, sacer Orator, diâlis sapientibus, hujus
 Erroris nosmet pœnituisse doces.
 Indociles terres, timidos solaris, inertes
 Impellis, firmas in pietate pios.
 Diceret Is, Paullum cupiit qui audire loquentem,
 Vel novus est PAULLUS, vel vetus ille redit.

I N N O S O C O M I O,

In ampliorem elegantioreinque formam restituto.

E P I G R A M M A XLIV.

Illos, quos morbus premit insanabilis, omni
 Auxilio orbatos, excipit ista Domus.
 Hæc eadem tetro primum squalore jacebat;
 Angusto stabat gens miseranda situ.
 Nunc spatiosa nitet; nunc est languentibus agris
 Vel mors dura minus, vel mage tuta salus.

IN-

INSCRIPTIONES

IN RESTITUTIS AC ORNATIS ÆDIBUS SACRI
REGII CONSILII NEAPOLITANI.

Sub Regis effigie.

EPIGRAMMA XLV.

Fama, tot Ingeniis, tot Honoribus orta, Senatus,
Jam major per te, CAROLE, in Orbe sonat.
Utilitas Populis, Consulibus Norma, Togatis
Gloria, quas dederas, Legibus aucta fuit.
Recti Cognitio, Dos Linguae, Mentis Acumen
Nobilitant pompa splendidiore Forum.
Ista diu sub te felicia tempora currant;
Talia sub NATIS experiunda tuis.



Sub regio Stemmata.



C A R O L O

PIO. FELICI. TRIUMPHATORE

NEAPOLIS. SICILIAE. HIERSALEM. REGE

MARCHIONE. CAROLO. DANZA
PRAESIDE. SACRI. REGII. CONSILII

ARCIS. CAPVANAЕ. AEDES
REGIO. OLIM. DOMICILIO
HVIC. DEINDE. SENATVI. HABENDO
DESTINATAE
MAGNITVDINE. QVIDEM. ADSPECTABILES
NITORIS. INOPES
IN. HANC. ELEGANTIAM
DIV. DESIDERATAM
TENTATAM. SEMEL
PRO. DIGNITATE. NVNC. ABSOLVTAM
ADVOCATORVM. AERE. CONLATO
RESTITVNTVR. ORNANTVR
ANN. MDCCCLII



AD DEIPARAM

EPIGRAMMA XLVI.

*VIRGO digna coli, VIRGO dignissima amari;
Cum qua cuncta juvant, qua sine cuncta nocent:
Ab! rege tu vitam; rege tu, Spes unica, mortem:
Sic neque vita labor, mors neque terror erit.*

IN

IN FUNERE F. BERNARDI MARIE GIACCO,

E Capuccinorum Familia,

Oratoris eloquentissimi.

A fronte Cenotaphii.

*Quidquid id est, BERNARDE, tibi, quod solvimus, unum
Si demas animum, quem gerimus, nihil est.*

Uno ex latere.

*Qui vivunt, domum retinent commune loquendi:
Maxima post mortem gloria posse loqui.*

Altero ex latere

*Vivere cui miserum est, miserum est occumbere. Neutrum
Hoc tibi. Grande fuit vivere, grande mori.*

Sub Icone, supra Cenotaphium.

*Qui vivens, solida fuerat Virtutis imago,
Nos quoque Virtutem mortuus ore docet.*

Sub alia Icone, ante ejusdem præclarissimas
Orationes typis editas.

*Duplex BERNARDUS. Vitium corvexerat alter;
Alter Virtutem qui celebravit, hic est.*

In Regias Ædes ACADEMIÆ PICTURÆ.

*Quod non est, quod abest, præsens quis reddere possit?
Ille, procul dubio, qui bene pingit, erit.*

In

In Regiæ Aedes ACADEMIÆ SCULPTURÆ.

*Sculpta putes vivos educere marmora vultus,
Ni certo scires, non ea posse loqui.*

I N S C R I P T I O

Scholæ ARTIS NAUTICÆ, Neapoli in Aedibus
Divæ MARIE LAURENTANÆ ann.
MDCCLII. constitutæ.

*Hæc Schola, ut egregios Ars Nautica jactet Alumnos,
Ingeniis præbet, Rege jubente, facem.
Sic maris arbitrium victrix Industria frenat;
Ventorum dubiam Mens regit una fidem.*



IN

IN PVNERIS APPARATV

MARCHIONIS

D. JOSEPHI MARIE ANDREASSI;

R. Confiliarii, ac Sacri Montis Pauperum Delegati.

D. O. M

MARCHIONI. IOSEPHO. MARIAE. ANDREASSI

REG. CAM. S. CLARAE

SENATORI. AMPLISSIMO

CVIVS. LONGAeva. AETAS

MVLTVM. GLORIAE. SVPERADDIDIT

NIHIL. LABORIBVS. DETRAXIT

VNO

INTER. IVVENTAM. ET. SENECTVTEM

DISCRIMINE

VT. ILLA. SEMPER. EXPECTATIONE. MAIORA

PROMITTERET

HAEC. NVMQVAM. PVBLICO. DESIDERIO. MINORA

EXPLERET

VINDICI. SVO. SOLLERTISSIMO

POST. TOT. RECEPTA. BENEFICIA

SODALES. SAC. MONT. PAVPERVM

QVOD. EXTREMVM. EST. GRATI. ANIMI. OFFICIVM

MAESTISSIMI. PARENTANT

*Ecce quod aeternum est, defuncti splendida Virtus;**Ecce quod humanum est, quem tegit urna, Cinis.*

D.O.M.

C A R M I N U M

D. O. M

SVMMA. ERGA. DEVM. PIETATE
IMMENSO. ERGA. PATRIAM. AMORE
IOSEPHVS. MARIA. ANDREASSI

ITA. VIXIT

VT. SVIS. VOLVPTATIBVS

MORTVVS. VIDERETVR

ITA. MORITVR

VT. PERENNI. NOMINI

VIVERE. NVMQVAM. DESINAT



D. O. M

AEQVI. BONIQVE. CVSTOS
IOSEPHVS. MARIA. ANDREASSI

INNOCVIS. TVTAMEN

VT. NIHIL. TIMERENT

TERROR. IMPROBIS

VT. EMENDARENTVR

VTRISQVE. SVI. DESIDERIVM. INGENS. RELIQVIT
ILLIS

NE. TRANQVILLITATIS. ASYLVM

HISCE

NE. EMENDATIONIS. STIMVLVS. DEESSET



D.O.M.

D. O. M

IN. EGREGIO. MAGISTRATV
MAIOR. NE. FVERIT
FORTITVDO. AN. HVMANITAS
IOSEPHI. MARIAE. ANDREASSI
DIFFICILE. STATVITVR
NISI. VTRAMQVE. DOTEM
ITA CONIVNCTAM. QVISQVE. IVDICET
VT. CVM. ALTERAM. LAVDET
ALTERAM. SIMVL. EXTOLLAT



D. O. M

IN. EXPENDENDIS. NEGOCIIS. ACVMEN
IN. COMPONENTIS. PRVDENTIA
IN. DEFINIENDIS. CELERITAS
IOSEPHI. MARIAE. ANDREASSI
CONTRA. LABENTIS. AEVI. INIVRIAM
FAMAM. TVENTVR
IN. HIS. NIHIL. QVOD. INVIDIA. DETRAHAT
NIHIL. QVOD. NON. LAVDET
PVBLICA. FELICITAS
REPERIT.



MI-

MILITARIVM PRAEFECTORVM

FVNEBRES INSCRIPTIONES.



D. O. M
EGREGIIS . VIRIS
QVI

VT . ARMA . RATIONI . SERVIRENT
COR . DEO . OBTEMPERARET
INCOMPARABILI . ANIMI . FORTITVDINE
EXIMIA . MORVM . INNOCENTIA
PRO . RELIGIOSISSIMO . REGE . SVO

C A R O L O

PRO . TVENDA . POPVLORVM . INCOLVMITATE
PVGNARVNT
POST . EXPLETOS . MILITIAE . HONORES
QVIBVS . VITA . PRAEFVLSIT
AD . IMMORTALEM . COMPARANDAM
CAELI . QUIETEM
QVA . MORS . CORONATVR
CVRATORES . PII . MONTIS
SVBSTITINENDO . VIDVI . THALAMI . DECORI
INSTITVTI
IVSTA . PERSOLVVNT



D.O.M.

D. O. M

QVAM . FERVIDIS . VOTIS . SPERANT
 VITA . FVNCTI . COMMILITONES
 EFFVSIS . NOS . PRECIBVS
 AC . INCRVENTIS . OBLATIS . SACRIFICIIS
 EXPOSCIMVS
 OPTIME . MAXIME . DEVS
 MISERICORDIARVM . LARGITOR
 FELICITATEM
 IN . BEATAE . AETERNITATIS . SINV
 REPOSITAM
 ILLIS
 INTER . BELlicos . LABORES
 PVBLICAE . TRANQVILLITATIS . VINDICES
 ENVTRITIS
 NE . DIVTIVS . TANTA . SORTI . CAREANT
 BENIGNE . CONCEDITO

I.

L Ugendū non sunt, quorum virtute parata est
 Gloria, non ullo deperitura die.
*Ab! nimium infelix, qui parvo tempore vitam
 Ducat, nec meritis perpetuare sciat.*

II.

*Quam bene juncta nitet Pietas pugnacibus armis:
 Utraque grata viris, utraque grata Deo.
 Præmia ab hoc capiunt; capiunt quoque præmia ab illis:
 Hi dant in Terris præmia, & ille Pòlo*

III.

*Qui sudore suo, qui sanguine Regna tuentur,
 Nullo deberent tempore morte premi.
 Sed mors illorum stimulos viventibus addit,
 Militia ut vivat, non moriatur bonos.*

IV.

*Hac Lauro cumulat maestissima Pompa Cupressum:
 Utraque, quod nobis denotet, arbor habet:
 Denotat, ben miserum! periturum quemque Cupressus;
 At Laurus, fama vivere quemque sua.*



*INSCRIPTIONES appositae quatuor lateribus basis argenteae
 Molis, dono datae ab Excellentissima Civitate Neap. C. A.
 BOLO REGI SUO INVICTISSIMO; cujus in
 vertice signum ejusdem Sapientissimi
 REGIS, leges ferentis,
 inspiciebatur.*



SVB . TVIS . AVSPICIIS
C . A R O L E
 TIMOR . QVI . LEGVM . COMES . EST
 IN . AMOREM . CONVERTITVR
 AMOR . IN . OBSEQVIVM
 HAEC . EST . DEBITA
 OPTIMO . LEGISLATORI . GLORIA
 VT . ANIMOS . AEQVITATE . ALLICIAT
 ASPERITATE . NVMQVAM . DETERREAT





NIHIL . QVOD . REDVNDET
 POPVLI . FASTIDIVNT
 NIHIL . QVOD . DESIT . IN . TVIS . LEGIBVS

C A R O L E

DESIDERANT
 MAGNA . SVBDITORVM . FORTVNA
 SVB . SAPIENTISSIMO . PRINCIPE
 NEQVE . INVILIBVS . GRAVARI
 NEQVE . NECESSARIIS . CARERE



QVAE . TVO . PRAESENTI . NVMINE
 NASCVNTVR . LEGES

C A R O L E

DVM TAXAT . MORI . TIMENT
 SI . EA
 QVA . ANIMANTVR
 EMICANT . TRIVMPHANT
 MORI . POSSIT
 SAPIENTIA



ARMIS . VINCERE
 PLVRIBVS . DATVM
 LATIS . LEGIBVS . INCLARESCERE
 PAVCIS
 VTRVMQVE . TIBI

C A R O L E

ALTERVM . QVO . SVpra . TE . NEMO
 ALTERVM . QVO . INFRA . TE . OMNES
 VIDEANTVR

I

Hanc



*Hanc tibi Parthenope componit; CAROLE, Molem.
Hac in Mole sui pignus amoris habes:
Hic studuit populos, hic regna, hic sculpere Leges.
Vellet, sed cordis sculpere vota nequit.*

IN FUNERIS APPARATU
F E R D I N A N D I VI,
HISPANIARUM REGIS,

Instructa in Regali Sacello Neapoli,

D. O. M

REGNO. DIGNVS. PRIVSQVAM. REGNASSET
EO. POTITVS. VT. DIV. REGNARET. DIGNISSIMVS
SVBIECTARVM. GENTIVM. PARENS. POTIVS
QVAM. PRINCEPS
FERDINANDVS. VI. REX. CATHOLICVS
MERITIS. ONVSTVS. NON. ANNIS
VITAE. CESSIT. NON. GLORIAE
QVISQVIS. ADES. LACRIMAS. COHIBE. PRECES. FVNDE
SAT. PVBLICO. PRIV. TOQVE. DOLORI. DATVM
NVNC. PIETATIS. OFFICIA
LVCTVOSAE. HVIVS. REGALIS. TEMPLI. IMAGINES
SOLENNI. RITV. INDICVNT

I.

*Non tu sola doles defunctum, Hispania, Regem;
Effusus toto fervet in Orbe dolor:
Rege etenim extincto, qui famâ impleverat Orbem,
Implendus lacrimis integer Orbis erat.*

Iusti.

II.

*Justitiam, qua Regna vigent, quo Numine, floret
Publica, non ullo turbine fracta, quies,
Is, quem nos femus, coluit: nunc evocat illum,
Qui fons Justitiae est, ad sua Regna Deus.*

III.

*Religio, sine qua nec tuta, nec ampla potestas,
Quam bene ab eximio Principe culta fuit.
Noverat, Imperium firma Pietate tueri,
Humanas artes haud satis esse pares.*

IV.

*Hic Heros sine vi, sine bello terruit hostes;
Sanguinem non fuso, Pacis adeptus opes.
Is, quem Regna timent, & amant, nil triste veretur
Praestat Amor cultum, continet arma Timor.*



In ejusdem CATHOLICI REGIS
Funebri Apparatu,

*In Regali Templo S. Jacobi & Victoriae
Hispanorum, Neap. habito*

D. O. M

FERDINANDVS. VI. REX. CATHOLICVS

QVI. VIVENS. IIS. TANTVM. NON. INNOTVIT

QVIBVS. IPSA. INCOGNITA. VIRTVS. FVIT

MORTVVS. AB. IIS. NON. DEFLETVR

QVI. QVANTI. HABENDA. SIT

EXIMII. PRINCIPIS. IACTVRA

PRORSVS. IGNORANT

CVRATORES. HVIVS. AMPLISSIMAE. DOMVS

AC. TEMPLI

SS. IACOBI. ET. VICTORIAE. HISPANORVM

NE. RELIGIOSIS. PARCANT. OFFICIIS

QVOD. SVPREMVVM. EST

OBSEQUENTIS. ANIMI. TESTIMONIUM

IVSTA. PERSOLVUNT

D. O. M

QVICVMQVE. INGREDERIS

FVNERIS

FERDINANDI: VI. REGIS. CATHOLICI

MAERENS. DOLENSQVE. SPECTATOR

INTER. LACRIMAS. QVIBVS. DOLORI. INDVLGES

ET. PLAVSVS

QVIBVS. EGREGIA. DEFVNCTI. PRINCIPIS. GESTA

LATE. ENVMERAS. MERITO. EXORNAS

ILLVD. TIBI. PRAECIPVVM. ESTO

ANIMAE. INCOMPARABILI

AETERNAE. FELICITATIS. SEDEM

COMMVNI. VOTO. DEPRECARI

OCTA.

OCTAVII CORREALII PARENTALIA

D. O. M
 PATRICIO . INCOMPARABILI
 DE . QVO . NIHIL . DESIDERANDVM
 NISI . VT . DIUTIVS . VIVERET
 NON . AD . AVGENDAM . NOMINIS . GLORIAM
 QVAM . SVB . IPSIS . PVBESCENTIBVS . ANNIS
 ILLE . MAXIMAM . ADEPTVS . EST
 SED . AD . PVBLICAM
 PROROGANDAM . FELICITATEM
 CVI . Videbatur . VNICE . NATVS
 ORDO . POPVLVSQVE . SVRRENTINVS
 BENEFICIORVM . MEMOR
 SINGVLARIS . EIVS . SAPIENTIAE . ADMIRATOR
 OBSEQVIUM . QVOD . CVLTV . AC . REVERENTIA
 VIVENTI . PRAESTITIT
 E . VIVIS . SVBLATO
 HOC . EXPLICAT . FVNEBRI . APPARATV



C A R M I N U M
I N F V N E R E
SURRENTINI ANTISTITIS
IOSEPHI SERSALII

D. O. M
IOSEPHO . SERSALIO
AMABILI . SVO . ANTISTITI
SVMMIS . VIRTVTIBVS . PRAEDITO
QVIBVS . ILLE . SVpra : RELIQVOS . MAIOR
CVNCTIS . VIDERI . MALVIT . INFERIOR
PRO . COMMVNIBVS . VOTIS
HVIC . REGENDAE . ECCLESIAE . DATO
IN . COMMVNEM . TRISTITIAM . STATIM . EREPTO
SVRRENTINA . CIVITAS
NOBILISSIMI . FILII . VIDVA . MATER
SANCTISSIMI . PRAESVLIS . DOLENS . FILIA
POST . BREVE . GAVDIVM
QVO . LAETA . FLORVIT
IN : EXTREMVM . LVCTVM . CONVERSA
QVO . VIVET . IN POSTERVVM
INTER . LACRIMAS . ET . SVSPIRIA
IVSTA . PERSOLVIT



IN FVNERE PRAESIDIS SVPREMI MAGISTRATVS
COMMERCII,

R. CONSILIARII

FRANCISCI VENTURAE.

D. O. M

FRANCISCVM VENTVRAM
PRAESIDEM SVPREMI MAGISTRATVS COMMERCII
NOBILI . GENERE . NATVM
CVNCTIS . BONIS . ARTIBVS . IMBVTVM
QVI
TOGAE . HONORES . OMNES
IN . PRIMO . IVVENTVTIS . FLORE
EX . MERITO . ET . SVMMA . CVM . GLORIA
PER . SVOS . GRADVS . ADEPTVS
SVBLIMI . MENTIS . ACVMINE
IMMENSE . RERVM . EXPERIENTIA
AMABILI . MORVM . GRAVITATE
AD . SENIVM . EXPLEVIT
EHEV ! IAM . DESIDERAMVS
AH ! QVANDO . SVPERI . PAREM . DABVNT
FRVSTRA . SPERAMVS . MELIOREM



C A R M I N U M
 HISPANIARUM REGINAE
 MARIAE AMALIAE WALBVRGAE
 P A R E N T A L I A ,
 H A B I T A N E A P O L I
 I N R E G A L I S A C E L L O



PRO . TE . ISTHAEC
 MARIA . AMALIA . WALBVRGA
 I N . HAC . INCRVENTAE . VICTIMAE . ARA
 SACRA . FIVNT . PIACVLARIA

ANIMA . INCOMPARABILIS
 QVAE . QVIDQVID . MORTALE . EST . SPREVERAS
 I N . REBVS . SECVNDIS . NVMQVAM . ELATA
 SEMPER . CONSTANS . I N ADVERGIS
 HOC . HABE
 NON . INANIS . MAGNIFICENTIAE . SPECTACVLVM
 QVOD . FVGACI . ADMIRATIONE . OCVLVS . DETINET
 SED . QVOD . BEATAM . PARAT . AETERNITATEM
 DEBITVM . CHRISTIANAE . PIETATIS . OFFICIVM





MARIA . AMALIA . WALBVRGA
 QVAE . NOS . VITA . INNOCENTISSIMA . BEASTI
 NVNC . IMMATVRA . MORTE . AFFLICTAS
 SI . TVI . ADHVC . ERGA . NOS . AMORIS
 NOSTRI . ERGA . TE . OBSEQUII . NON . ES . OBLITA
 DEVM . QVEM . PROPE . VIDES . ADPRECATOR
 VT . VISCERA . TVA . TVAE . OLIM . DELICIAE
 F E R D I N A N D V S . IV
 TENELLVLAE . AETATIS . SED . OPTIMAE . SPEI
 PRINCEPS
 SVAE . GLORIAE . DIV VIVAT
 DIV . NOSTRAE . CONSVLAT . FELICITATI



I.

*Gloria fœminei, decessit AMALIA, sexus;
 Terris rapta cito, sed cito adepta Polum.
 Hisce admissa locis, ubi pax sine nube resulget,
 Gaudet, quod nostro vixerit orbe parum.*



II.

*Cui Siren thalamus, dederat Germania cunas,
 Hispanum nuper ditia regna solum,
 Occubuit, lata, non tristi fronte Virago:
 Sic moritur, vivens qui sciat ante mori.*



III.

III.

*Qua præsens dilecta fuit, dilectior absens,
 Pergit ad æternos, non reditura, dies:
 Ah! descendenda foret; fieri tamen illa recusat,
 Incipiens vita nobiliore frui-*



IV.

*Hand opus exemplis, jungi quod possit in Aula
 Regius eximia cum Pietate Decor.
 Sic sese gessit, dum vixit AMALIA; ut esset
 Digna coli a populis, digna placere Deo.*



V.

*Uxor cara Viro, Genitrix carissima Natis,
 Ingens, quos moriens linquis, utrisque dolor.
 Sed tua, que remanet, Virtutum splendida imago
 Natis atque Viro dulce levamen erit.*



VI.

*Plurima Regina sublimia gesta latebant:
 Post mortem plena nunc ea luce nitent.
 Sic est: transacta ne desint premia vite,
 Mors aperit, quidquid vita modesta regit.*



VII.

VII.

*Ut cunctis, prasente animo, WALBURGA faveret,
Nullam passa fuit praterisse diem;
Impatiensque, diem tunc amifisse, putabat,
Cum, contra votum, est vifa favere minus*



VIII.

*Vive Deo, nobis qua cessas vivere: at esto
Nostrum, celesti sede locata, memor.
Id prasta, Et numquam Sors invidiosa nocebit;
Vertet in obsequium, quas parat ipsa, minas.*

*Ad Virtutum effigies, que in defuncta Regina
admirabantur.*



HUMANITATIS . VINCULVM . AMOR
FAX . MENTIS . RECTA . RATIO
PVLCHRA . CORDIS . IMAGO . BENIGNITAS



ANIMI . ORNAMENTVM . GENEROSITAS
QVIES . POPVLORVM . IVSTITIA
PIGNVS . IMMORTALITATIS . GLORIA



PECTORIS . FLAMMA . CARITAS
FONS . AEQVITATIS . CLEMENTIA
AVXILII . ADMINISTRA . COMMISERATIO

ME.



MERITORVM . COMPENSATIO . MVNIFICENTIA
OPTIMA . VIVENDI . NORMA
RERV . HVMANARVM . SCIENTIA



ARBITRA . DIFFICILIVM . RERV . PRVDENTIA
AETERNORVM . CONSILIORVM
FIDA . EXPLICATRIX . SAPIENTIA



INDEX . PERFECTIONIS . INTERNAE
ERGA . DEVM . ET . SVPEROS . PIETAS
SOCIETATIS . CVSTOS . MORVM . DOCTRINA



ACTIONVM . SPLENDOR . HONESTAS
MAGNA . DOS . DEMISSA . SVI . OPINIO
PRETIVM . CAPTANDAE . BENEVOLENTIAE
MANSVETVDO



NOBILIS . VSVRA . IN . PAVPERES . LARGITIO
IMPERII . TVTELA . CHRISTIANA . RELIGIO
CONCORDIAE . PRAESIDIVM
PROMISSORVM . FIDES



In loco, ubi eorum, qui navibus Neapolim
adventant, sanitas probatur.

D. O. M
NE. QVI

SVSPICIONE. PESTIS. LABORENT
AVT. INHVMANE. EXPELLANTVR
AVT. EXCIPIANTVR. INCONSVLTE
LOCVM. HVNC
SECESSV. ET. MARI. DEFENSVM
VT. MISERIS. FORET. CONFVGIVM
VRBIS. INCOLVMITATI. TVTAMEN
A. MAIORIBVS. DELECTVM
AEVI. INIVRIA. PENE. COLLAPSVM
PVBLICAE. SALVTIS. CVSTODES
PRINCEPS. BELVEDERII. PRINCEPS. ZVROLVS
ET. V. I. D. SANCTORVS. VERNVCCIVS
AB. R. ARCHITECTO. NICOLAO. CARLETTI
INSTAVRANDVM. CVRARVNT
ANN. CIDIICCLVI



In quodam Sodalium communi Sepulchro.

*Mors & Vita ligat socios. His spiritus unus
Dum vivunt; ut mors ingruit, una domus.*

FUNE.

C A R M I N U M
FUNEBRIS APPARATVS
B E N E D I C T O X I V . P . M

A Sodalitate Alborum Spiritus Sancti
Neapoli institutus.



D. O. M.
BENEDICTO XIV. PONT. OPT. MAX.
QVEM . HOMINEM . FVISSE
SOLA . MORS . DOCVIT
SVpra . HOMINES . EXTOLLVNT
CETERA . OMNIA . IN . EO . PENE . DIVINA
AETERNAM . IN . POSTEROS
FAMAE . CELEBRITATEM . PARITYRA
•SODALITAS . ALRORVM . SPIRITVS . SANCTI
NE . SVO . DESIT . OFFICIO
ERGA . EVM
QVI . NOBILI . PIETATIS . EXEMPLO
HVIC . SOCIETATI
IMMORTALE . NOMEN . SVVM . ADSCRIPSIT
ET . TOTIVS . ORBIS . TERRARVM
IN . CELEBRANDO . FVNERE
NOBILE . PIETATIS . EXEMPLAR
IMITARI . REFVGIAT
HOC . LVGVBRİ . QVO . POTEST . APPARATV
DEVINCTISSIMO . TAMEN . QVO . DEBET . ANIMO
IVSTA . PERSOLVIT

D.O.M.



D. O. M
ANTE . HOC . CENOTAPHIVM
BENEDICTI . XIV. PONTIFICIS . MAX.
NON . LACRIMAS
HVMANAE . IMBECILLITATIS
MISERV . LEVAMEN
SED . ANIMVM
BENEFICIIS . DEVINCTVM
ET . EGREGIARVM . EIVS . VIRTVTVM
ADMIRATOREM
FILII . OBSEQVENTISSIMI
BENEMERENTISSIMO . PATRI
SISTIMVS . AC . DICAMVS

*Qui*



*Qui, BENEDICTE, nites, ut spem nutrimus, Olympo,
Nostrum sis Tutor, qui modo Pastor eras.*



DIES

DIES GENIALIS

OB PROROGATUM

CARDINALI

MICHAELI FEDERICO

DE ALTHANN

Proregis munus

ANN. MDCCXXV.

PER hos æstivos menses, quibus, more majorum, vacui a negociis seriamur, declinatque Forum soluta mens ac ociosa; a consuetudine procul inertium hominum, suaves inter ac ingenuos Amicos genio indulgemus; & sæpe urbem rure commutamus; placide aliquando etiam domi mutuis nos confabulationibus non injucunde detinemur. Proximis hisce præteritis diebus, cum primo mane pedem e lecto extulissem ad captandum ex instituto saluberrimum illum cæli albescens aerem; ecce per viam occurrunt T. Flaminius, Q. Lælius, & L. Sempronius,

I animæ, quales neque candidiores

Terra tulit, neque quis me sit devinctior alter.

O qui complexus, & gaudia quanta fuerunt!

Tum hi rogant, me blande ac concinne, quæ valeam, vel quo memet agam, & alia nescio quæ, quibus solent Amici inter se officii causa brevem moram injicere: quibus ego, & bene me valere; & in animo esse, corpus matutina deambulatione leviter defatigare, ut famem ob-

K

fona-

sonarem in prandium . Si ita est , tum illi , sinas quaeso , nos tibi itineris comites adungi . Res , inquam , cecidit , ut optabam . Eamus quo lubet ; nobis profecto hanc spero conjunctionem voluptati fore . Jamque ex compaeto iter habuimus , quā urbs ab septemtrione assurgit in molles clivos , frondosa vitium pompa , cæterarumque arborum viridi familia luxuriantes ; quique suavissima cæli clementia , situque eleganti , atque aspectu amoenissimo innocue superbiant . Eo tandem , quo destinavimus , perducti , patens ibi sub ingressu primo rus offendimus ; ubi considere per id temporis placuit , quo vires paulum reficerentur ab itinere , & in reditu validiores redderentur . Ruri ædiculam , papæ , quam bonam dominus adstruxerat , cui hæc curavit lepide inscribenda

AD BONVM . OCIVM . FELICITER . CONTERENDVM
RECREANDVMQVE . AB SVIS . AEGRITVDINIBVS . ANIMVM
INTER . FORTVNATAS . REPOSITI . MEMORIS . SOLITVDINES
RVRICVLAM . DOMVM
PAUPERCVLA . QVA . FACTA . EST . ELEGANTIA
HOMO . CVRAS . PERTAESVS
INSTRVXIT
VOS . O SOLIDAE . INTEGRÆQVE . VOLVPTATES
DVLCISSIMA . AGRESTIS . VITAE . PRAEMIA
INTERVENTV . VESTRO
LOCI . INDOLEM . BEATE
VOSQVE . TVRCES . MOLESTIAE
HOC . TACTAE . GENIO . AMABILI
MELLITAE . HIC . SVAVESQVE . EVADITE

Ad fores aderat industrinus fenex , fungino petasatus pileo , & tunicatus bardocucullo , colore subfusco , vultu non insuavis , nec ita ad vitam rusticam factus , ut moribus urbanis videretur exutus . Hic molli junco amara cichorea , & aliud nescio quid agrestium olerum in minutos fasciculos curiosa manu , componebat . Stabat seni proxima , excipiens illos , elegans puella , forma bona , annisque florens ; quæ palla ad lumbos succincta , plica-

toque

roque supra neglectas comas linteolo, villicarum more, sollicitam se factiosamque præbebat; exceptos fasciculos, aqua e cado sumta, lepide tergendo, purgandoque diligenter terreis sordibus, ut ita emtores alliceret lubentius. Hisce postea oleribus commodule ouerabatur aselli vimineam stercem, uno atque altero humero pendentem, quem per collum fune alligatum regebat gratiosus tenellusque puer, sed astutus ac malitiosus, quantum atatula terebat; qui, laboris ac moræ impatiens, oculos suos fletu corrumperebat; & mullitando, senem puellamque increpabat, ne ipsum diutius retardarent, sed linerent, ut ipse abiret; erat fortasse

1 *Præsum non aude, quantum interpellat inani
Ventre diem durare.*

Pueri verbis ac lacrimis misericors facta quædam anus, quæ erat quidem visu digna: sedebat enim ab eo non procul, marcescentibus oculis, putrique naso, ac corrosis auribus, quassansque præ vetustate utroque caput, animam spissa acutaque tussi intermittens, & e lana colo implicata fila tardo tremuloque pollice trahebat: Et solvite, aiebat, ab omni mora dilectum hunc popum, meum corculum, delicias meas; ac tentata manu puerilem intolerantiam placide leniebat. Posteaquam lepidum suæ spectaculum plurima nos affecerat delectatione, rati non esse ulterius præ vestibulo ruris cunctandum; a sene precario petimus, ut nobis liceret ingredi, & paulum sedere. Ille, aperto capite, inquit urbanissime, Ite, redite liberius: manere, discedite, prout lubet: meo hoc conducto prædiolo pro vestro ad satietatem utimini. Nos victi beneficiis, grates habuimus maximas; & relaturas, siqua futura esset occasio, promissimus. Deinde introducti, oculis lustravimus, qui posset locus suo viridi frondium tegmine nos ab insurgente sole defendere. Deprehendimus interea loci fontem, sponte sua e vivis lapidibus, nulla arte compositis, limpido cursu effluentem,

K 2

1 *Horat. Sat. VI lib. I.*

tem, platanisque ac aliis arboribus coronatum: quem
hisce versibus ornatum voluit dominus:

Clangentes undas redimite suaviter umbra;

Et ride in vivo margine gramen olens.

Algentes circum spirare beatius aura,

Quo mea sint placido lumina capta situ.

Hic sedimus, & sudorem e fronte deterisimus; ac, aperto pectore, auras recipimus, molliter spirantes, liberiorumque spiritum æstuantem emisimus. Lælius non ipso naturali auræ flatu contentus, grandiore excitabat, agitato hinc inde linteolo, quod pro tergendo sudore ad manus habebat. Interea, dum familiariter varia rerum dissertatione tempus fallere cœpimus, atque aliud, ut fit, ex alio ferere; nescio qua sermonis traiectione mentio honorifice facta est de egregio MICHAËLE ALTHANN, viro ex splendidissima gente orto, suis meritis in Purpuratorum Senatuum cooptato; qui hujus Regni moderamen pro sua sapientia obtinuit, & pro sua nunc explet dignitate; immensaque lætitia conclamatum est: Felix, faustum fortunatumque sit Neapolitano Regno, quod tanto heroi Proregis munus in egregiorum operum illustre testimonium fuerit nuperrime unanimi plausu prorogatum. Ad hæc, Flaminius, dilectum Musis caput, Sinite, inquit, Amici, ut Carmen, quod in hoc argumentum, hisce diebus, meditabar, vobis memoriter, modo integre suppetat, recitem; ut nos pro hac nostra parte concepto gaudio obsequamur. Commodum, diximus, res evenit: quam dulcissima est occasio. Recita, quæso, recita quam citissime; nec morositate aliqua nos in longum protrahe. Novimus te a natura ingenio alacri ac prompto paratum, quale sibi merito vindicat Poësis. Nihil ultra cunctatus Flaminius, sic incepit

Solliciti si forte diu speravimus; ecce

Reddita spes voti compos. Jam pellimus omnes,

Quos, spe protracti, concepimus ante timores,

Ne MICHAËL nosira, ah maror! discederet urbs,

Et, sedem antiquam, peteret Capitolia Roma,

Non

Non ultra his agimur curis; factusque decoro
 Jam desiderio locus est; summaque potiti
 Fortuna, supra invidiam letamur evantes.
 Gaudete, o quicumque bonum commune fovetis,
 Et quibus est Patriaque salus & gloria cordi.
 Nobiscum manet ILLE: iterum nunc urbis habenas
 Suscipit, & gestit, gemino se munere fungi
 Principis ac Patris: quam dulcia nomina! quorum
 Jam sumus experti lapsa mox tempore fructus;
 Ac, tali allecti genio, persape precati
 Nos Superos fuimus, tanta ne sorte negarent
 Longe posse frui. Precibus Deus annuis. Urbem
 Latitia & plausu, solito majore, replevit.

Ergo, quæ mea sunt quæ sunt communia nostra
 Munia fortune, juvat indulgere Camænis,
 Et juga Parnassi, felici consista lauro,
 Visere, & umbrosos Pindi conscendere clivos;
 Hic ubi perculsi insolito cantabimus æstro.
 Quam dulcis se materies, quam gratior offert
 In tanto rerum aspectu, quas sidera nobis
 Largius effundunt! Premere alia silentia, curis.
 Nec relevare animos, stimulo prohibemur honesto.
 Hac igitur lata adstitis quicumque corona,
 Atque hilari risum festi pretenditis ore,
 Ominibus faustis, poscunt id pleetra, favete.
 Parthenope, urbs alias inter quæ maxima siontem
 Explicat, & rara natura dote superbit,
 Deliciis nitidi pelagi, & telluris aprica
 Affluit: illud enim placide crateride ludit;
 Et vitreo suscepta sinu felicitat ausa
 Piscantum, & prada beat uberiore labores:
 Altera bis gravidos alit impigra frugibus agros,
 Assiduo semper ridens pulcherrima vere,
 Et faciles pluvias, & Solem experta benignum.
 Præterea, heroum mater, belloque domique
 Vulgertem supra fortunatissima sortem
 Erigitur; gaudensque sibi, miratur Alumnos
 Seu regere imperio populas, seu Marte secundo,

*Sanguine nutritas metere inter praelia palmas.
 Non aliis tamen a titulis felicior illa
 Assurgit, quam quod subeuntem munera Regis
 Te, MICHAEL, sortita sibi est. Nihil dulcius ipsi
 Evenisse putat. Te te solatur in uno;
 Te spectat, vultuque tuo capis integra sortis
 Argumenta sus. Per te concordia cives
 Inter se pacata fovet: Themis alma triumphat,
 Reddita jam prisco, depulsa fraude, nitore:
 Non auro, non arbitrio servire potentum
 Cogitur; ostendit nudatum fortiter enssem
 In panam, scelerum ultricem; meritisque probandis
 Æquatas hinc inde gerit firmissima lances.
 Per te sacundat tam pleno Copia cornu
 Has cali partes; Genitque & Grævia rident,
 Sertis ornati roseis; patevæque rubentes
 Fundit divitias, præcinctus utraque corymbis
 Tempora, perpetuam referens Deus ore juventam:
 Italia per te ditant commercia fines,
 Agnoscuntque fidem, qualem secla aurea jactant.
 Cum tamen elabi tempus præsenferat; & te
 Divelli a nobis Regni fortuna timebat,
 Cæptum ire in lacrimas: votis oneravimus astra,
 Ne finerent huic nos tristi succumbere legi.
 Nam tua frena pati, tibi nos parere placebat;
 Atque in deliciis fuerat, modo in urbe maneres,
 Pro te nos vitamque ipsam ac bona cuncta pacisci:
 Non etenim oblii fuimus tua maxima gesta,
 Gesta per atates semper memoranda futuras,
 Quis tibi se totus Populi devinxerat Ordo;
 Extollitque tuum cali ad sublimia nomen:
 Atque inter dubios astus sic quisque dolebat,
 Ut pupus, tenere amplexus dulcissima matris
 Brachia, balbutit roseo indistinctius ore;
 Et ludens faciem palpat, risuque colorat
 Candidulas utrasque genas, & basia figit:
 Sed dum perbelle tali lætatur amore,
 Direptamque sibi videt, exclusamque parentem,*

Specias

*Spectat inops animi, ah pietas! sua lumina monstrat
Turgidula, & vultum tingit pallore loquaci;
Et gestu, & nutu, & lacrimis vocat undique ma-*
trēm;

*Accurritque gradu imbelli, atque abeuntis anbelans,
Spectantum eliciens fletus, vestigia calcet.*

Hac multos tacti cruciatu vivere menses,

Invisasque moras fuimus tolerare coacti.

Vota, preces renovabāt amor; victumque querelis,

Ut nostro Calum facile aspiraret amor;

Inque hos ante pias sensus prorupimus aras:

O qui res, rerum ipse Sator, regis, aspice quantis

Cingimur erumnis! Cur das, & subtrahis uno

Tempore latitiam? Cur nos modo feligis ALTHANN

Recturum, mox hunc adimis? Cur gaudia nobis

Largiris duranda parum? Concessa negasses,

Dona, negaturus concessis longius urbem

Posse frui donis. Melius caruisse placebat;

Quam semel accepto spoliari munere. Nostro

Audaci parcas dicto, Pater alme; paternum,

Quod geris ipse, movet supplex audacia pectus.

His summum precibus Numen contendimus una

Flectere. Et, oh! felix nostris allabitur oris

Nuncius. Hic cætu quantis exceptus ab omni

Latitiis! Fremuere via clamoribus: ecce

Jam rursus sedem hic firmat, jam maximus ALTHANN

Susceptum regimen triplices producit in annos.

Ac, veluti puppis, medio circum acta profundo,

Molibus undarum, ac tetrīs mugitibus euri,

Saxiisque poli, mortemque minantibus umbris,

Heu misera! heu ploranda! sui jam nescia, certum

Exitium expectans, desperat mesta salutem;

Nescio quo flatu interea compulsa secundo,

Aut tangit portum, aut propius tetigisse videtur:

In plausum assurgunt naute, portumque salutant,

Inter commixtum lacrimis solamen obortis:

En portus, clamant; iterantque, En portus; & omnes

Huc vocem unanimes, huc dextram, huc lumina vertunt:

K 4

Sic

Sic nos post varios capimus solatia casus.
 Quodque placet magis, ac nobis tanta omnia firmat,
 Prorsus id est, quod dum venit hac ex parte levamen;
 Tuque; Vir insignis, Regni componere molem
 Incipis; aspirantque tibi feliciter astra:
 Nescio qua sati serie, quove ordine rerum,
 Postquam versavit Mars implacabilis ense,
 Atque omnem Europa sœdavit sanguine campum;
 Auspirata diu, letis circum obsita palmis,
 Pax redeat terris, litesque & iurgia pulset,
 Discordesque animos inter se sœdere nectat.
 Nunc magna est belli eventus meminisse voluptas;
 Que tulimus, tam multa placent incommoda, quorum
 Nunc tandem fructum legimus; veteresque querelas,
 Jamdudum effusas, mercede expellimus ista.
 Qualis agit sese rigidi sub frigore cali
 Ante focum degens cum dulci uxore colonus,
 Dum circum crepitans ruit alta mapalia grando,
 Atque arent herbae e glacie, & sine frondibus arbor
 Per campos late percussa sibilat aura;
 Tunc parco vilem parat ille legumine mensam,
 Natorumque famem fabellis saepe relatis
 Fallere, saepe dolo curat differre sagaci.
 At placidi Veris redeuntibus inde diebus,
 Et juvenem præti aetatem, solesque benignos,
 Atque suis messem spondentem præmia votis,
 Aspicit; aspectu felix lætatur amico;
 Atque novo reparat fastidia pristina lucro.
 His tantis perge aspiciis, perge, inelyte Princeps,
 Ad summam laudum metam, quas candida morum,
 Virtutumque tibi spondet speciosa supellex:
 Grandia nec tecum meditari desine; qualem
 Tete ostendisti, talem te ostendere cura.
 Hic maneat, quanto potes ipse, diutius; in spem
 Erige Parthenopen; terrorem fontibus auge;
 Et bene, quos videas, de te, Patriaque merentes,
 Ut jam capisti, consuetis affice donis;
 Imple Orbem fama; communi vive saluti.

Acceptissimum fuit Flaminii Carmen , & nostras tam blande irretivit aures , ut sua quisque nostrum peculiari ac reperita laude non contineret ; & vere hunc diximus GENIALEM DIEM esse appellandum . Ille modestiam suam , submisso vultu , temperabat ; contendebatque officiosis verbis , ad nos facere amoris abundantia .

Dum hæc agerentur , dies crevit altius ; desitque Sol radiis suis mansuescere . Nos jam refecti amoenissima statione , de discessu cogitavimus : & e terra vario gramine vestita erecti , Salve , diximus , Prædiolum , Phœbo Musisque carum : salvete vos , festivi Genii , hujus horti cultores , qui jacentes nos numine vestro dulcissime recreastis . His vocibus rus tandem relinquimus : & , actis iterum gratibus seni , qui , ut sibi jejuno consuleret , & dapibus mensas onerabat inemtis ; certiore eundem facimus , ipsam nos humanitate sua , sua gratia ita obstruxisse , ut bene factum numquam memoria fuisset delapsurum . Porro rogamus , ut animam suam aperiat , & , siquid velit , nobis mandet . Senex , composito intra modestiam vultu , sibi hoc unum velle , ait , ut eum amemus , rusque suum incolamus sæpius . Responsam dedimus , ut de hoc nullus dubitaret ; & sic te , diximus , & pauperulam familiam tuam Deus sospitet . Vale . Iterumque nos lento gradu domum recepimus .

*Præter Inscriptiones & Carmina
huic nuperrime editioni adjecta,
e re visum est, subsequētia Opu-
scula adnectere.*

JOSEPHI AURELII
DE JANUARIO,
REGII CONSILIARII,
JURIS FEUDALIS
ANTECESSORIS,
DE JURE FEUDALI
ORATIO,

In Publico Neapolitano Lyceo

H A B I T A

VI. Idus Januariæ Ann. C1818CCLIV.

C A R O L O

NEAPOLITANAE

AC . SICVLAE . GENTIS

REGI . POTENTISSIMO

IN . LITTERARVM . PRAESIDIVM

SVpra . AVITAM . GLORIAM

FELICITER . NATO

FAMA . RERVM . GESTARVM

IN . OMNIS . AEVI . ADMIRATIONEM

NVMQVAM . INTERITVRO

HANC . DE IVRE . FEVDALI

ORATIONEM

IPSO . ARGVMENTO . SPLENDIDAM

SCRIPTORIS . OPERA . TENVEM

NON . VT . RECEPTIS . BENEFICIIS

PAR . REDDAT

QVOD . PRORSVS . NEQVIT

SED . VT . BENEFICIORVM

MEMOR . SALTEM . VIDEATVR

QVOD . VNICE . POTEST

IOSEPHVS . AVRELIVS . DE . IANVARIO

D . D . D

DE JURE FEUDALI ORATIO.



ERUM humanarum longa, & tot tantisque eventibus involuta series, quamquam eo semper conspirare visa fuerit, ut numquam societatis vinculum, quo surgunt, adolescunt, perficiuntur civitates, a forti nexu suo dissolveretur; veteribus tamen non raro extin-

ctis, ac novis inductis moribus, prout aspera aut mitis locorum indoles, facilis aut severa animorum inclinatio, fervens aut remissus sapientiæ amor tulit; nationum studia, & regnorum fortunam, ad variam effingendam colendamque vivendi disciplinam revocavit. Assyrii, Medii, Persæ, Ægyptii, abstrusioribus mysteriis, Religionis metu obvallatis, inclarescere, & gentes suas his secretis artibus moderari curaverunt. Græci ab intimis Philosophiæ penatibus, quorum e sinu, sub dulci etiam fabularum lenocinio, in vulgi pectus præcepta excurrerant, gloriæ patrimonium sibi quarere contenderunt. Romani, ad majora nati, ea triumphali æquitatis norma, qua non ad captivitatem subeundam cogeant, sed ad recuperandam humanitatem, devictas urbes moliebant; eaque animi magnitudine, qua solebant parcere subjectis, & debellare superbos, totius pene terrarum Orbis dominationem feliciter sunt assequuti. Sed uno quodam spiritu, atque una mentis contentione, etiam cum ad barbariem deflexit posterior ætas, amplificandi nominis cupido populos, quamvis rudes, & doctrinarum cultu aut nihil aut parum expolitos, in antiquitatis æmulationem, invasit. Decessit quidem nitor ille ac elegantia, qua suo decorata lumine effulsit Sapientia; sed non elanguit omnino: immo robustior potius sub duro cortice latuit, & majorem vim pallido quodam aspectu explicare visa est, ita sane, ut quod venustrati de-

detrahit corruptas ad eruditionem palatus, addiderit solidæ doctrinæ inclinata ad severitatem indulgentia. Quamobrem illud verum non est, inventionis laudem unice veteribus datam, posteris solam imitandi facultatem. Sua non defuit singulis tempestatibus, non sine plausu recepta, novarum rerum excogitatio: nec semper animos torquet ac dilaniat præteritorum temporum invidia; cum illos foveat quandoque extollatque recens. repertarum utilitatum felix superbia. Itaque conscripta Orientalium potentia, in solitudinem versa Græcorum tellure, deleta Romani imperii majestate, & veluti mutata totius Mundi facie; novæ inventæ cogitandi imagines, novæ constitutæ vivendi regulæ; quas, ad externas repellendas injurias, ad internam fovendam pacem, in tutelam suam tot regna ac provinciæ susceperunt: iis præcipue seculis, cum populi, rusticitate morum potius, quam commercii & societatis jure cogniti, e patriis sedibus emersti, aliisque querendis dominiis accensi, arma victricesque copias, per Italiam præsertim, hoc nempe amoenissimum voluptatis ac abundantæ domicilium, circumtulerunt. Tunc Feuda instituta sunt, quasi opportuna captandæ benevolentiae, auxiliique parandi instrumenta. Ex his nova in lucem prodiit Jurisprudentia, non hispida ac ferox; sed mitis ac decora, tantisque rationis æquitatisque adjumentis ornata, ut, quæ fuit apud Romanos hereditaria quædam & plena nobilitatis Facultas, licet novæ huic in doctrinarum caligine natæ Jurisprudentiæ avitos fascēs non submittat; laudum tamen suarum participem admittere, nisi forte etiam adversariam pati, coacta sit. Quapropter non immerito conqueritur Jacobus Cujacius; eosque abnormis depravatque judicii accusat ac damnat, qui ceteras juris partes se tenere non sine fastu profitentur; hanc quasi barbaram, atque exotica veste præcinctam, non sine stomacho rejiciunt. Quod adeo ipsi visum est indignum, ut hoc e pudica fronte improbum dedecus elegantissimæ huic matronæ avertere studuerit; editis ea, qua pollebat, diligentia & acumine, in libros Feudales absolutissimis Commentariis. Egregiam hujus Scientiæ dignitatem, quocumque ævo imperatorem, in hoc ipso mei ex-

explendi muneris vestibulo, etsi non quantum res postulat, (postulare enim multum) quantum tamen meæ sunt vires, nullis eximiis dotibus præditæ, nec leviter redundantibus clamor. Fori negotiis occupatæ, in hac florentissima clarissimorum. Virorum corona, adumbrare potius, quam fuscè recensere aggredior:

Interea ad te, CAROLE, Rex sapientissime, publicæ nostræ tranquillitatis custos ac moderator, bonarumque Artium vindex præsentissime ac tutor, priusquam ulterius procedat oratio, præstat me convertere; & gratias tibi agere quamplurimas pro demandata mihi Juris Feudalis docendi provincia; non merito quidem meo, quod sentio quam sit exiguum; sed singulari beneficentia tua, de qua licet multa prædicaverim, parcus semper, numquam nimius videbor: atque eas ago gratias, quas non verba explicant; sed quas animus concipiat. Certior quippe sum, verba desiderio paria mihi deesse, animum immenso obsequio non carere; & uti ab humanitate tua sibi veniam expectat sermonis mei pauperies; ita ab indolis tuæ magnitudine, quod sinu foveo, grati animi pignus, tuam sibi pollicetur regiam comitatem. Unum tamen hic nequaquam præteribo, me de hoc collato honore ea potissimum de causa gloriari, quod abs te, optimo Principe, veniat; cui supra ceteros, quos jactat antiquitas, quos nostra ætas recenset, felicitas, in Sapientiæ gremio reposita, cordi est. Satis enim superque perfectum habes, sine scientiarum præsidio, sine interioribus litteris, maxima Reipublicæ perniciæ, ignorare populos, quid Principi, cui parent, quid Patriæ, in qua vivunt, quid debeant sibi ipsi, quos non ad privata commoda, sed ad communia fovenda officia, & suis igniculis natura, & institutis suis ratio societatis invitat. Sub tuo igitur faustissimo numine grandiozem aniquam induo; & sorti meæ tutissime spondeo, ut, qui humilis langueret in me spiritus, te duce & auspice, altius adsurgat, & sublimia, non vano tentamine, meditari ac suscipere conetur. Quod Deus bene vertat, Audiiores ornatissimi, linguis atque animis favete.

De Juris Feudalis præstantia verba facturus, illud in
L
pri-

primis, quod ad finem spectat, illustrem quidem ac generosum, unde Feuda (vox antiquitati incognita, & tantis Interpretum conjecturis dilaniata potius, quam explicata) in usum venerint, silentio non involvam. Irruuntibus enim per alienos agros exteris nationibus, pacemque ac otium nostrarum præsertim regionum pervertentibus; vis atque audacia, operum administra, pectore conceptus dominandi furor, & omnis posita in armis acquirendi, seu potius occupandi ratio, eorum temporum sortem ac cursum, in maxima hominum perturbatione, miscebant. Principes, ut, quæ sine jure invaserant, non sine valido patrocinio custodirent, quæ sine pudore inhiabant, non sine facilitate assequerentur, quamque in alios nulla de causa inferebant injuriam, a se ipsis caute averterent; ope, consilio, fide, ac constantia eorum, quos suis legibus submiserant, indigebant. Cœperunt proinde victoriæ ferociam mansuetudine emendare; usurpationis odium munificentia lenire; & tristem propriæ infelicitatis præconceptam a subditis opinionem utilibus institutis extinguere. Hicæ argumens, ea, quæ ex sua indole parum tuta est, firmabatur ambitio; quique injustæ direptionis compotes sequitur plerumque, amittendi timor, in spem convertebatur securæ possessionis. Collatis enim ab exercituum ductoribus, novarumque gentium dominis in veteres urbium habitatores beneficiis (quo nomine Feuda prius appellabantur) illos in expeditionibus itinerum comites, in obsidionibus, militarium laborum socios, in præliis, seu periculi seu victoriæ consortes sibi adjungebant. Donis invicem humana pectora obstringuntur: & hac mutua ac amabili necessitudine, neque fides sine animi turpitudine deferitur, neque obsequium sine improbitatis vitio relinquitur, neque servitium sine perduellionis nota recusatur. Providas hæc concordiae inter dominos ac vassallos servandæ constitutiones, aut præteritarum ætatum politici ignorarunt, aut opportunis legibus, quæ ex usibus Feudalibus manant, obfirmare prætermiserant. Posterioribus annis hæc ampla officiorum messis, & mystica quædam solemniter pacti fœderis institutio destinabatur, ut tutius Principes regnarent, alacriter subditi ser-

servirent, minus insidiis, magis amoris pateret locus, quodque imperio & auctoritate, parum ad conciliandos animos idoneis, difficilius poterat comparari, honorum pretio; tamquam ad firmandam fidem incitamento, facilius comparabatur.

Accessit, quod est hujusmodi fœderis ætius vinculum, Jusjurandum, maximum inconstantiae ac perfidiae frenum; ut, quæ insita est homini, naturæ stimulis, erga benemerentes vehemens referendæ gratiæ cupiditas, Religionis sacro quodam horrore, quo vel ipsummet indomitum scelus invito rubore suffunditur, vassallos, sæpe in æstuante affectuum tumultu nutantes, in firmiorem domini securitatem adigeret, ac retineret. Hoc ferme pacto simul coeunt Pudor & Pietas: ille honestati obsequium non negat: hæc Deo reverentiam non subripit: & utroque hoc nexu coercetur tum inter homines inverecondia, quæ infamiae poenam subit, tum erga supremum Numen temeritas, quæ graviores timet ac expectat vindictam. Quis igitur est, qui non videat, qui non profiteatur, quam sapienter isthæc omnia excogitata sint, quam utiliter accepta, quam constanter in commune bonum retenta?

Præluferat quidem nescio quæ apud Romanos in Clientelis, quas Romulus instituerat; postea in Colonis glebæ adscriptis; in Prædiis demum ab hoste captis, militarique ab Alexandro Severo, & Constantino Magno distributis, Feudorum imago: sed leviter, & veluti e longinquo adumbrabatur Feudalis disciplina, magnificentior ipso posterum futura, & honorum copia, qua oblectamur, & titulorum splendore, quo innotescimus, & jurisdictionis exercitio, quo dominamur, & decora publicæ administrationis societate, qua nobis aliisque prospicimus. Quibus prædiis nusquam alias cognita, nusquam tanto lumine prædita, emerit legum materies, quæ solidiorem meruerit, sibi quæ comparaverit existimationem.

Porro, ut hæc in re sua constaret norma, suoque ordine Feudalis doctrina regeretur, multa sagaciter & acute constituta sunt. Feudorum divisio eximiam Principum curam, interioremque quamdam prudentiam explicat præ-

cipue ac commendat. Alia enim Feuda precario data; alia annua; alia intra vitæ curriculum seu dantis, seu recipientis, circumscripta; alia perpetua; alia nova; alia antiqua, & uti dicunt, paterna; quædam nobilia; quædam rustica; nonnulla in re immobili, quæ propria sunt; nonnulla in præstationibus, quæ Feudalem naturam imitantur, constituta: Item, alia dividua, ut Longobardis placuit; alia individua, ut Francis visum fuit; tum quæ ex pacto & providentia, quæ hereditaria, quæque mixta appellantur. Singula suis non carent rationum momentis; leges habent peculiare, quibus gubernantur; atque ita diriguntur, ut, quamvis in se ipsis diversa, unum tamen corpus efficere, atque uno spiritu animari videantur. Hic enim varius Feudorum apparatus, remunerandi vicem graviter sustinet ac moderatur, pro varia personarum conditione, pro diverso temporum fato, pro servitiis aut leviter aut magnifice præstitis, aut tardius aut celerius exhibitis, aut minus aut magis prospere impleris. Habet quidem munificentia suos gradus; a quibus discedere, inconsulti animi vitium est; intra quos contineri, mentis bene compositæ laus est eximia: namque ea in conferendis præmiis commendatur industria, quæ concedentium exacta lance regât arbitrium. & mentum accipientium justa mercede compenset: ita sane, ut nihil detrimenti capiat aut Principis liberalitas intemperantia largitionis, aut subditorum fides beneficii tenuitate, aut Reipublicæ status ipsius munificentie abusu.

Nec sat erat, Feuda in hunc varium censum referre ac parti: altiori opus erat consilio, ut in Successionibus nova constitueretur forma, quæ, quantum a communi jure distat, tantum ad splendidiorem æquitatem accedit: ea namque, quæ romanis legibus longe lateque spatiantur de re sua disponendi libertas; non in speciem miseræ servitutis, sed in saluberrimam utilitatis tutelam, Feudatariis inhibetur. Definita quippe est intra familiam successio, quæ sanguine conjunctos invitat, extraneos repellit; domesticum perpetuat decus; improvidam cohibet facilitatem, alienæ non favet aucupationi; validiorem plerumque sexum uni-

unice admittit; aliquando debiliorem non excludit; univ-
 se proximum gradum remotiori anteponit; non raro, in-
 verso graduum ordine, genitū servandæ diutius agnationis
 indulget, ac feminis proximioribus masculos præfert re-
 motiores. Hac paratissima via effectum est, ut beneficen-
 tiæ memoria, qua quisque ad obsequium excitatur ac im-
 pellitur, ab ipsis honorificentissimis consanguineorum lari-
 bus, nocuo invisoque discessu, egredi nequeat; quotidie,
 gratissimo ac triumphali abspectu, ante oculos obvertitur;
 grandem pretiosamque nobilitatis dotem non comminuat;
 augeat, diuturni temporis privilegio, acceptam a majori-
 bus, quam illi sudoribus compararunt, amplam splendidam-
 que fortunam.

Verum enim vero longius excurreret sermo, & legi-
 timos pudicæ orationis fines violaret; si cuncta, quæ ad
 hujus scientiæ dignitatem ostendendam conferri possent, re-
 censerem. Neminem quippe fugit (ut paucis multa colligam) quanta sit in prohibentis alienationibus, non sine
 domini incolumitate ac vasallorum compendio, mira quæ-
 dam cura ac singularis; quanta in præstandis assensibus, iux-
 ta necessitatem, benignitas, nec extra decorem repulsa;
 quanta in contractibus inundis castitas ac religio; quanta
 in exercendis judiciis sine fuce gravitas, sine quavis perni-
 cie indulgentia; quanta in purgandis criminibus non invi-
 sa severitas, non præcepti consilium; quanta novarum le-
 gum cum antiquis innocens discordia, cum ratione admi-
 rabilis convenientia; quanta diversorum Ordinum conspi-
 ratio, privatis publicisque commodis eo magis opportuna,
 quo magis in ipsa varietate partes inter se dissimiles in
 unum colligit ac perfecte componit.

Hæc omnia, quæ Feudalis Juris regnum dilatarunt,
 sua in origine, non ex promulgatis Principum legibus
 manarunt; quæ, uti futuram prævident utilitatem, eam-
 que sedulo sperant; non tamen semper, inopinato multa-
 rum causarum concursu, ut vellet, pro voto assequun-
 tur: sed ex usu ac consuetudine, prono quidem alveo,
 nulloque impulsu, provenerunt. Usus autem ac consuetu-
 do, veteris disciplinæ custodes, occultoque pollentes impe-
 rio,

riō, experientiam, diuturnis moribus probatam, & cuiusvis obitaculi victtricem, suaviter firmanē, ac valide tuentur; receptamque utilitatis opinionem, quæ non falso nascitur, nec temere sustinetur, perenni successione in omne ævum producunt. Hinc non alia huic Juri apposita est epigraphe, quam **CONSUETUDINES FEUDORUM**: hæque non publica in medium tulit auctoritas, ut maiorem observantiæ vim adderet; sed privata collegit industria, ut posteritati, veluti conscripta talium institutionum historia, consuleret. Nonnulli hac in re elaborarunt aq̃e Cuiacium, Is vero, Interpretum Princeps, qui quantum illustrandæ Jurisprudentiæ contulit ingenij, tantum in componendo in suas partes jure adhibuit diligentia, rem omnem Feudalem quinque libris conclusit: in tribus prioribus, quæ Gerardus Niger, ac Obertus de Orto conscribere; in quarto, quæ a variis antiquis Auctoribus tradita sunt; in postremo, qui opus coronat, Imperatorum Constitutiones, quæ ad Feuda pertinent, lectissimo quodam fasciculo, nitidissime contexit. Romanam imitati sunt Collectores umbratilem, ut ita dicam, ac domesticam diligentiam: privatim enim, post exactos Reges, in unum volumen contulit illorum jura Sex. Papyrius; ex formulis & legis actionibus, artificio veterum Jurisconsultorum conditis, eductisque e sacrario Pontificum, librum edidit Flavius Scriba: Imperatorum ab Adriano usque ad Valerianum, & Gallienum sanctiones, antea vagas atque confusas, in peculiarem Codicem Gregorius conjecit: hunc alter excepit, ab Hermogeniano exaratus, qui posteriorum Imperatorum usque ad Constantinum evulgatas leges complexus est. Id quoque servatum in græcis ac latinis Canonum Collectionibus, in quibus viri ecclesiastica doctrina egregii, ex suscepto per se ipsos instituto, in unum corpus Jus Sacrum redigere studuerunt. Major tamen, mea quidem sententia, rei Feudalis Collectores manet gloria: uti major ab ipsis adhibita diligentia, majus a nobis acceptum beneficium. Ceteri jus certum, jus cognitum, jus constans simul componere, curæ suæ dederunt: Nostri jus non scriptum, jus varium, jus pene obscurum; cuius, si hoc

Si hoc ipsis defuisset nobile propositum, peritura in posteram memoria, vel ita tenebris misere obruta ad nos fuisset perventura, ut vanis prorsus harioationibus, implicatisque mytheris campus pateret latissimus, singulorum fluctuaret opinio; neque ea, quæ foret modesta, difficultates fugeret, neque audax careret patrocinio.

Sed non in hisce tantum, quos ab antiquitate accepimus, libris tota concluditur Feudalis Jurisprudencia. Europæ Principes, qui Feudorum instituta adeptarunt, uti ex ipso regnandi ingenio, atque ex iis, quæ quotidie suboriuntur, morum conversionibus, novus sese explicabat utilitatis aspectus, sæpe præstantiori dote auctis, sæpe in meliorem formam reductis antiquis legibus, hanc Facultatem suis constitutionibus ditarunt. Illius tamen confinia in hoc Neapolitano Regno, & sub varia nostrorum Regum, sive hinc, sive alibi degentium, dominatione, supra gentes alias quam maxime amplificarunt tot Constitutiones, Gratiae, Capitula, Privilegia, ac Pragmaticæ; quibus hæc Jurisprudencia, nescio cujus abditæ castigatæque Sapientiae auxiliariis copiis communita, ad eum dignitatis apicem pervenit, ut nullibi magnificentius sibi paraverit domicilium, nullibi doctiores exceperit alumnos, nullibi diuturniorem Academiae ac Foro conciliaverit nominis celebritatem. Qua de re merito latamur; & amplissimo honore nostro tribuimus, magnis initiis ortam hanc Facultatem, majoribus additamentis, beatorum quodam fato nostro, per nos ipsos fuisse non sine summo studio excultam, nec sine ingenti gloria propagatam.

Postquam isthæ cursim delibavimus, illud addi locus flagitat, ut immensum, quod Juri Feudali cumulatam est decus ex tanta Scriptorum copia, qui in ejus interpretandis legibus operam navarunt egregiam, pro coronide sub oculos ponamus. Et sane nullum est in unaquaque scientia luculentius præstantiæ argumentum, quam impigra ac frequens ingeniorum contentio in ejus referendis arcanis, ut ratio eluceat; in componendis dissidiis, ut pateat concordia; in definiendis regulis, ut vitetur fallacia; in similibus comparandis, ut rerum inter se constet nexum; in

deducendis consequentibus, ut Marte suo liberum spatietur ingenium: quod sperandum non foret, nisi animos ipsius scientiæ non ingrata necessitas impelleret, cognita utilitas alliceret, unanimis consensus, quique ex hoc, efficax magnorum operum impulsor, plausus suboritur, abunde confirmaret. Novæ enim doctrinæ, quæ suo robore destitutæ, mentitæque facie imponunt, si primum satuo quodam impulsu arripiantur, continuo deferuntur; veluti fugax, quod cælo freno accenditur, ælivum lumen, simul ac repentino infirmoque splendore oculos deludit potius, quam excitat, statim præceps dilabitur, & cum nocturnis umbris, sua brevi luce orbatum, miscetur. Sed Jus Feudale, ubi apparuit, sine mora avide exceptum est, sine cessatione serio perpensum, atque egregie illustratum; neque unquam, tot revolvendis annis, in tanta rerum vicissitudine, sub tam dissimili Regnantium arbitrio, diminutam vidit doluitque suam dignitatem; immo a tot tantisque clarissimorum virorum eximiiis monumentis, quæ hæcenus edita sunt, quæque non indiligens nepotum cura in lucem proferet, immortalem sibi spondet vitam, & progressus expectat ampliores.

Quod si Legum romanarum majestatem famamque meremur, ac extollimus ex hoc ipso, quod summi viri, penitiori doctrina imbuti, sive in XII Tabularum jure interpretando, sive in explicando Edicto perpetuo, sive in aliis subinde enatis legibus enodandis, mentis divitias uberrime effudere: quid est, quod ex hac parte suam non agnoscat egregiam ingentemque sortem, ac non innocue superbiat Feudalis Disciplina; quæ a bene auspiciis suorum natalium primordis magnanimos tot doctissimorum Scriptorum conatus ad se, tanquam ad divitem novæ Jurisprudentiæ penum, revocavit? Invidemus profecto romanis fastis, suos jactare Coruncanios, Atilios, Atilios, Catonem, Sulpicios, qui magnam sibi gloriam, florente adhuc Republica, adepti sunt; quosque insequens ætas sub imperii fastigio numerat quamplures, Scævolas, Papinianos, Paullos, Ulpianos. Sed hanc seu reparant omnino, seu saltem valde imminuunt per pectora nostra serpentem invidiā

vidiam insignes in hoc argumento Prudentes, qui varia quidem fortuna, sed eadem semper sedulitate, pari semper acumine, Jus Feudale tractarunt.

Dum enim inculta adhuc, sed non plano inanís ac contemnenda imperabat doctrina, magna Scriptorum turba huic operi, magus non sine merita laude admovit; inter quos eminet in conficiendis Glossis accurata Jacobi Columbiani diligentia, in compingendis Summis dilucida Jacobi Arizonii brevitás; in exarandis Commentariis subtilitas & argumentorum copia Jacobi de Belvisio; in solidioribus firmandis Opinionibus auctoritas Baldi; qui postquam Jus Civile annos septem supra quadraginta fuerat professus, quasi ad sanctiora limina, ingravescente senio, accedens, Feudalibus controversiis enucleandis postremos dicavi labores, diuturno legalis doctrinæ usu, & subæsto longævæ ætatis judicio, præstantiores. Felicissima postea tempestate, sublato barbariæ velo, politionibus litteris postliminio restitutis, accensa historiæ face, & communi planctu exceptis græcæ & latinæ linguæ deliciis, quando e squalido luridoque, quem prius induerat, angustiore habitu, ac matronalem formam accepit Sapientia, Feudalis quoque Jurisprudentiæ fatum, non levi, qua involvebatur, fugata caligine, novam purioremque lucem explicavit, & decentiori vultu in medium prodiit. In Gallia enim, inclyta illa cultioris litteraturæ sedes, ubi Jurisconsultorum familia singulare genti suæ in Jure romano ornamentum addidit, non dedignati sunt plurimi, qui magna fama inclarescunt, præsertim Cujacius, Duarenus, Hotomannus, Eguinarus Baro, nomina æternitati consecrata, rerum Feudalium cognitionem, ab antiquis sordibus manumissam, viriliter promovere, & latissime diffundere. In Germania etiam, eruditis laboribus assidue exercita ac penitus indurata, perenne Feudali Disciplinæ decus attulere Voltejus, Giphanius, Struvius, Thomasius, quique Legum studio Philosophiam egregie conjunxit, Christianus Volsius.

Apud nos, in hac pulcherrima totius Italiæ regione, sub utroque doctrinæ apparatu, siue intra barbariem involuto, siue elegantius referto, complures Juris Feudalis periti,

riti, alii natalium splendore, alii Magistratus dignitate, alii munere hujusmet Juris in hoc Regio Gymnasio docendi, alii sublimi omnium harum dotium conjunctione, faustissimam annalium nostrorum memoriam cohonestantes; diuturnis vigiliis, summo conamine, & admirabili successu, hanc Disciplinam, exterorum cura sapienter pertractatam, luculentius explicare, uberiusque extendere, sategerunt. En Andreas de Isernia, hujus Jurisprudentiæ fax, interpres consummatissimus; utinam æque felix vitæ exitu, qualis fuerat in cursu: vixerat enim, nti cunctis dignus, ita cunctorum particeps honorum; scolesta tamen manu interfectus, supremæ necessitati miserrime paruit. En Paris de Puteo, Alfonso Regis a consiliis, Ferdinandi ejus filii præceptor, multarum urbium, ad colligendas sapientiæ opes, peregrinatione, tantisque editis operibus immortalitati dicatus. En Antonius de Alexandro, nostri Sac. Reg. Conf. Præses; Matthæus de Asiliæ, benigniorem in juvenia, quam senio expertus ludentis fortunæ aspectum; Scipio Capycius, non minus legali, quam poetica laurea comas præcinctus; quique gravissimas in hisce excolendis studiis curas locarunt, aliis neque ingenio neque sedulitate impares, Bartholomæus Camerarius, & Marinus Freccia. Quid de iis dicam, qui recentiori ævo floruerunt? Inter quos reticendi non sunt Josephus de Rosa, vivido mentis acumine, & firma arguendi contentione, eximius, Cajetanus Ageta, multigena nostri Regni notionum suppellectile præclarus; quique inflat omnium est, Franciscus de Andreis. Is quidem litteras hoc patrio solo jamdiu conspectas, e tumulo, ubi lacrimabiles jacebant, in vitam revocavit; electamque in scribendo eruditionem, ac robustam in orando eloquentiam, antea exules, & avide in hoc dulcissimo Sirenium hospitio placidum æternumque optantes contubernium, bono omine excepit, præstinaque amplitudini restituit. In hunc quoque ordinem referendi, Petrus de Fusco, Seraphinus Biscardus, Nicolaus Caravita, Cajetanus Argentius, non multis ab hinc annis, communi desiderio abrepti; qui, in nostrorum Procerum Feudalibus causis tuendis, nihil, quod ad nitorem, nihil, quod

quod ad robor, nihil, quod, ad nova excogitanda rationum momenta, & inveniri & conjungi posset, in abtusiorebus quibusque hujus Facultatis quætionibus, prætermiserunt; ita profecto, ut illorum fama, laudum sæcunda, inter Curia subsellia, in cordationum hominum congressibus, per proximas remotasque gentes, magnifice resonet & pervagetur; tamdiu prospere duratura, quamdiu suis bonis Artibus honos, suum rei Feudali decus constabit.

Nunc fortasse superest, ut eos, qui hac ætate, ad confirmandam Civitatis nostræ magnitudinem, ad excitandam quancumque dominatricium Nationum admirationem, nobiscum una vivant, inque supremis Tribunalibus, aut nobilissimo Advocacionis instituto, aut rogato judicandi Ministerio, sacundæ doctrinæque specimen quotidie exhibent (quorum partem potissimam in hisce augustissimis ædibus, summa humanitate adstantem, & non sine redundante animi mei voluptate, dicta mea benigne excipientem, circumtueor) pro ipsorum merito commemorem ac extollam. Sed verecundiæ ratio, quæ laudes, in os conspectumque eorum proferendas, respuit; temporis excursus, qui longiorem, ut oporteret, non patitur moram; dicentis imbecillitas, quæ non ornaret, sed imminueret commendationem; cogunt me ab hoc proposito abstinere. Ceterum, in obsequium cedat ipsum, quo utor invitus, silentium; & saltem, quomodo hi forent laudandi, ipsa mea palam faciat, quam ingenue profiteor, debitæ contæxendæ laudationis impotentia. Sed ut vela tandem Orationis meæ contraham, verbo concludam: Ex tot in humana societate institutis Facultatibus, hanc Feudalem, præ suæ dignitatis præstantia, nulli cedere; multis ob Reipublicæ utilitatem præesse; nusquam, nisi collapsis communis boni fundamentis, posse extingui.

Eja igitur, bonæ spei Adollescentes, hoc fortunatissimo seculo nati, sub hoc mitissimo cælo enutriti, virtuti propositis a tanto PRINCIPLE, quo regimur, præmiis allecti, in hanc, quovis laudum cumulo majorem, suoque merito abunde dotatam, Juris Feudalis disciplinam, servido assiduoque nisu, incumbite. Quanti ea sit habenda,

ex

ex ipsius argumenti maiestate, ex tam grandi belli ac pacis presidio, ex hac ipsa, ut antiquus mos obtinet, togati Viri ad hanc exornandam provinciam destinatione perpendite. Quantum ad me, ut ingenuus huic doctrinae redeat honos, nec fucatus ac meretricius triumphet apparatus, pudori ducam, per futes quasdam concertationes, aut involutas disputationum ambages excurrere; nudas & leporis inopes, notiones tradere; enerves languidasque Originum Feudalium conjecturas, a nugigerulis magno pretio venditas, confectari; superstitiosas putidasque novarum vocum, quæ e puro Latini sermonis fonte longe defleunt, etymologias exponere; ne inter seria videar acute somnare; &, in speciem, lusus erudita deliria iuventuti obtrudere. Præstat potius, non sine decore commentitias quasdam nescire opiniones, quam per summam temporis jacturam poenitentiae ac doloris sociam, inaniis onerari; & minus, communi sapientum calculo, nocet rerum ignorantia, quam confusa illarum cognitio. Juvabit tamen, reclusa hujus Facultatis penetralia adire, arcanam inquirere doctrinam; succo ac sanguine plenam comparare utilitatem. Siquid ingenio meo atque acumini deerit; vigilantiae & assiduitati profecto deerit nihil. Hæ tantum in me sitæ sunt; nec culpa carebo, si has deferam. Illa non item. Quo fit, ut si laus absit, venia tamen non negetur. Vos interea efficite, ut respondeat curis ac votis meis diligentia vestra, & maximus ille, qui in vobis residet, conatus; cui illud unice difficile est, quod aggredi nolit; ardua quæque facilia, dummodo aggrediatur. Excitet Præceptoris animum, & vires augeat Auditorum alacritas. Mutuo fœdere utrimque labor nobilitetur: meus in docendo, futurus vestro profectu non inglorius; vester in addiscendo, pro mea expectatione a cunctis civium Ordinibus commendandus: atque ea vos splendida honoris flamma accensos volo, quæ tales ac tantos, non vulgi opinione, qua vel falsa virtus extollitur, sed sapientum judicio, quo constans meritum probatur, vos in hac ornatissima Civitate reddat; ut quæ sitam a Majoribus vestris in hac Scientia famam vos superasse, nemo non videat; vestram, continenti studiorum cursu quærendam, aut vincere, aut saltem æquare, posterius deserent.


JOSEPHI AURELII
DE JANUARIO,
NEAPOLIS ET SICILIAE REGE
A CONSILIIS,
EPISTOLA,

Collectioni Dissertationum & Ousculorum

JURISPRUDENTIÆ,
Q U A M
LITTERARIA SOCIETAS

Bernæ apud Helvetios editatur,

P R Æ F I G E N D A.



CLARISSIMO VIRO FELLENBERGIO,

BERNENSIS ACADEMIÆ SOCIO,
JOSEPHUS AURELIUS
DE JANUARIO,
NEAPOLIS ET SICILIÆ REGI

A Consiliis.



Uæ mihi tuo, tuæque doctissimæ Societatis nomine, litteræ perlatae sunt, eo jucundiores evasere, quo minus expectatæ. Nata ex improviso voluptas, major videtur, quam quæ sperata obvenit. Scatent hæc litteræ laudibus in me uberrime collatis; quæ humanitate tuæ dignæ sunt, merito meo longe majores. Ago igitur grates: reddam, ubi ferat occasio. Tuum est, præcipere; meum, mandatis tuis obtemperare: alterum anxie desidero: alterum vero lubentissime persequar. Satis hoc ad officia, in quibus animi fidem, brevis sermo aperit, fucum est prolixus. Venio ad susceptum a vobis institutum, de quo me certiores facitis, & quid de eo sentiam; postulat. En tibi, uti jubes, morem gero. Vos colligendis egregiorum Scriptorum Opusculis ac Dissertationibus, quæ bonis Artibus favent, vacatis. Laudo propositum, quod a nemine non laudabitur; & gloriam, quæ in vos recidet, non a meo, quod tenue est, sed a communi Sapientum judicio, quod invidiam superat, comparabitis. Probe teneo, isthæc Opuscula sinistro plerumque fato vexari; parva

parva mole ex se ipsis non sustinentur; quamvis doctrina & elegantia niteant, & exile corpus pulchritudine sua commendent. Vagantur sine duce, qui præstet auxilium; tuto carent hospicio, ubi suo consulant periculo: & , nisi aliorum industria accedat, livida oblivioni facile immolantur: non secus ac puelluli sub dio infelicitèr expositi, quibus vita deficit, nisi præsto viatorum pietas sit, quæ innocuam ætatem ab interitu vindicet, eosque sub publica tutela alendos tradat. Summi igitur beneficii loco habendum, quod huiusmodi non illepidi nec insuaves libelli, qui longa nocte pressi jacerent, in amicam lucem prodeant; & vires, quas ad reparandam eorum jacturam satis firmas non habent, ab ipsorum Collectione, quasi invicem communicato nexu, validiores consequantur. Sed, ut paullo fusius meam super hoc argumento sententiam aperiàm, sinas, ut de Sapientiæ origine, progressu, atque eo, quo nunc floret, statu, per summa capita nonnihil edisseram; ut inde singuli colligant, quanto facilius veteribus patuerit, quanto nobis difficilius ad Sapientiam ipsam via sternatur; quibus adjumentis illos carere, nihil nocuit; nos vero privari, plurimum officit; præsertim hisce Collectionibus, quas nedam utilitas, quovis quærenda precio, commendat, sed necessitas, omni superanda conatu, ex-
postulat.

I

MENS homini data est, eique, quasi splendida fax, comes ac dux ratio adhsit, ut non ea tantum, quæ sub rudem adspæctum prima fronte cadunt, vitæque necessitatibus, pari cum brutis conditione, inserviunt, sed quæ altius adsurgunt, animumque supra se ipsum elevant, singuli cognoscant. Hinc ille semper impiger, nunquam satur Sapientiæ amor, qui nobiscum oritur, paulatim adolefcit, atque eo progreditur, quo pro sua quisque facultate pervenire contendit. Hæc tamen Sapientia non statim sese mortalibus aperuit; naturam imitata, quæ viventium corpora non ea lege efformat, ut
inte-

ut integras extemplo vires accipiant , sed abs tempore per gradus expectent . Quare pueritiæ , ut ita dicam , imbecillitatem passa est Sapientia ; iuventutis robur inde acquisivit ; virilis ætatis firmitatem in cursu est adepta : ad senectutem tamen non adhuc pervenit , quam ejus vivida semper fecunditas reparat ; nec mortem timet , quam nescio quæ divinitatis pars , ei tributa , prorsus excludit . Quidquid igitur in abdito nature sinn occultum latet ; quidquid in vasto humanorum affectuum regno in vitium pergit , aut ad virtutem accedit ; quidquid in administranda Republica ex prudentia oritur , non primitus ac repente ante oculos , plena distinctaque imagine positum est ac referatum : privatæ ac diuturnæ cogitationes , agitatæ inter acutos viros controversiæ , firmatæ ab experientia cognitiones , magis magisque in dies propagatus commerciorum usus , suscepta inter diversas nationes eorundem studiorum cognatio , aperta tradendis disciplinis gymnasia alere , tutari , ac augere Sapientiam coeperunt .

II

In hunc modum Sapientiæ successio , lento progrediens , supremi rerum Artificis consilio non caruit . Poterat hic solo nutu , qui omnia , quæ vult , statim perficit , uti pleraque alia veloxi imperio perfecit , hominem absolutissimâ Sapientiâ , sine mora , sine ipsius hominis cura ac fastidio , magnifice dotare . Noluit tamen : & , si liceat conjectare , ita statuit , ut assiduo conatu mortales Sapientiam , seu proprii sudoris mercedem , præmiisque diligentiam , sibi compararent ; ne in somniculosa quiete , ac pigra voluptate vitam , scænorum datam , inertes traderent . Idque non brevi , quod superbiam ingerit ; sed longo studio , quo suam quisque imbecillitatem cognosceret , per sua , & quidem salebrofa , intervalla acquireret .

III

Curiositas , quæ ab arumnosa incertitia nascitur , &
M inde

inde felicissima mater fit Sapientiae, pectoribus mortalium insita, mentem acuit ad ea inquirenda, quae non modo sensu, sed ratione percipiuntur. Sensus oculos habet saepe mendaces rerum testes, eisdemque sapissime indoctos iudices, & non raro incautos veritatis proditores: quamobrem ille & sine sua culpa fallitur, & sine dolo malo alios fallit. Ratio ad interiora pergit, atque ea explorat, invenit, decernit, quae primum fugiunt obtutum, errorem expellunt, veritatem confirmant. Rudia sane, ut infirma rerum omnium conditio est, fuere subolescentis rationis principia: quo factum est, ut parum a mendaciis veritas distaret; & nescio quam cum verisimili cognationem falsitas contraheret. Ea, inter Mundi exordia, visa tutior cognitio, quam firmabat experientia; tacite docens, quod non adhuc perspicue ex intimis causis explicari, inculta tempora sinebant: prima objectorum facies animum fascinebat; incertisque opinionibus malignam conciliabant auctoritatem praerudicia. Deficiebat meditandi ordo, cuius ope, quod dubium est, solvitur facillime; quod certum, tuto quis amplectitur; ex cognitis incognita illustrantur; ex simplicibus composita efficiuntur. Conjecturarum libertas, modestiae & docilitatis parum amica, furebat potius, quam legitime regnabat. Quisque, sine adversario, suarum fiebat cogitationum arbiter; alienas sine examine repellebat, suas sine discrimine adoptabat. Non adhuc Artes ingenue Facultatibus apta vocabula invenerant: non aperta discipulis gymnasia monitis ac praecceptis resonabant: clausa inter externas nationes litteris societas, mutuam in scientiis prohibebat utilitatem.

IV

Aegyptii, imperfecto, quo poterant, conanime, Sapientiam excolere aggressi sunt; commendatione digni, quia incoeperant; non imitatione, quia nugis illam corruperunt, & spurio honore donarunt. Potissima eorum cura in perscrutandis astrorum cursu ac facie, ut incognito timore in adversis, mendaci laetitia in secundis vestirent pra-

præfagia, in fingendis itidem fabulis prodigi, ut gentis stupiditatem inanis alliceret admiratio: demum in augendo Deorum numero ad insaniam studiosi, ut superbum dilataret imperium molesta superstitio; & infœcundi stiptes, mutaque saxa, Divinitati consecrata, in ignominiam converterunt ritus & altaria. Hæc doctrina, incaute a Majoribus accepta, nonnisi memoria & colloquiis, ut animo insideret, servabatur; angustos ob cogitandi paupertatem jactabat fines; paucisque circumdabatur notionibus; quæ sine longa disputatione addiscebantur, & errorum plenæ, sine delectu, popularem nutriebant crudelitatem. Quamobrem in hisce studiis exercitatio plerumque inutilis, aliquando nocua, paucorum mentes occupabat; qui, in tutamen acquisitæ super alios potestatis, vulgo potius imponere, quam veritatem docere curabant: reliqui, & sane innumeri, falsis parebant erroribus; & dogmata caligine circumvallata sequi potius, quam perpendere adnitebantur.

V

Apud Hebræos sana equidem doctrina, quia non ab ipsis instituta, sed a Deo singulari beneficio tradita: Commenta ab effreni aliorum populorum libidine excogitata, quæ profanum Sapientiæ regnum coinquinarent, procul abfuere. Omnia in sacro Codice graviter exposita: nihil ibi inconstans, nihil infidum, nihil humanitati contrarium, nihil Divinitati injurium. Ex hoc fonte manat publicæ disciplinæ norma, fida concordiæ regula, solidum amicitiz pignus, salutaris erga Deum timor, & quidquid ad regendam vitam, pro comparanda æterna felicitate, magis expediat. Sed diu hæc doctrina, tamquam divinæ veritatis depositum, ac futurorum eventuum æternum ac immutabile testamentum, religiose custodita, Nationi cælo dilectæ tantummodo patuit; in alienigenas, a quorum commercio & societate abstinuerunt Hebræi; haud plene ac facile commigravit; donec, impletis divinis oraculis, ac firmato Christi Regno, ingens apud posteros atque illustre argu-

mentum evasit ad exercenda clarissimorum viro-
rum ingenia, in pietatis obsequium conversa, & in solidæ erudi-
tionis ornamentum inflammata. Hebræorum tamen Re-
publica manente, non apud omnes hæc doctrina spatiaba-
tur: eorum pars major pecori regendo, colendis agris,
militiæque artibus vacabat: non ingenii ostentatione ac
fastu tumida videri, sed fervido opere modestoque vivendi
cultu utilis fieri studebat. Solis data est Sacerdotibus sa-
crarum Scripturarum interpretatio; qui non disputando
garruli, sed præcipiendo graves, rudem populum mone-
bant, horrabantur, & in spem promissæ magnitudinis ac
felicitatis erigebant. Rabbini vero quædam hariolandi in-
sedesit libido, inaniis gravida, quæ non ipsis speratam
gloriam, sed risum plerumque peperit & contemptum.

VI

Itaque, dum vetustam Sapientiam contemplamur,
exceptis paucis Africæ Asiæque locis, in quibus illa, alibi
falsa, aut saltem imperfecta; alibi vera, sed secreto in
angulo posita; ubique tamen nimium non aucta, sed de-
finito quodam limite circumscripta excipiebatur; ab aliis
vero, & sane innumeris Mundi regionibus longe errabat;
& prorsus incognita, nedum obsequio carebat, sed ne sui
quidem desiderium excitabat. Sapientes hisce in gentibus
illi erant, qui minus feroces. Educatio imminuebat vel au-
gebat morum asperitatem: & in tanta rerum caligine vir-
tus honore suo carebat, vitium voluptati inserviens, odio
non affliciebatur; bonum plerumque casu potius, quam
consilio emergebat; plerumque etiam malum non tam
firmo proposito, quam fatua consuetudine sese insinuabat.

VII

Ad Græcos deinde Sapientia pervenit; & apud hanc
gentem, veluti solennibus nundinis exposita, singulis,
quam vellent, preciosam mercem exhibebat: & ut, præ-
ter receptos aliorum populorum mores, luce publica frue-
retur,

retur, non domestico silentio contenta, non solitariis meditationibus adstricta, sub umbra latitabat; sed in medium vivida ac operosa se proferens, facilem aliorum congressum invitabat, amica etiam excitabat dissidia, pugnabat acriter, ut cum gloria vinceret, aut cederet sine ignominia; novisque adjumentis circum undique prædita, suæ augmentæ dignitati curas omnes quam maxime adhibebat. Porticus ad disputandum intruxit; Forum ad persuadendum armavit; Theatrum ad componendos mores exposuit: acumen in disputationibus, pro veritate ex rerum visceribus eruenda, excitavit; in suasionibus vim eloquii pro sanioribus capiendis consiliis explicuit: in moribus componendis honestatem, virtutum omnium ducem, decoris effinxit coloribus; deterrimis vero turpitudinem, ingenue naturæ inimicam; delectationem, quæ sola nocet, cum utilitate, quæ illi conjuncta magis arridet, dulci nexu commiscuit: & in fabulis etiam, quibus inveniendis ac ornandis festivum Nationis ingenium ferax fuit, non vulgarem nec ociosam interno sibi condidit doctrinam. Demum peregrinationes, non inani curiositate, sed servido discendi studio a Græcis frequenter susceptæ, vastum ingenii ad grandia quæque natis lumen attulere: comparatione enim & examine diversarum consuetudinum, quibus populi eorum ex indole gubernabantur, id quod melius, æquius, præstantius, utilius, incomparabili optione in suos usus feliciter convertebant: ita sane, ut nec superbiæ accusari Græcia umquam deberet in damnandis rejiciendisque alienis, nec dura rusticitatis coargui in propriis non tradendis & communicandis institutis. Sed hujusmodi Græcorum in bonis Artibus exercitatio non ea infelici sorte premebatur, quam rerum vastitas, raro confusiois expertis, ingerit: tota fere in hominum officiis sese continebat; & huic etiam proposito ipsamet referebatur Poesis, nobilis, nimiumque ab hoc populo in deliciis habita occupatio, delectando æque ac docendo sedulo intenta. Non ingentia scriptorum, qui, æternitate nominis digni, præcesserant, volumina difficilem in Sapientiæ palestra operam reddebant: non omnes fatili pruritu abrepti, nullisque naturæ &

artis præfidiis muniti, ad prostituendam potius, quam ad exornandam Sapientiam se convertebant; sed ii tantum, qui suarum virium compotes, sub egregiis magistris enutriti, longinqui ac pene improbi laboris patientes, grande suorum studiorum specimen exhibebant.

VIII

Tardius Romanorum pectora Scientiarum amor invasit: tarditati vero pretium addidit magnitudo; & expectationem: felix ac insignis exitus superavit. Adhuc ambigitur, armis ne potius, an litteris eorum gloria creverit ac majestas. Dominandi insatiabilis cupido, quæ hujus populi cora fuit nimis fervida, bonis Artibus detrimento non fuit; imo meritum auxit, & bellicæ Virtutis cum Sapientia nobilis cognatio apud omnes gentes Romanum nomen perenni memoriæ consecravit. Illud singulare & præcipuum de Romana gente prædicandum, summam in ea fuisse studiorum gravitatem, summum decus; nihil asperum, quod posset exprobari; nihil incultum, quod sperni posset: omnia ad utilitatem, quæ commoda promovet: ad facilitatem omnia, quæ invitos etiam excitat atque impellit. Præterea in discendo, licet assiduus, nunquam ingratus labor evadebat: ea disciebantur, quæ nosci libero homine digna erant; prætermittebantur, quæ tempus pudendâ jacturâ fallebant. Delectus rerum, non copia animum ad se revocabat. Melioris notæ Scriptores tum Græci, tum Latini ante oculos versabantur. Physicæ Facultates per otium non negligebantur omnino; sed quia incertæ, severioribus studiis non præferebantur. Hujusmodi Sapientia in agris amœna rusticabatur; generosa in bello pugnabat; in rostris exæstuans animos accendebat; domi sagax privatis consulebat negociis; foris vigilans publicas reparabat necessitates. Ceterum Quirites si cum aliis Nationibus conferantur, pares in reliquis Scientiis multos enumerant, aliquibus etiam fortasse majoribus invident; parem vero majoremve in Jurisprudencia neminem habent: quam Artem, regendis populis tam necessariam, ac civili fo-

fovendæ concordiæ tam opportunam, ad summum dignitatis culmen splendide eduxerunt. Quo factum est, ut, regulis bene constitutis, varium pro rerum circumstantiis, sed semper placidum suavemque exhiberet vultum Æquitas; immotamque voluntatem, nullo metu perculsam, aut imbelli misericordia fractam, perpetuo servaret Justitia. Profecto isthæc Natio, quasi generis humani magistra, militari studio summum acumen, incomparabilemque temperantiam, ad excitanda humanitatis officia, feliciter adjunxit: nec opinandi libidine, aut imperandi superbia (quæ sunt vitia triumphatoris exercitus) sed singulari modestia, ac subactò judicio (quæ paternæ auctoritatis imagines sunt jucundissimæ) jura condidit ac vulgavit: ita sane, ut meliora devictarum gentium instituta, siqua reperiēbat, prorsus non despexerit; sed, quasi supellectilem, auro ac gemmis cariorem, ab ignotis antea regionibus advectam, in proprios mores convertere haud fuerit dedignata: & hac animi facilitate, non tam debellatis hostibus, exosa servitus præscribi, quam amabilis induci societas visa; totusque terrarum Orbis in unam coalescere civitatem cœpit; cujus habitatores sola locorum distantia distinguebat, conjungebat autem eadem Legum suavis potestas, idemque obtemperandi amor & docilitas. Romana igitur Jurisprudentia non unius ætatis depositum, non unius populi studium, non unius doctrinæ ornamentum evasit; sed cujusvis ævi inconstantiam fortiter vicit, universarum gentium pectus acriter inflammavit, & quidquid in Scientiis omnibus grande ac nobile emicuit, in propriæ disciplinæ præsidium, & decus sapienti delectu adscivit. Hujusmodi Facultas, egregiæ eruditionis mater, solidæque Philosophiæ nutrix, ad sui cultum tot tantosque evocavit Interpretes, ut horum familia in publicis privatisque rebus summam adepta sit auctoritatem, & iugeniū gloriam comparaverit pene infinitam.

IX

Post extinctam Romani Græcique Imperii majestatem; post divisam, seu potius laceratam inter barbaras

gentes tot Regnorum ac Provinciarum dominium, post confusas demum, & impudico connubio sociatas incultorum populorum linguas, immutata statim facies Sapientiae. Anteaactis saeculis non interrupto itinere per gradus illa processerat; tennemque, quam prius acceperat, dotem cum dignitate in dies coli, ingentique cum usura paullatim augeri, experiebatur: ætatis progressu ditior semper reddita, numquam deterior. Ubi vero in hæc tenebrosa ac lugenda tempora incidit, non alia ex culpa, quam quod nimia sua luce debiles oculos pertringeret, exilio misere damnata est; & præpotens, uti fuerat, ingeniorum regina, squalidæ frontis vidua apparuit; locumque triumphanti præ sua tyrannide præbuit inscitiae. Hæc luctuosæ indolis labe, tandem suæ turpitudinis conscia, & quasi longo e veterno excitata, ut dedecus, quo vitiabatur, emendaret, novum ac informem præpostero consilio ementitæ Sapientiae adspetum induxit. Immerita futilibus rebus collata dignitas; posita in opinionum portentis, verborumque monstris tota scientiarum magnificentia ac splendor; fucō ac fallacia, tamquam natis ex acumine illecebris, insipidus sermo ornabatur; & veritas eo placebat minus, quo magis infœcundis argumentationibus plena dominabatur periculose novitatis lubido; laudatore carebat decora facilitas; solenni præconis voce extollebatur tricus onerata subtilitas. Sed, quia tanto premi infortunio hominum mens non debebat, & inter sordes diutius jacere Sapientiam, par non erat; supremo adjuvante Numine, in pristinam fortunam, temporis spatio haud quidem exiguo, sese ipsa convertit.

X

Décimo tertio circiter ab auspiciatissimis Redemptoris nostri natalibus sæculo, & felicius inde décimo quinto iterum elegantiam & leporem ad se litteræ, quasi possimilio donatæ, revocarunt; & cultioribus studiis spiritus rediit ac vita. Principum favor, grande ad virtutem & efficacax incitamentum, coronatumque plausu ac præmiis meritum, exantlatis laboribus acquisitum, ad propulsandam bar-

barbariem, fovendasque bonas Artes viam aperuere; & per hæc tempora Italo prius caelo, aliisque deinde regionibus, priscam redonarunt dignitatem. Tanta fors nobis multo cum fœnore obvenit; & Majorum hereditas, in ornatissimis Scientiis fundata (quam per invidiam caliginosi dies eripuerant) commodo posteritatis in integrum restituta est, non avitis tantum opibus ovulla, sed novarum accessionum ferax & innocue superba. Hac suppellectili imperii sui confinia, qua Sol habitabilis Mundi plagas illultrat, longe lateque dilatavit litterarum Principatus.

XI

Statim igitur a ridiculis pudendisque spectaculis in majestatem suam conversa est scena; in evolvendis veterum libris, situ antea & pulvere oblitis, exarsit animus; in scribendo summa adhibita est diligentia; nihil sine utilitate tractatum; omnia ad doctæ antiquitatis imitationem digesta: dicendi garrulitas, quæ odium parit, prorsus exclusa: concinna verborum contractio, quæ ad perspicuitatem collineat, recepta. Sed duplicatus est labor: veterum enim monumenta derelinquere, piaculum erat; priscis nova non addere, misera paupertas: hinc fervebat erga antiquitatem veneratio; illinc gloriæ stimulus pro desiderato Scientiarum incremento acriter urgebat. Ex aridis cineribus ad nobilem vitam renatæ sunt cultissimæ linguæ, Hebræa sanctimoniam spirans; Græca lepore & copia affluens, & plena majestatis Latina: quarum cognitio licet jucunda; vasta tamen ac difficilis in adeundis ipsarum penetralibus, & etymologiis probe eruendis evasit. Novæ subinde & multiplices exortæ, non quidem indoctæ, sed quas quotidianus usus ac impigra diligentia ad miraculum expolivit. Itali suam merito jactant ad omnia sublimia æque ac humilia flexilem: Galli suam, dulcedinis amœnitatisque divitem, & præ ceteris docendo idoneam: de sua etiam Germani & Britanni gloriantur, quæ quamdam durtiem multa sententiarum gravitate compensat. Quisquis igitur solas hæc linguas (ut alias omittam, potius commercio uti-

utiles, quam litterarum cultui necessarias) plena velit peritia tenere, vitam, utut longissimam, huic operi brevissimam fatebitur. Quid de Scientiis dicam, quibus nova rerum excogitatarum copia ad augendam Sapientiarum ditionem accessit? Sane non iniqua prædicanda est natura, nimis in veteres prodiga, nimis in nos avara; non integram illis gloriam addixit, partem quoque non exiguam nobis, ne noverca videretur, servavit. Per omne tempus opes suas humanum effudit ingenium. Plurima excogitavit antiquitas: plurima, quæ excogitando posteritas invenit, nunquam defuere. Non hic de Eloquentia ac Poesi loquor: hæc, quo magis a sua origine abscedunt, distant magis a sua dignitate: perfectæ nobis traditæ; & quidquid additur, ineptum; injuriosum est quidquid detrahitur; earumque pudicitiam, uti omnis novatio violat, ita fida imitatio servat ac tuetur. De reliquis Disciplinis secus res sese habet: temporis excursus nihil primaræ magnitudinis ipsis ademit, multum tamen superaddidit recens ætas.

XII

Mathesis, Physicæ ac Medicæ Facultates, novis investigationibus, novisque experimentis, quasi ab angustis obscurisque carceribus in lucem ac libertatem educæ, per apertissimos campos excurrere visæ sunt. Senescit profecto Mundus; sed, contra senectutis indolem, novas potius vires acquirit, quam veteres amittit. Nonnulla prius ignota casus aut industria postea detexit: quod difficile & insuperabile Majores crediderunt, Nepotum cura facile ac proclive reddidit. Ars quodammodo naturam vicit; & opem, quam hæc negabat, illa ex ingenio suo paravit. Verum, ut de iis Scientiis, quæ sub obscuritate ac incertitudine minime nutant, sermo instituat; venio ad Historiam tam Civilem, quam Sacram. Civilis, procedentibus annis, ob rerum gestarum seriem perpetuo recurrentem, in immensum crevit. Novæ exemplorum imagines, novæ regnandi artes, variae sceleri apertæ viæ, variae virtutibus paratæ occasionēs, Morum ac Politicæ doctrinam

supra

supra receptas olim antiquorum institutiones magnopere ditarunt. Sacra vero, quæ ante Christi legem, non nimis lato circumscripta ambitu, angustiora complectebatur monumenta; dilatatis postmodum finibus, & sparsa per universum terrarum Orbem veræ Fidei luce, infinitis pene egregiisque factis sæcula nobilitavit: & utraque pro servandis Imperii ac Sacerdotii juribus ita invicem amico foedere colligatur; ut alteram sine altera lustrare ac perpendere, parum doctrinæ temporum, & diversarum Potestatum concordia conferat.

XIII

Porro Romanorum Jurisprudentia, aut a barbaris non cognita, aut præ rustico eorum palatu contempta, pristinum accepit nitorem; quodque pene amiserat regnum, majori gloria recuperavit; & nescio veteri non caruit obsequio, sed novo abunde est cumulata. Opes suas, in splendida cruditione repositas, a nobili Interpretum conatu cunctis referari vidit: & ipsa in Forum introducta, nec semper (ut temere quidam effatiant) loci malitia indigne profanata, aut inscitia Advocatorum misere corrupta, quotidianis controversiis ingens lumen attulit; recteque ferendis sententiis tutam normam constituit. Leges non omnia complectuntur; extenduntur tamen ad omnia vi argumentorum, quam Fori tritura excitat, digerit, & ad veritatem eruendam instruit. Sine hac bellatrici, ut ita dicam, exercitatione, jura splendore quidem suo niterent, usu languescerent, plus admirationis, parum utilitatis asferrent. Civili Jurisprudentiæ ea addita est, quæ Canonica dicitur. Illa sæculi Principes pro Reipublicæ tranquillitate; isthæ Ecclesiæ Præsules pro animarum regimine auctores habet: prior inventione nobilis; æque nobilis imitatione posterior; nobilior tamen reapse, quæ altius supra fugacis temporis sortem adfurgit. Utraque magnam jactat latifundium; & titulos numerat, re plerumque diversos, ordine tamen ac inscriptione fere similes & conformes. Theologia, quæ apud præcos Idolorum affectas, somnia & fabu-

fabulas in opprobrium Divinitatis ornat; in sacrosancta nostra Religione æternæ veritatis recessus aperuit. Hæc quidquid in reconditis omnipotentis consilii mysteriis arduum ac difficile celatur, quidquid imbelles naturæ conatus prætergreditur, quidquid supra rationis ambitum extollitur, summo obsequio exponit, sano acumine discutit, solida eruditione confirmat.

XIV

Ars Critica, quæ non antea veterum monumentis defuit, sed modesta latuit, & verecunde jus suum exercuit; recentiori ætate plus iusto, & præter necessitatem nimis sollicita, armis non tam ad fatuam credulitatem expugnandam, quam ad irritandam etiam honestiorum hominum patientiam instructis, in arenam descendit. Acerrius pugnatum. Pugnandi causæ aliquando graves, prælio dignæ, ob utilem victoriæ exitum; sæpius leves, ob inanem, qui ex his refertur, triumphum. Placuit tamen in utraque fortuna pugnare; & eo pugnandi cupido evasit, ut, ubi extincta videbatur, truculentior exurgeret; frenò quidem nunc coercenda, cum amplius stimulis non indigeat. Antiquitatis denique studium, quod perpetuo veluti fideicommissum a Majoribus accepimus, ad intimas adfiduæque meditationes animos inflamat. Inscriptiones, & icones, ære aut marmore incise; statuæ ac instrumenta in varios usus a veteribus constructa; aut quidquid est aliud curiosis oculis adspectabile atque insigne, quod integrum, beneficio temporis, hætenus servatur, aut fractum, corrosumque, in speciem thesauri, e latebris effossum luci restituitur, dotem hinc exercitationibus nimis pinguem statueret. Hæc omnia infidum conjecturis imperium largiuntur, quæ, sæpe recto examine dispositæ, vetusta organa illustrantque monumenta; non raro tamen speciosis mendaciis, contortisque hariolationibus imperitos rerum in fraudem conjiciunt; iis vero, quibus imponere non facile negotium, nauseam creant.

Hic

XV

Hic tantus doctrinarum apparatus felicitati nostrorum temporum mirum quantum faretur? vitæ tamen brevitati, quæ complecti nequit omnia, votisque nostris, quæ excludere nihil vellent, maxime nocet. Copia laboramus, eo minus ferenda, quo illa opprimit, non sublevat: in melioribus feligendis non levis difficultas: urget inde desiderium ulterius progrediendi: relinquimus illa; amplectimur ista: parum, dum cura dividitur, in quævisque proficimus. Ecquis est enim, qui naufragium non patiatur in immensa voluminum congerie, quæ firmam quamque impavidamque terrent oculorum aciem? Latet prorsus, plus ne utilitatis, an incommodi, Reipublicæ litterariæ attulerit mirabilis typorum inventio, fecundissima ad propagandas insignium Operum editiones mater, cui Scriptores incertam antea vitam & sæpe obscuram, perennem nunc debent ac luminosam. Sed oh! quanto felicior, si adulteram eam non reddidisset luxurians multorum intemperantia, qui sætus, malo ominis natos, ita perditæ amant, ut emori videantur, nisi eos typis infausse tradant. Hinc facile colligitur, longe majus ad parandam Sapientiam nobis onus impositum, quam veteribus. Nos quantum temporis perpetuæ lectioni impendimus, tantum libere meditationi detrahimus; illi, quantum sat erat, legebant, accuratius meditabantur: memoriam nos plus nimio exerceamus; laxius illi ingenio utebantur; aliena nos perscrutamur; propria de suo illi pariebant. Quamobrem desideranda potius foret quædam sobria paupertas, quæ ad novas querendas divitias invitaret; quam tantæ jam fucatæ divitiæ, quæ nos ad animi paupertatem redigunt. Res ex se ipsa patet. Quod si computatione indigeat, hoc ipsum cibi monent, qui pauci sanitati consulunt, multi ægitudinem afferunt: monent hoc ipsum imbrēs, quorum ingenti impetu terra flaccefcit, moderata copia nutritur.

Verum

XVI

Verum enim vero, ut aliquod incommodis nostris, quæ ex ipsa auctarum Scientiarum ubertate manat, remedium præsto foret, inventa sunt in nostræ imbecillitatis subsidium Compendia magnorum Operum, & Lexica. Hisce contractæ in epitomen longæ tractationes, aut juxta dispositam vocabulorum seriem res strictim explicitæ, minus memoriam torquent, intelligentiam fatigant minus ac opprimunt. Optime factum, si hoc auxilio uteremur, quantum res ipsa modeste postulat; non quantum in futilem ambitionem propensa immodiceque diffusa invaluit consuetudo. Compendia, quamvis illa sint, quæ elegantia non carent, primas afferunt sub externo cortice notiones; leviter ac fugaci cursu res proponunt; non illas ex sua origine ac progressu plene tractant; faciliora ostendunt; implicita ac recondita prætermittunt. Lexica vero per saltum, & facis more per oberrantes vias celeriter prætereuntis, ex re in rem transiliunt: nullus in iis nexus & concordia: ubi vocabulorum situs aliquid exponi postulat, tantisper ibi immorantur; ad omnino diversa mox excurrunt: alterum ab altero non pendet, nec mutuo fœdere colligatur: multa quidem memorantur, sed incomposito itinere ac tortuoso: quod prius colligitur, re nova proposita, statim derelinquitur: & si, filo ac ordine deficientibus, confusa & imperfecta omnia tenui nosprecio emimus; tenuissimo venditamus. Sapientia, quæ hisce ex fontibus derivatur, meretricia ac fucata pulcritudine incautos allicit; non autem pectus solida eruditione conoectum reddit: superbos constituit, qui doctrinæ superficie instantur: neminem, qualem desideramus, integre doctum exhibet, qui intimas rerum causas recte videat, funditus exploret, perspicue dissolvat. Non adeo tamen hujusmodi libri damnandi, si in peritissimorum manus incidunt. Juvant profecto, ut sub brevi aspectu quisque perlustraret, quod antea summis vigiliis comparavit; & memoria, huc atque illuc distracta, res illas ad se revocet, quæ aufugerent, & sine hac face obscuræ laterent.

Nullum

XVII

Nullum tamen hac in re præstabilius remedium apparet, quam potissima eorum cura, qui in unaquaque Facultate Opuscula succi & sanguinis plena colligunt; atque ex ipsis nitidum corpus, lectissimis membris compactum, efformant, ac in medium pro communi bono proferunt; quod, doctissime FELLENERGI, vestrae ornatissimæ SOCIETATIS in præsens est institutum, laudandum, ut nihil supra. Mirabilis ex hisce Collectionibus exsurgit delectatio, eximius speratur profectus. Varia super iisdem vel diversis argumentis Scriptorum indoles deprehenditur, eorum scilicet, qui conciso vel ubere stilo sensus explicant; qui subtilitate rationum, vel exemplorum copia polleant; qui aliorum excogitata novis repertis confirmant, vel solidis argumentis destruant. Addas ex ipsa brevitate, cui adherent Opuscula, nescio quid celeris ac repente vibrati ictus oriri, quo non sine hilaritate excutimur; nec ingrata mora ac fastidio, quibus studiorum iter aut non suscipimus, aut susceptum deferimus, torquemur. Ingentia volumina, quæ utinam perpetua niterent dignitate, gloriamque omni ex parte consequerentur, raro admodum & a perpaucis integra obstinato conatu volutantur: & si quis est, qui in tam improbo labore delicias suas faciat, aut vi necessitatis ab hoc instituto nequeat dissolvi, duro compede detentus ad alia accedere prohibetur; & uno doctrinæ genere faginat, macer ac jejunos in reliquis, quæ forsitan negligenda non forent, miserrime contabescit.

XVIII

Sed quæ tibi, Vir clarissime, a Sociis tuis ornanda demandatur provincia, Dissertationum nempe & Opusculorum, quæ Jurisprudentiam spectant, Collectio, nobilior, mea quidem sententia, videtur: & tibi eximium honorem paritura. Reliquæ, quæ in Republica litteraria Scientiæ versantur, commendandæ omnes quidem & colendæ; at non eadem omnibus utilitas ac præstantia. Quædam de-

lectant sine proventu ; juvant alie sine gratia ac lepore : nonnullæ obscuris involutisque reguntur principiis ; & , dum ultra progredi tentant , retrorsum impelluntur . Non desunt etiam , quæ inconstantia temporum hominumque versatili ingenio mentes in contraria scindant studia , & in eligenda tutiori sententia spiritum exagitent ac contorquant . Jurisprudentiæ tamen ea dos in numero constituta , ut ab omnibus amari debeat , a nemine præteriri . Quod si præcipuas necessariaeque Facultates (quæ non multæ sunt) ipsa una non vincat omnino ; nulli tamen secunda ac inferior est reputanda : immo supra cæteras duplici prærogativa effulget , quod latior sit , & antiquior : latior , quia humanas res & divinas complectitur universas ; antiquior , quia cum ipso humano genere nata , eodem extincto , unice peritura . Sane quam amplam lætissimamque super hoc argumento penes Scriptores , incorruptæ doctrinæ custodes , mensem invenies , qui sive privatum Jus sive publicum concinne enucleant !

XIX

Et , ut aliquid hoc loco de hisce Jurisprudentiæ partibus præmonstrem , ecce tibi quod animo meo revolve . Jus privatum , illud præsertim , quod a sublimi romana Sapientia ad nos pervenit . amœnissimas sternit vias , per quas excurrant ingenia , & non avara manu nobilissima spargant undique doctrinæ semina . Sunt , qui ad verborum proprietatem , originem , elegantiam , gravitatemque internoscendam sese convertunt : & in hoc non vulgaris cura , quæ forte ab imperitis spernitur , a doctis maxime desideratur : latet enim in verbis vis quædam ac potestas , quæ legis mentem illustrat ; qua cognita , in tuto veritas ; ea non rite perspecta , consequens est fallacia . Alii ad eruenda moralis Philosophiæ præcepta , melius usu acquisita , quam in scholis tradita , vires intendunt ; & hujusmodi nobile tentamen recta vivendi disciplina pectus imbuunt ; unde singuli , quod abnorme sit ac invisum , fugiant ; quod utile & decorum , consequantur . Quidam , ad effingendam

tam

tam Justitiæ quam Æquitatis imaginem vivos colores adhibent: alteram sine asperitate stabilem, mobilem alteram sine inconstantia depingunt: utramque vero non uno aspectu ad eundem finem sine discordia compositam. Non pauci discutiendis Jurisconsultorum diversis sententiis vacant, vel antiquitati addictis in obsequium receptæ traditionis; vel novitati consecratis in ferventis ingenii blandimentum. Nonnulli operam locant in rebus oppositis amico sedere conciliandis; in dissitis loco suo reponendis; in restituendis sub lumini obscuris; in explicandis ex historia legibus, & ex legibus historia; tum in rationibus sedulo inveniendis, cur, quæ subsequuntur sunt ætates legibus romanis multa addiderint, alia detraxerint, quove improbo fato illas neglexerint; qua deinde forte recuperaverint.

XX

Sed beneficium, quod ex tua Collectione speratur, illud est præcipuum, quod nihil, quod doctissimorum hominum palatum non mulciat ac delectet, in sinu suo excipiet. Forenses quisquiliæ, & tumultuariæ ac incompositæ quæstiones, in usum litium maligno fato subortæ, & vilium Jurisconsultorum præpostero studio, pro funesta improbi laboris dote auctæ ac diffusæ, sedem in hoc Palladis Sacrario non invenient. Fori dignitatem non damno: peccarem enim in publicum bonum: laudo potius institutum, quod necessitati servit, & civili tranquillitati consulit ac respondet: teneo, idem esse, Foro carere, ac privatarum controversiarum asylum de medio tollere. Vellem tamen, ut huc accederent viri graves, luminosa mente præditi, firma legum peritia ornati; qui jus ingenio ac industria illustrarent, non vaniloquentia, & confusa legum imagine corrumperent. Contra res accidit; & si nonnullos excipias, laude dignos, reliqui in hanc arenam descendunt, nullis aliis armis instructi, quam inculto sermone, tricis obscurissimis, & doctrina, non e puris fontibus hausta, sed a face ac sentina ineptorum Scriptorum excerpta. Abeant isti procul ab hac insigni Facultate cum eorum omnibus,

N

quas,

quas, invita Minerva, in lucem parturiant, lucubrationibus. Onerent hujusmodi libri, hercle quam putidi, bibliothecas, non in earum ornamentum, cui bellum indicunt; sed ad augendam voluminum molem, quam facile gignit immensa, unde agitantur, scribendi tædethes: & pro certo ipsis statuant, eo merito carere, ut cum selectissimis Jurisconsultorum operibus societatem ineant: alliciant, uti velint, quos spurios, & ex ignorantia concubitu natos suavissimæ Charites reprobant, & odio proscindunt: laudatores non sperent, quorum judicium litteraria Respublica sequitur ad veneratur; & in precium eorum stultitiæ mori famæ ac gloriæ patiantur.

XXI

Porro huic Collectioni alia non exigua dos accedit, quod emundæ naris Auctores complectatur, qui non unius incogniti forsan populi leges & mores narrent ac explicant; sed celebriorum Nationum, quibus expoliendæ humanitatis ardor incaluit. Videbimus, quid Ægyptiis plauearit, qui, discussis anterioris ævi tenebris, sapientiam (prout iis in rerum obscuritate, non adhuc plene expulsa, licuit) ab innocua ac tacita naturæ loquela inter primos in usum Civilis Commericii acceperunt; unde iis rudis quadam potestas data est facem posteris præferendi, non omnino splendidam, sed ostendendæ viæ indicem; ut deinde isti feliciori sorte cognoscerent, qua mentè, quæ plurima colligit, qua arte, quæ meliora eligit, publicæ privataque res gubernentur: quibus scænis culpæ, humanæ imbecillitati familiares, ecërceantur; quibus præmiis virtutes, supremo animi conatu adquirendæ, animentur. Præterea, quid ex divite penu divini oraculi mutuarint Hebræi, non humano, sed caelesti consilio ad gentis suæ regimen designati: quid simplicitati morum, quæ allicit, quid sanctimonix Religionis, quæ terret, quid inconstantix indolis; quæ turbabat, nunc sub Patriarchis; nunc sub Judicibus, nunc demum sub Regibus, Deo semper Legislatore, eodem semper primario nationis Principe, ipsis expedire in fundanda quadam

quadam peculiari Jurisprudencia, regni institutis magis accommodata & opportuna, visum fuerit. Quid insuper Græcis arriserit, qui ex Philosophiarum scholis homines effinxerunt, non tantum privatis moderandis affectibus dicatos, quæ domestica quædam exercitatio est; sed publicæ utilitatis studiosos, & civilis disciplinæ custodes; a quibus nova facies societati appicta est, facilis nempe, urbana, & tota in amicitiam composita; non autem aspera ac severa, quam prius induxerat parum expolita antiquitas. Tandem quid a Romanis additum immutatumque fuerit, qui ex adepto universi Terrarum Orbis dominio non tantum sui nominis gloriam et imperii potentiam extendere et augere conati sunt; sed barbaros immanesque alienigenarum mores evellere, et mitiores sub æquissimis legibus inducere, in primis curarunt: quo factum est, ut non ociosa, & inani sergio præcincta, in eorum statutis jaceret Philosophia; sed operosa, et majestatis plena, æqua forte, sapientum peccata invaderet, et ignavos vulgi sensus sub recta justitiæ norma erudiret.

XXII

Et quamquam, ut ex tuis posterioribus literis accepi, in hujusce Collectionis censum non veniant, qui peculiari nomine de Jure Naturæ et Gentium scripserunt; sed ii tantum, qui illustrium populorum publicum privatumque Jus adornarunt: ipsa tamen, quæ ab insitis naturæ præceptis, et a constantibus Nationum moribus profluit, doctrina, ære pereunior, non omnino legentium oculos aufugiet: ea enim in singulis regnorum constitutionibus, licet non primo aspectu sese explicet; occulte tamen latitat, et interna vi dominatur. Nihil enim in commune prodest, et dignitatem legibus conciliat, quod a natura, tamquam a prima ac sedula rerum magistra, et a totius humani generis consensu, tamquam a fido ac docto ipsius naturæ interprete, non descendat. Bonum quod sequimur, malum quod vitamus, (præter id, quod divina docent oracula) non alio lumine cognoscimus, quam eo, quod sapiens ani-

morum moderatrix excitat natura ; non alia ratione in recto proposito confirmamur , quam ea , quæ a communi hominum opinione recepta est . Hisce prædiis facile a tenebris , quibus involvimur , dilcedimus ; et in lucem , quam avide quærimus , feliciter devenimus ; civilemque concordiam , optimis institutis fundatam , tuemur . Nemo itaque conqueretur , prætermittam abs te hanc juris partem : nam , licet eam distinctis tractatibus collectam non habebit ; habebit tamen sparsam ac diffusam in iis Opusculis , quæ singulares populorum , quos memoravimus , leges ac consuetudines ex suis principiis enuclearunt . Hæc profecto , quæ non voce ac scripto addiscitur , sed accepto a natalibus instinctu comparatur doctrina , in humano pectore residet ac imperat : & veluti succus ac sanguis , qui sensim & sine sensu per artus & venas diffunditur , alit , confirmat , ac vivificat ; omnia civitatum ac provinciarum statuta suis præceptis imbuat , & sanam iis vitam defendit ; firmamque ac stabilem in posterum pollicetur . Ita sane , ut apud gentes omnes , quæ feritati renunciarunt , & sese amabili societati addixerunt , nihil receptum invenies , quod naturæ dogmata perturbet ; aut receptam universorum sententiam negligat ; constuprataque honestatis facie , male natas incauti aut furentis arbitrii lubricines infami conatu nobilitet , pudendaque optione confectetur .

XXIII

In iis igitur publici privatiq[ue] Juris argumentis , ad quæ mentem industriamque tuam convertis , existant libri pene infiniti ; fateor , non omnes publica luce digni ; plerique tamen de litteraria Republica optime meriti : inter quos alii mole sua ingentes , ac robusto corpore præditi , minus a sinistro fato timent ; & per se ipsos , suarum virium firmitate , adversus temporum vicissitudines defenduntur : nonnulli vero pusillæ molis , sed eximie pulcritudinis , amantissimo patreño indigent , ne pereant ignoti , neve perennis vitæ præmio , quo coronari debent , ab irata sorte spolièntur . Qua de re hujus infortunii nimis con-

conficii, tuam in parata jam Collectione opem ac patrocini-
um tacite desiderant, & fervide exposcunt: nec tali
spe falluntur sub ea hospitali umbra, quam ipse egregio
tuo labore benigne ac eleganter præstabis.

XXIV

Rogo igitur te, Sociosque tñs, atque obtestor, ut in-
ceptum opus quam citissime perficiatis. Aperite sitientibus
puros fontes, esurientibus dulces epulas apponite. Vestra
mensa non uno quidem potu, non uno cibo splendide pa-
ratur; multis illa exquisitis succis abundat, multis opiparis
dapibus instruitur. Si non idem palatus, non eadem om-
nibus voluptas, parvi refert. Singulis optio in diversa co-
pia patebit; quod magis velint, quodque cupiant magis,
habebunt. Nemo sine utilitate, quæ dat animum, sine
oblectamento, quò mens reficitur, discedet. Scimus, unius
argumenti libros hac sorte non frui: ab aliquibus exci-
piuntur, recusantur ab aliis: & nisi eos, a quibus pecu-
liaris illa doctrina colitur, nanciscantur, facili ac avido
carent lectore. Vestram Collectionem soli Musarum ho-
stes, qui Sapientiæ mortui, suo tantum vivunt dedecori,
repellent: is vero, cui primis labiis sapiant litteræ, pudori
ducat, illam non statim querere, oculis non atten-
te perlustrare, inter præciosa quæque diligenter non custo-
dire. Rara librorum felicitas, nemini odio esse, cunctos
allicere, ab hominum memoria numquam deleri. Hic
dabitur Collectioni vestræ præcipuus honos, hæc supererit
vobis auctoribus gloria singularis, quæ innumeras in præ-
sens ab iis, qui lucis æura fruuntur, laudes suscipiet; pa-
res etiam & nusquam interituras a posteris, qui, tanti be-
neficii participes, ingrati animi vitio non laborabunt, se-
ciliber expectat. Vale.



AD CL. V. ELEGANTEM POETAM, ET IN
PHILOSOPHIA : ΠΕΝΤΑΘΛΟΝ

JOSEPHUM AURELIUM DE JANUARIO

FRANCISCI GALLUPPI J.C. ET ADVOCATI NEAPOLITANI,
URBIS AD TROPÆA PATRITII

EPIGRAMMATA.

I

TE generum, Vates, sibi vult emere omnibus undis
Hippocrenais aurea Mnemosyne.
Teque unum, cui fata sarent, dum fissit Athenas,
Credite, dotales, dia 2 Minerva petit.
Duxeris hanc; referes reditvium mente Platonem:
Si 3 Musam; Latio carmine Phœbus eris.

II.

1 ΠΕΝΤΑΘΛΟΝ) Sic dixere Democritum Abderi-
tam. Laërtius lib. IX, segm. XXXVII: καὶ ἢ ὡς ἀληθὺς
ἐν φιλοσοφίᾳ πένταθλος. πᾶ γὰρ φυσικά (ex Suida in πέντα-
θλος supplet Casaubonus, ἡσκητο γὰρ πᾶ φυσ.), καὶ πᾶ ἡ-
θικά, καὶ καὶ καὶ πᾶ μαθηματικά, καὶ τοὺς ἐγκυκλίους λόγους, καὶ
περὶ τεχνῶν πᾶσαν ἔχεν ἐμπειρίαν. Et erat revera in Philoso-
phia quinque certaminum peritus. Callebat enim Physicā, E-
thica, Mathematica, & disciplinas liberales, omniumque ar-
tium peritus erat.

2 Minerva) Nuptiæ Minervæ non sunt insolehtes. M.
Annæus Seneca in Suasoria I, pag. V, & VI editionis
Elsevir. CIOICLXXII : Nam cum Antonius vellet se
Liberum patrem dici, & hoc nomen statuis subscribi juberet,
habitu quoque & comitatu Liberum imitaretur Athe-
nienses dixerunt despondere ipsos in matrimonium
Minervam suam, & rogaverunt ut duceret. Ac Antonius ait
quæsturum, sed dotis nomine imperare se illis mille tolenta.

3 Musam) Nec Musæ dedignantur maritos : Qægrus
enim

II

*Ah ne te capiant Atlas dona Minervae:
 Parthenope querit te dea nostra virum.
 Hac tibi dotalem offert Craterem, atque repostas
 Euboici gazas ambitiosa maris.
 Forte Aganippaas petis undas? en tibi dulcis
 Sebethus; Parnassum? En tibi Pausilypus.*

III

*1 Tercentum potuere viri, quis crederet? 2 arma
 Barbara in Oetais spernere Thermopylis.
 Unus homo Latiam Musis dum restituit rem,
 Ipse potes cunctam vincere barbariem.*

IN-

enim ex Calliope suscepit Orpheum. Apollonius Rhodius
 Argonauticorum lib. I, v. XXIII, XXIV, XXV:

*Πρώτῃ νῦν Ὀρφεὺς μνησώμεθα, τὸν γὰρ ποτ' αὐτῇ
 Καλλιόπῃ θρήϊκι φατίζεται εὐνηδῶσα
 Οἰάγρῳ σκοπιῆς πικτυλίδος ἄρχι τεκίσθαι.
 Principio igitur Orphei meminimus, quem ipsa
 Fertur Calliope, cum sui fecisset copiam Thraci
 Oeagro, genuisse prope speculam Pimpla.*

1 Tercentum) Spartani scilicet, quorum omnium nomina se sciscitatum fuisse testatur Herodotus in Polymnia cap. CCXXIV edit. Gronov. ἐπυδόμην δὲ καὶ ἀπ' αὐτῶν τῶν τριποσίων (Σπαρτιωτῶν τὰ οὐνομασθαι).

2 Arma) Idem paullo ante: ἄτε γὰρ ἐπιστάμενοι τὸν μάλιστα σφί ἐσθλὰς θανάτους ἐκ πᾶν περιόντων τὸ οὖρος, ἀπεδείκνυντο ῥώμης ὅσον ἔχον μέγιστον ἐς τοὺς βαρβάρους, παραχρᾶνται σὲ, καὶ ἀσπίδας. Δόρατε μὲν νῦν τοῖσι πλείοσι αὐτῶν πηλικυῖται ἐπύχων κατηγόμεναι ἰδὲ, οἱ δὲ τοῖσι ξίφεσι διαργάζοντο τοὺς Πέρσας. Quumque scirent impendere sibi necem ab iis, qui montem circumiverant, quantum maxime roboris poterant, id in barbaros ostendebant, ingruentes ac sese intrudentes. Quorum plerisque quum jam lancea diffracta essent, illi vero gladiis Persas obtuncabant.

INGENUARUM ARTIUM XENIA.

SCHEMATA QUINQUE : PYTHAGORICA.

IV

Schemata quinque sumus : 2 natura arcana resecta

3 *Timæus nobis debet, & ipse probas.*

SPHÆ-

1 *Pythagorica*) Veterum Philosophorum epigramma apud Michaëlem Psellum in Geometrica συνόλη inventionem Pythagoræ vindicat quinque schematum, quæ vulgo quinque corpora regularia Platonis dicuntur, & de quibus agit Euclides in Stereometria, libro scilicet XIII, XIV, XV, & XVI,

Σχήματα τέρε πλάτωνος, ἃ Πυθαγόρας σοφός εὔρε,
Πυθαγόρας ποσὸς εὔρε, Πλάτων δ' ἀρίστην εἰδίδκεν,
Εὐκλείδης ἐπὶ τοῖσι κλέος περιεκαίει· ἱστυε.

Vertit Gulielmus Xylander pag. LII edit. Elzevir.

CICIDCXLVII,

*Pythagoræ inventum sapientis, quinque Platonis,
Pythagoras reperit, Plato quas docuitque, figure:
Proximus Euclides celebre est his nomen adeptus.*

2 *Natura*) Timæus in dialogo, cui Plato hujusce Locri Pythagorei Philosophi nomen inscripsit, Cælo, & quatuor elementis dicta quinque schemata attribuit: igni scilicet pyramidem, seu Tetraëdron: aëri Octaëdron: aquæ Icosaëdron: cubum five Hexaëdron terræ: Cælò denique Dodecaëdron. Late hæc ibidem sunt pertractata, & copiosius apud Platonicos; strictim vero apud Psellum.

3 *Timæus*) De eo en illustre Platonis testimonium in Timæo, seu verius in commentario ad Timæi librum, qui extat, περί Ψυχῆς Κόσμου, καὶ Φύσεως, de Anima Mundi, id est, Natura, pag. MXLI edit. Francof. MDCII: Τιμαίος τε γὰρ ὁδε, εὐνομεντάστως ὡν πόλις τῆς ἐν Ἰταλίᾳ Λοκρίδος, οὐσίῃ καὶ γένει οὐδενὸς ὑπερος ὡν τῶν ἐν αὐτῇ, πᾶσι μερίδας μὲν ἀρχὰς τε καὶ τιμὰς ἐν τῇ πόλει μεταπεχεύειν, φιλοσοφίας δ' αὖ, κατ' ἐμὴν δόξαν, ἐπ' ἄκρον ἀπάσης ἐκλήλυθε. Nam & Timæus hic cum esset e Locris civitate in Italia, optimis legibus fundata, neque quoquam civium aut di-

vitiis

SPHÆRA ARCHIMEDIS.

V

*Ecce Syracosii tibi dadala Sphæra magistri,
Æmula quæ cælo territat astra Jovi.*

PHILOLAUS.

VI

*Quæ scripsit 1 Philolaus habes, olim 2 emta Platoni:
Et venit ad pluteos Gracia magna tuos.*

TELESCOPIUM GALILEI.

VII

*Quo Medicea Jovis miretis sidera volvi,
Heros Lynceus mittis ab axe tubum.*

PRIS-

utjis aut genere inferior, summos in ea civitate & honores
& magistratus gessit, & ut ego arbitror, ad summum in o-
mni philosophia fastigium pervenit. Et pag. MXLVI: Ε-
δοξα γὰρ ἡμῖν Τίμαιον μὲν, ὅτι ἀστρονομικώτατον ἡμῶν, καὶ
περὶ φύσεως τοῦ παντός εἶδέναι μάλιστα ἔργον πεποιμένον,
πρῶτον λέγειν, ἀρχόμενον ἀπὸ τῆς τοῦ κόσμου γένεσεως, τε-
λευτᾶν δὲ εἰς ἀνθρώπων φύσιν. Visum est enim nobis, ut
Timæus, utpote in Astronomia nostrorum omnium peritissimus,
& qui in scientia naturæ Universi potissimum operam collo-
cavit, primas dicendi partes suslineret ab ipsa mundi gene-
ratione incipiens, & in hominum procreatione finiens.

1 Philolaus) Hujusce Crotoniatæ Philosophi Pythagorei
scripta ætatem non tulere; ejus tamen sententia de Mundi
Systemate in quam plurimis Astronomorum libris vivit.
Hinc Ismaël Bullialdus quatuor libros *De vero Mundi
Systemate* Philolaum inscripsit, jam Amsterodami editos
MDCXXXIX, & deinde Parisiis anno MDCXLV ejus-
dem Astronomia Philolaica in diâs luminis oras exorta est.

2 Emta) Lærtius lib. VIII, segm. LXXXV: γάρφαρ
δὲ βιβλίον ἐν, ὃ φησιν Εὐριπιδὸς λέγειν τινὰ τῶν συγγραφέ-
ων, Πλάτωνα τὸν φιλόσοφον παραγινόμενον εἰς Σικελίαν πρὸς
Διονύσιον ἀνῆσασθαι τὰρὰ τῶν συγγραφέων τοῦ Φιλολάου, ἔργου
ρῶν

PRISMATA VITREA.

VIII

*Accipe qua varios adverso Sole colores
Iridis in terras vitra trigona trahunt.*

PYXIS NAUTICA.

IX

*Quas dedit, ut pergas dotales Pallas Athenas,
Duxque comesque via nautica Pyxis ero.*

LYRA.

X

*Otia qua possis, & tristes fallere curas,
I Orpheos ecce Lyram detulit Uranie.*

TABULA CHOROGRAPHICA.

XI

*Hanc tibi do tabulam, qua tota est Gracia picta,
Pallados illa tue regna, Geographia.*

II.

ρίου Αλεξανδρινῶν, μὲν μὲν καὶ ἐκ τούτων μεταγενεσθαι τὸν
Τίμαχον. Scripsit autem librum unum; eum autem, ut Her-
mippus quempiam scriptorem dixisse refert, Platonem Philo-
sophum, cum in Siciliam ad Dionysium profectus esset, emis-
se a Philolai consanguineis argenti mimi Alexandrinis qua-
draginta: atque inde transcripsisse Timæum. Minæ autem
quadraginta, ut ibidem annotat Aldobrandinus, ad pecuniæ
nostratis rationem si revocentur, nummos aureos quadragen-
tos efficiunt.

I Orpheos) M. Manilius Astronomicorum libro primo
vers. CCCXXIV . . . CCCXXX:

*At Lyra diductis per cælum cornibus inter
Sidera conspicitur, qua quondam ceperat Orpheus
Omne quod attigerat cantu, manesque per ipsos
Fecit iter, domuitque infernas carmine leges.
Huic celestis honos, similisque potentia causæ
Tunc silvas, & saxa trahens, nunc sidera ducit,
Et rapit immensum mundi revolvibilis orbem*

LIVIVS.

XII

*Ipsa tibi Decadas Romæ, quas scripserat omnes
Livius, Heroum porrigit Historia.*

THEOPHRASTUS IN MEMBRANA.

XIII

1 O, ττι τοι ἐν μεγάροισι κακὸν τ' ἀγαθὸν τι τέτυκται,
O te felicem! 2 Tyrtamus edocuit.

XENOPHON IN MEMBRANIS.

XIV

*Alter eris nobis Xenophon: salve 3 Attica Musa:
Salve Parthenopes gloria, delictum.*

CLE

1 O, ττι) Quod fit in adibus, illud sitne bonumve
malumve: Designatur moralis Philosophia hoc versu Ho-
meri CCCXCII Odyss. IV, quem Socrates præ omnibus
semper rebus sibi esse cordi dicebat, ut refert Gellius lib.
XIV, cap. VI. Sextus Empiricus lib. VII adversus Logi-
cos pag. CCCLXXIV, sect. XXI edit. Fabric. καὶ δὲ ὁ
Σωκράτης παρήγγαλε μὴδὲν ἄλλο ζητᾶν αἰ μὴ

O, ττι τοι ἐν μεγάροισι κακὸν τ' ἀγαθὸν τι τέτυκται.
Quamobrem præcipiebat quoque Socrates nihil aliud querere,
præterquam

Ædibus in nostris qua prava, aut recta gerantur.
Scripsit Theophrastus, teste Laërtio lib. V, segm. XLVII.
Ἡδίκων σχολῶν, α, Scholarum moralium librum unum, qui
periit. Extant hodie ejusdem Morum descriptiones, Ἡδικοί
Χαρακτῆρες, ibidem memorati, sed proh dolor! mutili, ut
in Prolegomenis ostendit Isaacus Casaubonus, qui aureo
commentario illos illustravit.

2 Tyrtamus) Laërtius lib. V, segm. XXXVIII: Τοῦτον,
τύρταμον λεγόμενον, Θεόφραστον διὰ τὸ τῆς φησίως βιοπίσιον
Ἀριστοτέλους μετωνόμασεν. Eum, cum antea Tyrtamo illi no-
men esset, ob divinam elocutionem, Aristoteles Theophrastum
appellavit.

3 Attica Musa) Laërtius lib. II, segm. LVII: ἡκαλῆτο
δ?

CLEPSYDRA.

XV

*Scedat 1 Clepsydra, foro dum differis: horð
Est brevior nobis integer ipse dies.*

CATENA AUREA.

XVI

*En tibi largitur Pitho sua signa: 2 catena est
Aurea, quæ linguae pendet ab ore tua.*

PAR.

δι καὶ (Ξενοφῶν) Ἀττικὴ μῦσα, γλυκύτης τῆς ἱερμαντίας.
*Appellabatur autem (Xenophon) Musa Attica, ob eloquen-
tis dulcedinem.*

1 *Clepsydra*) Cui non dictus *Hylas* ? mos videlicet, ut
ad *Clepsydrum* Oratores & Græci, & Latini dicerent. U-
nus pro millibus sit vir magnus Budæus noster Annotat. in
Pandectas pag. CCCLXXII, & CCCLXXIII edit. Basil.
MDLVII.

2 *Catena*) *Lucianus* in *Præfatione* seu *Hercule Gallico*
pag. CCCLXVI tom. II edit. Batavæ MDCLXXXVII :
ὁ γὰρ δὴ γέροντ Ἡρακλῆς ἰκάντος, ἀνδράπων πάμπολύ τι πλη-
θος ἔλκει, ἐκ τῶν ὧτων πάντας διδεμένους : δεσµὰ δὲ εἰς
οἱ, σιραὶ λεπτὰί χρυσῷ, καὶ ἡλεκτροῦ ἐργασµέναι, ὁρµοῖς
ἰοικῆαι τοῖς κακίσοις. *Senex ille Hercules hominum ingentem
multitudinem trahit, omnes ab auribus revinctos. Vincula,*
quibus id facit, tenues sunt catenæ, auro electroque conse-
ctæ, pulcherrimis monilibus assimilæ. Et paullo post : οὐ
γὰρ ἔχων ὁ ζωγράφος ὅδον ἐξέλει παῖς σιραῖς πᾶς τῶν
δεσµῶν ἀρχάς, καὶ τῆς δεξιᾶς μὲν, ἥδη τὸ ῥόπαλον, τῆς
λααῖς δὲ, τὸ τόξον ἔχούσης, τρυπήσας τοῦ θεοῦ τὴν γλῶτταν
ἄκραν, ἐξ ἐκείνης ἰλκομένους αὐτοὺς ἵποισι, καὶ ἐπὶ τραπεζῇ
γι εἰς τοὺς ἀγοµένους µυδιῶν. Cum non haberet pictor, unde
catenularum summas ansas necteret, videlicet dextra jam cla-
vam, sinistra arcum tenente : perforata summa Dei lingua,
ex hac illos trahi fecit : atque hic conversis ad eos, quos du-
cit, oculis arridet. Hinc suum effinxit Emblema CLXXXI
Alciatus noster, qui primus, barbarorum sordidibus abster-
sis, Romanæ Jurisprudentiæ pristinum nitorem restituit, &
Musas, quas colimus, amavit.

PARMENIDES.

XVII

Unum, te docuit, quid sit, 1 velut alter Apollo,
Illita & his chartis dogmata Parmenides.

LEGES XII TABULARUM.

XVIII

2 Eunomia, & Themis ipsa tibi dat Διοδικαῖος,
Quam cultam 3 Latio, carmine reddideris.

ASPHODELUS.

XIX

4 Asphodelum, longo vigeas ut flore juventa,

Hip-

1 Velut alter Apollo) Oraculum primæ Philosophiæ est
Academicis Eleates Parmenides Platonis.

2 Eunomia) Filia scilicet Themidis. Pindarus Olympio-
nic. Od. IX, antitroph. I, vers. VIII, IX, X urbem O-
punte laudans infit:

Ἀν' Θέμης θυγάτηρ τὲ οἱ

Σώτα· αἰόλογεν

Μεγκλόδοξ' Ἐυνομία.

Quam Themis & filia ejus

Servatrix sortita est,

Magni nominis Eunomia.

3 Latio carmine) Eunomiæ, & Themidis tibi jussa ca-
pessere fas fuit in vetere Νομοθεσίᾳ S. P. Q. R. Hæc ex-
osculati sumus infertam, pag. CCXCVII CCCLX,
immortali tux *Reipublicæ Jurisconsultorum*, quam candi
ingeniorum æstimatores Viri principes Academiæ Lipsiensis
in Adis Eruditorum anni MDCCXXXIV summis laudi-
bus extulerunt. Jam antea eorum collega clarissimus Fride-
ricus Otto Menkenius statim post primam Neapolitanam,
alteram tanti Operis ἑκδοσιν Lipsiæ elegantissima ad te e-
pistola instructam in gratiam Germanæ gentis curaverat.

4 Asphodelum) Hesiodus. in Ἐργοῖς, καὶ Ἡμέραις vers.
XL, XLI.

Νέπτιος· εὐδ' ἴσασιν ὅσφ' πλέον ἤμισυ πάντοί,

Οὐδ'

Hippocrates 1 campis mittit ab Elysiis.

NO.

Οὐδ' ὅσον ἐν μακράχῳ τε καὶ ἀσφοδίῳ μέγ' ὄναρ.

*Stulti: neque sciunt quanto plus dimidium sit toto,
Neque quam magnum in malva, & asphodelo bonum.*

Memor est Hesiodi Theophrastus Histor. Plant. Lib. VII, cap. XII, pag. CXLVII edit. Heins. ποτὰ δὲ εἰς τροφὴν (ὁ ἀσφίδελος) παρέχεται χρῆσιμα. καὶ γὰρ ὁ ἀνδρείκος ἰδύδιμος γαστρούμενος, καὶ τὸ σπέρμα φρυγόμενον. πάντων δὲ μάλιστα ἡ ῥίζα κοπτομένη μετὰ σύκων. καὶ πλείων ἐνθεσι ἔχει κατ' Ἡσιόδον. *Per multa ad cibum (asphodelus) offert utilia: Quippe albumcum testum in cinere manditur, & semem torrefactum usui est. Sed radix susa cum ficu in usum maxime omnium venit, & utilitatis plurimum, authore Hesiodo, præbet.* Hic Theophrasti locus, unde sua corrasit Suidas in voce Ἀσφίδελος fuisset diligentiam doctissimi Ludolphi Kustleri in notis ad illum Lexicographum.

1 Campis mittit ab Elysiis) Apud inferos Homericos incedunt Heroes per pratum, ubi asphodeli proveniunt, Odyss. XI, vers. DXXXVII, DXXXVIII:

Ὡς ἱράμεν * ψυχῇ δὲ πῶδάκιος Αἰακίδας

Φοίτῃ, μακρὰ βιβάσας, κατ' ἀσφοδελὸν λαμῶνα.

Sic dicebam; anima autem pedibus celeris Æacidae

Abibat magis ifice incedens per pratū, ubi asphodelus nascitur.

Perperam vertunt interpretes, etiam Josua Barnes in nitidissima sua Homeri editione, *per herbosum pratum*. Et vers. DLXXI, DLXXII.

Τόνδε μὲν Ὀρίωνα πελώριον αἰετόσση

Θύρας ὁμοῦ αἰεύνει, κατ' ἀσφοδελὸν λαμῶνα.

Post hunc, Orionem ingentem animadverti

Feras simul venantem per pratum, ubi asphodelus nascitur.

Non sunt heic fidi interpretes, qui reddunt, *per floridum pratum*. Et XXIV, vers. XIII, XVIII:

... αἶψα δ' ἵκοντο κατ' ἀσφοδελὸν λαμῶνα,

Εὐρα σε γαστροσεύψυχαι, εἰδωλα καμόντων.

Εὐρον δὲ ψυχὴν Πηλεϊδῶ Αἰχίλλῳ,

Καὶ Πατρόκλῳ, καὶ αἰμύμονι Ἀντιλόχῳ,

Αἰαντὸς δ', ὃς ἄριστος ἄνδρ' αἰδὲς σε, δῖος σε

Τῶν

NOVEM MUSARUM IMAGINES AD ARAM
DELIACAM.

XX

Phœbus habet templum: in medio 1. Ara est Delia: vota

1 Pro

Τῶν ἄλλων Δαναῶν, μὲν ἀμύμονα Πηλεΐωνα.

... statimque pervenerunt in pratum, ubi asphodelus nascitur,
(rursus peccant interpretes, per herbosum pratum)

Ubi habitant anime, simulacra mortuorum.

Invenierunt autem ibi animam Pelidæ Acbillis,

Et Patrocli, & strenui Antilochi,

Aiacisque, qui optimus erat specieque, corporeque

Aliorum Danaorum, post strenuum Peliden.

Recte Suidas: Ἀσφόδιλος, τὸ φυτόν. Ἀσφόδιλος δὲ, ὁ λαμῶν. Ἀσφόδιλος. Planta, quæ vocatur asphodelus. At ασφodelος, pratum, in quo asphodelus nascitur. Et paullo post: προπαροξυνῶναι δὲ ἀνεργασίαν.

Οὐδ' ὅσον ἐν μαλάχῃ τε καὶ ασφόδιλῳ μὲν ἔναρ. τὸν δὲ τόπον, ἐν ᾧ εὔεται, ἀντορητίον· ὡς καὶ παρ' Οὐμῆρῳ. Κατ' ασφόδιλον λαμῶνα. Scribendum est (ασφόδιλος) cum accentu in antepenultima (Hesiodus:)

Neque sciunt quam suaviter & jucunde malva, & asphodelo vivatur. At cum significat locum, in quo asphodelus nascitur, scribendum est cum acuto in ultima, ut apud Homerum: In prato, in quo asphodelus nascitur. Ἀσφodelος Homeri est idem ac τῷ ασφόδιλῳ κατάφυτος ut distincte loquitur Lucianus De Luctu tom. II, pag. CCCI: περιωδίντας δὲ πρὶ λήμνῃ ἐς τὸ εἶσω, λαμῶν ὑποδέχεται μέγας, τῷ ασφόδιλῳ κατάφυτος. Jam eos qui transmissa palude sunt ingressi, pratum amplum excipit asphodelo constitum. Et in Menippo seu Necyomantia tom. I, pag. CCCXXXII: ἀσφόμεν δ' ἐγὼ κατότιν ἔχομεν αὐτῷ, ἵως πρὸς λαμῶνα μέγιστον ἀφικνήμεθα, τὸ ασφόδιλῳ κατάφυτον. Ego autem pone ipsi adherens sequebar, quoad in pratum quoddam maximum, & asphodelo constitum pervenimus. Hinc Asphodelus, ut ad rem notat ibidem Suidas, est planta Proserpine, & Manibus sacra: & Rhodii Proserpinam, & Dianam asphodelo coronant: Περισφένος, καὶ χδορίων (φύτεν) κρόν. καὶ Π' ἑδίοι

την

1 *Pro te Musarum nuncupas alma cohors.*

τὴν Κόρην, καὶ τὴν Ἀρσένειν ἀστροφίῳ εἶπεν.

1 *Ara est Delia*) Jamblichus *De vita Pythagoræ* cap. V
sect. XXV edit. Kusteri: λέγεται δὲ περὶ τῶν αὐτῶν χρόνον
δαυμασθῆναι αὐτὸς περὶ τῶν Δελίων, προσελθόντων αὐτὸν πρὸς
τὸν ἀναιμάκτων λεγόμενον, καὶ τῷ Γενίτορῳ (rectius le-
gas καὶ τὸν τοῦ Γενίτορος) Ἀπόλλωνος βωμὸν, καὶ τῶν
θεραπεύσαντων. Eodem tempore ὁ Delus admirabatur
Pythagoram: cum ille scilicet ad Aram incipientem Apol-
linis Genitoris accederet, eamque coleret. Hanc Aram
ipse Medicinæ, & Ποσειδῶνος inventor Apollo, quum suis ci-
vibus Deliis, dum a peste vexabantur, duplicari imperasset,
toto terrarum orbe celeberrimam reddidit, ob geometrarum
conatus, quos refert Eutocius Ascalonita commentario in
librum secundum Archimedis *De Sphæra & Cylindro* pag.
XII . . . XXIII edit. Basil. MDXLIIII. Notatū sunt
digna, quæ de confugientibus Deliis ad Platonicos Acade-
mias geometras Eratosthenes in epistola ad Regem Ptole-
mæum scribit, apud eundem pag. XX: μετὰ χρεὶν δὲ π-
οσά φασιν Δελίους ἐπιβαλομένους νόσα κατὰ χρεσµὸν διαλασθῆ-
ναι ἀπὸ τῶν βωμῶν ἐπισκευδέναι, ἡµισυῶν αἰ τὸ αὐτὸ ἀ-
πόρημα. Διαµηµεταίνοισι δὲ ποῦ παρὰ τῷ Πλάτῳ ἐν ἀκαδη-
μίᾳ γινώσκοντας, ἀξίων αὐτοῖς εὐρεῖν τὸ ζητούµενον. Tempore
autem quodam post serunt Delios, quum a peste vexarentur,
iussos per Oraculum duplicare quandam Aram, in hanc diffi-
cultatem incidisse, implorantes autem eos, qui tunc apud
Platonem erant in Academia, postulare, ut quasitum ab eis
inveniretur. Hæc autem Ara erat Cubica, ut ait Plutar-
chus *De Genio Socratis* pag. DLXXIX edit. Francof. MDCXX
& Duplicatio Cubi, vere dixerim, est illa altera Penelo-
pe, quam tot antiqui Sapientes proci, immo & ipse Pla-
to, si fides Eutocio, qui pag. XIII ejus exhibet tentamen,
deperierunt. At Plutarchus ibidem testatur Platonem rem
ad Discipulos retulisse, & Deliis, quid sibi vellet Oracu-
lum, explicasse: ἡµεῖς δὲ καὶ τὸς λέγοντες καλῶς ἠγούµεθα τὸν
Χόνυφιν, καὶ μάλλον ὀνητικά κομιζομένοις ἡµῖν ἀπ' Ἀγρύππου,
περὶ Καρίαν Δελίαν τιρὲς ἀκίνητηναι, δεικνύοντι Πλάτωνος, αἰ
γινώσκοντες, λῦσαι χρεσµὸν αὐτοῖς ἀπὸ τῶν τοῦ θεοῦ προβ-
βλη-
δης

βλαμμένοι. ἢ δὲ χρῆσθαι, Ἀλλήως καὶ ποῖς ἄλλοις Ἐλπίσι παύ-
 λαν τῶν παρόντων κακῶν ἴσασθε διπλασιάσαι τὸν ἐν Διὶ
 βωμόν· ἴσθι δὲ τὴν διάνοιαν ἱκανοὶ συμβαλεῖν διαμένονι, καὶ
 περὶ τὴν τῷ βωμῷ κατεσκευηῖ γέλοια πάσχοντι, (ἐκείνης γάρ
 τῶν πασάρων πλευρῶν διπλασιάζομένης διαδοῖν τῇ αὐξήσει σῶ-
 πον σερτόν· ὁκῶπλῆστον ἀπεργασάμενοι, δι' ἡπιρίας ἀναλογίας,
 ἢ τῇ μήκει διπλαστον παρέχοντι) Πλάτωνα τῆς ἀπορίας ἐπι-
 καλῶντο βωμόν· ὁ δὲ, τῷ Αἰγυπτίῳ μισοδαί, προσαίρων ἱερῶν
 πῶν θεῶν Ἐλπίων, ὀλιγοῦσι παιδάας, οἷον ἰσοβρίχοντα τὴν ἀ-
 μαδίαν ἡμῶν, καὶ κελύοντα γεωμετρίας ἀπτεσθαι μὴ παρίε-
 ρη. ἢ γὰρ ποῖ φαῦλον εἶδ' ἀμβλύ διανοίας ὄψεως, ἀκροῦ δὲ
 τῆς γράμματος ἰσχυμένους ἔργον εἶναι, καὶ δυοῖν μέσων ἀνάλογον
 λήϊον· ἢ μόνῃ διπλασιάζεται χῆμα κυβικῇ σώματι, ἐκ πάσης
 ὁμοίως αὐξήσιμον διασείσθαι. ποῦτο μὲν οὖν Εὐδόξος αὐτοῖς πῶν
 Κριδίων, ἢ πῶν Κυζικηνῶν Ἐλπίων ἀντιθέσθαι, μὴ ποῦτο δι-
 σσαι χρῆται ποδῶν τὸν θεῶν, ἀλλὰ προτάσων Ἐλπίσι πᾶσι,
 πολὺν καὶ κακῶν μεδιμένους, μέσους ὀμιλεῖν, καὶ διὰ λό-
 γων καὶ διὰ μαθημάτων τὰ πᾶσι καταπαύοντα, ἀβλαβῶς
 καὶ ὀφελίμως ἀλλήλοις συμβίβησθαι. Nos & tum Chonuphis
 sententiam probavimus, & magis etiam cum nobis ex Aegy-
 pto auēctis, & circa Cariam navigantibus, occurrerunt De-
 lii quidam, qui a Platone, utpote rerum geometricarum per-
 rito, flagitarent Oraculi explicationem, quod insolens ipsis
 Deus edidisset, Erat autem Oraculi hac sententia: Deliis,
 & aliis Graecis, calamitatum finem fore praesentium, si A-
 ram, qua in Delo erat Cubica, duplicarent. Cujus cum sen-
 tentiam assequi non possent, & in Altaris structura ridiculum
 quid ipsis contigisset; singulis enim ex quatuor lateribus du-
 plicatis, spatium solidum octuplo imprudentes auxerunt, ig-
 noratione proportionis, qua duplicari magnitudo posset; Pla-
 tonis opem in hac difficultate explicanda imploraverunt. Ille
 vero Aegypti illius recordatus, ludi a Deo Gracos dixit, qui
 eruditionem negligerent, eorumque insulari iuscitia, manda-
 riq̃ue, ut serio Geometria operam darent non enim ingenii
 leviter aut segniter perspicacis; sed in tractandis lineis ma-
 xime exercitati opus esse, datis duabus lineis, alias duas,
 quae continua proportione inter has intercedant, invenire: qua
 quidem unica sit Cubi duplicandi ratio, ex aquo omnibus
 ejus auctis dimensio sit: rem iis ab Eudoxo Cnidio, (qui
 Pla-

Platonis fuit auditor, ut ait Laërtius lib. VIII, segmento LXXXVI) aut. ab Helicone Cyziceno confectum iri. Neque vero Deum hanc Ara duplicationem requirere, aut desiderare: sed universis præcipere Græcis ut bellis & miseriis concomitantibus vitatis, Musis sese dedant, ac litterarum & doctrinæ usu sedatis animi turbulentis motibus, innoxie & utiliter inter se conversentur. O præclara verba divini Philosophi, & æterna memoria dignissima!

2 Pro te) Pro tua salute, Vir præstantissime, qui publico bono natus, & a Sapientissimo Rege nostro CAROLO Judex electus in mago Neapolitano Dicasterio jus suum cuique tribais. Vale carum caput, & me amare pergas.



I N D E X.

JOHANNIS ANTONII SERGHII AD LECTOREM
EPISTOLA. pag. 1

JOSEPHI AURELII DE JANUARIO

CARMINUM LIBER I.

MAGISTRATUS.

Elegia I.	M Unus difficile.	23
Elegia II.	Mens.	25
Elegia III.	Ingenue Artes:	28
Elegia IV.	Jurisprudentia.	32
Elegia V.	Mores.	35
Elegia VI.	Nec Paupertas, nec Divitia.	38

CARMINUM LIBER II.

NUPTIALIA.

Elegia I.	A D Johannem Baptistam Vicum, in Nuptiis Johannis Baptistæ Filomarino, Principis Rocca, & Mariæ Victorie Caracciolo, & Marchionibus Sancti Erasmi. 41
Elegia II.	In Nuptiis Andrea Coppola, Ducis Cansani, & Laura Caracciolo, & Marchionibus Amorusii. 43
Elegia III.	Ad Amicos, in Nuptiis Antonii Pignatelli, Marchionis Sancti Vincentii, & Annæ Franciscæ Pinelli, & Ducibus Acherontæ. 45
Elegia IV.	In Nuptiis Cajetani Boncompagno-Ludovisii, Ducis Arcis, & Lauræ Chisæ, & Principibus Farnesii. 46
Elegia V.	Ad Amicos, in Nuptiis Jacobi Franciscæ Milano-Franchi de Aragonia, Principis Aragoniæ. 47

	<i>Ardoris, & Henrica Caracciolo, & Principibus Sanctiliboni.</i>	49
Ecloga	<i>Idem Argumentum.</i>	51
Lusus Piscatorius	<i>In Nuptiis Hadriani Carase, Trajecti Ducis, & Theresie Burghesie, & Principibus Sulmonis.</i>	55
Lusus Agrestis	<i>In Nuptiis Leonardi Tocchi, Montismilitum Ducis, & Camille Cantelma, & Populorum Ducibus.</i>	57
Epithalamium	<i>In Nuptiis Serenissimi Antonii Farnesii, Ducis Parma, Placentia, Castri &c. & Serenissima Henrica Estensis.</i>	60
Epigramma I.	<i>In Nuptiis Thomae Caracciolo, Marchionis Casa-Arboris, & Hippolyta de Dura.</i>	65
Epigramma II.	<i>In Nuptiis Raymundi Sangri, Principis Samiti Severi, & Carolotta Cajetanae, & Ducibus Laurentiani.</i>	ibid.
Epigramma III.	<i>In Nuptiis Antonii Capycii-Minutuli, & Principibus Camusii, & Theresia Filingeria, & Principibus Arianelli.</i>	66
Epigramma IV.	<i>Ad Viri Iconem.</i>	ibid.
Epigramma V.	<i>Ad Iconem Sponse.</i>	ibid.
Epigramma VI.	<i>In Nuptiis Marci Antonii Grimani, & Maria Pisani.</i>	67
Epigramma VII.	<i>In Nuptiis Principis Octaviani, & Familia Medicea.</i>	ibid.
Hendecasyllabi	<i>In Nuptiis Andrea Coppola, Ducis Cansani & Loure Caracciolo, & Marchionibus Amorusii.</i>	68

C A R M I N U M L I B E R I I I.

V A R I A.

Elegia I.	<i>IN funere Cajetani Argenti, Sac. Reg. Consilii Neapolitani Praefidis.</i>	69
Elegia II.	<i>Idem argumentum, ad Alexium Nicolaum Rossi.</i>	72
Elegia III.	<i>Ad U. Cl. Paschalem de Matthaeis, &</i>	Soc

	<i>Soc. Jesu, qui Auctori Elegiam scripserat, de obitu Dominici Ludovici, ejusdem Societatis, Poeta discretissimi, cujus Carmina Neapol. edita ann. MCCCXLV. omnium plausu excepta fuere.</i>	74
Elegia IV.	<i>Ad Johannem Baptistam Capossum, dum Johannes Baptista Salernus, e Societate Jesu, sacra Purpura insignitur.</i>	76
Elegia V.	<i>Dum Archangelus Brancatius, Ordinis D. Benedicti, Abbas Monasterii Montis Casini eligitur.</i>	78
Elegia VI.	<i>Benedicto XIV. P. O. M. = Josephus Aurelius de Januario.</i>	80
Elegia VII.	<i>Cum Argentina Carolina Turris Rezzonica, Clementis XIII. P. M. neptis, sacra claustra subiret.</i>	81
Elegia VIII.	<i>Cl. V. Friderico Ottoni Menckend Auctor rescribit.</i>	83
Elegia IX.	<i>Ad clarissimos viros, qui Acta Eruditorum Lipsia conscribunt, Auctoris Epistola.</i>	86
Elegia X.	<i>Cl. V. Ludovico Antonio Muratorio Auctor respondet.</i>	87
Genethliacon.	<i>Leopoldi, Imper. Caroli VI. filii = Genethliaca hac carmina, nunc addita, prima juventute protulit clarissimus Auctor.</i>	89
Ecloga I.	<i>Idem Argumentum.</i>	94
Ecloga II.	<i>Idem Argumentum.</i>	96
Ecloga III.	<i>Dum Princeps Antonius Emanuel de Vilhena, Magnus Sacra Religionis Hierosolymitana Magister eligitur.</i>	99
Epigramma I.	<i>Rex noster Carolus Borbonius adit Templum Spiritus-Sancti, ejus die festo.</i>	101
Epigramma II.	<i>In Arcu dextero Fori, ubi instituta sunt Nundina Neapoli, apud Castrum</i>	

- strum novum, ob nuptias ejusdem
Regis Caroli Borbonis cum Maria
Amalia Walburga.* 102
- Epigramma III. *In arcu opposito.* ibid.
- Epigramma IV. *Ob natam Primogenitam ejusdem Re-
gis, in Foribus Regii Palatii.* 103
- Epigramma V. *Latere ex uno.* ibid.
- Epigramma VI. *Altero ex latere.* ibid.
- Epigramma VII. *In elata Turri.* 104
- Epigramma VIII. *Ubi Congiarium populo datum.* ibid.
- Epigramma IX. *In Cella Vinaria Nundinarum, quæ
æstivis temporibus acta sunt ad Se-
bethum.* ibid.
- Epigramma X. *In loco, qui apud easdem Nundinas
extractus est, ubi equus mira præ-
bebat spectacula.* 105
- Epigramma XI. *In harum Nundinarum Pinacotheca.* ib.
- Epigramma XII. *Ibidem, ad Crustulariam Tabernam.* ib.

In Nundinis ann. MDCCXLVI.

- Epigramma XIII. *Super Ingressu.* 106
- Epigramma XIV. *Ubi prostant Edulia.* ibid.
- Epigramma XV. *Ubi venduntur vasa fœtilia, Neapoli
affabre consecra.* ibid.
- Epigramma XVI. *Ubi Judex adest pro eviminibus coer-
cendis.* 107
- Epigramma XVII. *Ubi adsunt Consules ad Commercii li-
tes dirimendas.* ibid.

In Nundinis ann. MDCCXLVII.

- Epigramma XVIII. *Ob natum Carolo Neap. Sic. ac Hier.
Regi Primogenitum Filium, Inscri-
ptio.* 108
- Epigramma XIX. *Idem argumentum.* ibid. & 109
- Epigramma XX.
- Epigramma XXI.

In Nundinis ann. MDCCXLVIII.


- Epigramma XXII. *Inscriptio super Divi Januarii Simulacro.* ibid.
- Epigramma XXIII. *Ob Puellam, qua sacris in Claustris se Deo devovet.* 110
- Epigramma XXIV. *In Iconem Scipionis Cigala, e Principibus Tivoli, qua est appicta Tragœdia, typis edita, cui titulus Cleopatra.* ibid.
- Epigramma XXV. *Ante fores Domus familie Inviæti, Neapoli in litore Olympiæto (vulgo Chiaja) posita.* 111
- Epigramma XXVI. *Ad R.P. Bernardum Mariam Giacchi, e Capuccinorum familia.* ibid.
- Epigramma XXVII. *Ad fontem, in sacris Virginum Claustris salientem.* ibid.
- Epigramma XXVIII. *Idem argumentum.* ibid.
- Epigramma XXIX. *Ad R.P.M. Philippum Gatti, Ordinis Divi Augustini, sacrum Oratorem in Templo Spiritus Sancti, Neapoli.* 112
- Epigramma XXX. *Ad R.P. Michaellem Angelum e Rhegio, e Capuccinorum famil. sacrum Oratorem in Majori Neapolitana Ecclesia.* ibid.
- Epigramma XXXI. *In vestibulo Historia Familiae de Montalto, ab Auctore conscripta.* ibid.
- Epigramma XXXII. *In Arborem Familiae de Montalto.* 113
- Epigramma XXXIII. *Deipara sine labe concepta.* ibid.
- Epigramma XXXIV. *Aurco Serto Deipara præcingitur.* ibid.
- Epigramma XXXV. *Tamulo Ducis Bervikii.* ibid.
- Epigramma XXXVI. *Idem argumentum. Adluditur ad testamentum, quo jussit, suos cineres Neapoli ad Hispanias traducendos.* 114.
- Epigramma XXXVII. *Pro elegantissima Bibliotheca a Francisco Spinelli, Tarsia Principe, recens instructa.* 115
- Epigramma XXXVIII. *In obitu præientissimæ mulieris Rosa Gian-*

- Giannini, ejus in corde inventa sunt tria vulnera.* 116
- Epigramma XXXIX. In Icone P. Philippi Gatti, & Divi Augustini Familia. ibid.
- Epigramma XL. In Icone Regii Consilarii Antonii Maggioco. 117
- Epigramma XLI. Idem argumentum. ibid.
- Epigramma XLII. Idem argumentum. ibid.
- Epigramma XLIII. P. Leonardus Rosinus, Societatis Jesu, Orator eloquentissimus, commendatur. 118
- Epigramma XLIV. In Nosocomio, in ampliorem, elegantioreque formam restituto. ibid.
- Epigramma XLV. Inscriptiones in restitutis ac ornatis adibus Sacri Regii Consilii Neapolitani. Sub Regis effigie. 119
- Sub Regio Stemmata Inscriptio. 120
- Epigramma XLVI. Ad Desperam. ibid.
- In funere P. Bernardi Mariae Giacco, & Capuccinorum Familia. 121
- In Regias Aedes Academiae Picturae. ibid.
- In Regias Aedes Academiae Sculpturae. 122
- Schola ARTIS NAUTICÆ, Neapoli in adibus Divæ MARIE LAURENTIANÆ ann. MDCCLII. constituta Inscriptio. ibid.
- In funeris apparatu Marchionis D. Josephi Mariae Andreaßi, Regii Consilarii, ac Sacri Monis Pauperum Delegati. 123
- Militarium Praefectorum funebres Inscriptiones. 126
- Inscriptiones appositae quatuor lateribus basis argenteae Molis, dono data ab Excellentissima Civitate Neap. Carolo, Regi suo invictissimo. 128
- In funeris apparatu Ferdinandi VI. Hispaniarum Regis, instructo in Regali Sacello Neapoli. 130
- In ejusdem Catholici Regis funebri apparatu in Regali Templo S. Jacobi & Victoria Hispanorum, Neapoli habito. 132
- Octavii Correalii Parentalia. 133
- In funere Surrentini Anstictis Josephi Sersalii. 134
- 1a

<i>In funere Praefidis Supremi Magistratus Commercii, Regii Consilarii Francisci Ventura.</i>	135
<i>Hispaniarum Regina Maria Amalia Walburge Parentalia, habita Neapoli in Regali Sacello.</i>	136
<i>In loco, ubi eorum, qui navibus Neapolim adventant, sa- nitas probatur.</i>	141
<i>In quodam Sodalium communi Sepulchro.</i>	ibid.
<i>Funeris apparatus Benedicto XIV. P. M. a Sodalitate Al- borum Spiritus Sancti Neapoli institutus.</i>	142
<i>Dies Genialis ob prorogatum Cardinali Michaeli Federico de Althan Proregis munus ann. MDCCXXV.</i>	145
<i>De jure feudali Oratio.</i>	159
<i>Epistola Collectioni Dissertationum & Opusculorum Jurispru- dentiae, quam Litteraria Societas Bernae apud Helvetios meditatur, praefigenda.</i>	175
<i>Francisci Galluppi ad Auctorem Epigrammata.</i>	199

F I N I S.






10

1

2

✓





113

22



